

731a. 20. Ac. 62nd. Un.
C. 101a.
PARECBOLÆ

SIVE

EXCERPTA

è Corpore Statutorum

UNIVERSITATIS OXONIENSIS.

Accedunt

Articuli Religionis XXXIX.

In ECCLESIA ANGLICANA recepti:

NEC NON

JURAMENTA

FIDELITATIS & SUPREMATUS.

In Usum Juventutis Academicæ.



O X O N I Æ,
E THEATRO SHELDONIANO MDCCV.



ELENCHUS
TITULORUM, SECTIONUM,
ET PARAGRAPHORUM
Quæ in Corpore Statutorum continentur.

TITULUS I.

De Terminis & Vacationibus.

- Señ. 1.* De Terminorum numero, initio, & fine. *Pag. 1.*
2. De Precibus solennibus, ac concionibus Latinis, initio cujusque termini habendis. 2.

TITULUS II.

De Matricula Universitatis.

- * *Señ. 1.* De Matricula Universitatis custodienda.
* 2. Matriculæ distributio in Capita.
3. De tempore & conditionibus Matriculationis. 3.
* 4. De Officio Bedellorum circa Scholares Matriculandos.
5. De Officio Præfectorum circa Scholares Matriculandos. 4.
6. De Laicis ad Privilegia Universitatis admittendis: & Juramentum eorundem. 230.
* 7. De Studioforum & Privilegiatorum Servientibus Matriculandis.
* 8. De Burgenſibus ad Privilegia Universitatis admittendis.

ELENCHUS

- * 9. De Privilegiis Universitatis, & Civitatis, simul non fruendis.
- * 10. De Feudis Matriculandorum.
- * 11. De Distributione Reditus provenientis è Feudis Matriculationis.

TITULUS III.

De Scholaribus in Collegia & Aulas Compellendis.

- Sect. 1.* De Scholarium admissione in Collegia & Aulas. Ne quis in domibus privatis victitet, aut hospitetur. 5.
2. Quales Tutores Scholaribus præficiendi sint. 6.
3. De non Migrando sine venia ab uno Collegio vel Aula ad aliud. 7.

TITULUS IV.

De Lectoribus Publicis.

SECTIO I.

Statuta Specialia ad Lectores pertinentia.

- Art. 1.* De Lectoribus ad Lecturas adhuc indotatas designandis. 8.
2. De Prælectore Grammaticæ. 10.
3. De Prælectore Rhetoricæ. *ibid.*
4. De Prælectore Dialecticæ. *ibid.*
5. De Prælectore Moralis Philosophiæ. 11.
6. De Prælectore Geometriæ. *ibid.*
7. De Prælectore Astronomiæ. *ibid.*
8. De Prælectore Musicæ, Doctoris Heyther. 12.
9. De

TITULORUM, &c.

9. De Prælectore Moralis Philosophiæ, instituto
per spectabilem virum D. Guil. Sedley. 12.
10. De Prælectore Metaphysicæ. 13.
11. De Prælectore Historices, per celeberrimum vi-
rum Guil. Camdenum instituto. *ibid.*
12. De Linguae Græcæ Professore Regio. *ibid.*
13. De Linguae Hebraicæ Professore Regio. 14.
14. De Regio Juris Civilis Professore. *ibid.*
15. De Prælectore Anatomices. 15.
16. De Regio Professore Medicinæ. 16.
17. De Prælectore S. Theologiæ, Dominæ Marga-
retæ Comitissæ Richmondæ, Matris Regis
Henrici septimi. *ibid.*
18. De Regio S. Theologiæ Professore. *ibid.*

S E C T I O II.

Statuta Lectores in genere spectantia.

- Art. 1.* Quod Lectores in propriis personis legant.
De substituendis aliis loco ægrotantium, aut
absentium. De multis. 17.
2. Ne quis Lectorum, quicquam cum fide Catho-
lica, vel bonis moribus pugnans, doceat. 18.
3. De Philosophica Doctrina veritati Theologicæ
conformanda & attemperanda. 19.
4. Prælectores Sermonem inter legendum ne præ-
cipitent: Auditorum dubiis, si quæ fuerint,
finita lectione satisfaciant. *ibid.*
5. De Eligendis Publicis Lectoribus. 230.
6. Statuta Lecturæ Arabicæ. 231.

TITULUS V.

De Lectionum Publicarum Auditoribus.

- Art. 1.* Quod singuli Scholares peculiaribus Scholis
contribuantur. 20.

ELENCHUS

2. Quod singuli Scholares Lectores suos (siqui fuerint ejusdem Domus) ad Scholas deducant. 20.
3. De modo quo Auditores in Scholis se gerent, inter audiendum. 21.
4. De Multis Auditorum à Lecturis Publicis absentium. *ibid.*

TITULUS VI.

De Tempore ad Gradus capeffendos requisito, & Exercitiis pro forma præstandis.

SECTIO I.

De Tempore & Exercitiis Requisitis ad Gradum Baccalaurei in Artibus.

- Art. 1.* Quot anni in audiendis publicis Lectoribus ponendi, requirantur ad Gradum Baccalaurei in Artibus. 22.
2. De Exercitiis præstandis pro Gradu Baccalaurei in Artibus. 23.
 3. De disputationibus in Parvulo tum habendis, tum frequentandis. *ibid.*
 4. De tempore intra quod creandi sunt Sophistæ Generales: Formula creandi Generales. 25.
 5. De Scholis sortiendis, & Quæstionibus publicandis. 26.
 6. De Responsionibus Quæstionistarum sub Baccalaureis Determinantibus. 27.
 7. Leges Respondendi sub Baccalaureo Determinante. 28.

SECTIO

TITULORUM, &c.

SECTIO II.

*De Tempore & Exercitiis Requisitis ad Gradum
Magistri in Artibus.*

- Sect. I.* 1. Quot anni, in audiendis publicis Lectoribus ponendi, requirantur ad Gradum Magistri in Artibus. 29.
2. De exercitiis præstandis pro Gradu Magistrali in Artibus. *ibid.*
3. De Determinatione Quadagesimali. 30.
4. De Collectoribus Quadagesimalibus designandis. *ibid.*
5. De Officio Collectorum. 31.
6. De disputationibus in Die Cinerum sive Carnis privii.
7. De precibus habendis unoquoque die Saturni, durantibus Quadagesimalibus Disputationibus, in Choro Templi B. Mariæ. Et de Junioris Procuratoris Oratione ad Determinatores habenda. 33.
8. De Classibus Determinantium ordinandis: Et de tempore Disputationibus Quadagesimalibus præstituto. 34.
9. De forma in Determinatorum Disputationibus observanda. 36.
10. De Disputationibus apud Augustinenses. *ibid.*
11. De Officio Magistrorum Scholarum quoad Disputationes apud Augustinenses. Et de Collectoribus Augustinensium. 38.
12. De Baccalaureorum Disputationibus Quodlibeticis. 39.
13. De sex Lectoris solemnibus habendis ante Licentiationem in Artibus. 40.
14. De binis Declamationibus habendis ante Inceptionem in Artibus. 41.
15. De

ELENCHUS

15. De Regimine Scholarum in genere, quoad
Exercitia in Artibus ibidem præstanda. 44.

SECTIO III.

*De Tempore & Exercitiis Requisitis ad Gradus in
Musica capeßendos.*

- Seß.* 1. Quot anni ponendi sint in studio vel praxi
Mulices, pro Gradu Baccalaureatus in Mu-
fica. 45.
2. De exercitiis pro Gradu Baccalaureatus in Mu-
fica præstandis. *ibid.*
3. Quot anni ponendi sint in studio vel praxi Mu-
ficæ, pro Gradu Doctoris in Musica. 46.
4. De exercitiis per Inceptorem in Musica præ-
standis. *ibid.*

SECTIO IV.

*De Tempore & Exercitiis Requisitis ad Gradus
in Jure Civili capeßendos.*

- Seß.* 1. Quot anni in audiendo Professore publico
Juris Civilis ponendi, requirantur ad Gradum
Baccalaurei in Jure Civili. 47.
2. Exercitia pro Gradu Baccalaureatus in Jure Ci-
vili præstanda. *ibid.*
3. Quot anni in audiendo publico Professore Juris
Civilis ponendi, requirantur ad Gradum Do-
ctoris in Jure Civili. 48.
4. Exercitia pro Gradu Doctoris in Jure Civili
præstanda. 49.

TITULORUM, &c.

SECTIO V.

*De Tempore & Exercitiis Requisitis ad Gradus in
Medicina capeffendos.*

- Seçt. 1.* Quot anni in audiendo publico Professore
Medicinæ ponendi, requirantur ad Gradum
Baccalaurei in Jure Civili. 49.
2. Exercitia pro Gradu Baccalaurei in Medicina
præstanda. 50.
3. Quot Anni, in audiendo publico Medicinæ
Professore ponendi, ad incipiendum in Medi-
cina requirantur. *ibid.*
4. Exercitia pro Gradu Doctoris in Medicina præ-
standa. 51.

SECTIO VI.

*De Tempore & Exercitiis Requisitis ad Gradus in
Theologia capeffendos.*

- Art. 1.* Quot anni in audiendo publico Theologiæ
Professore ponendi, requirantur ad Gradum Bac-
calaurei in S. Theologia. *ibid.*
2. Exercitia pro Gradu Baccalaurei in S. Theolo-
gia præstanda. 52.
3. Quot Anni, in audiendo publico Theologiæ
Professore ponendi, requirantur ad Incipien-
dum in S. Theologia. 53.
4. Exercitia pro Gradu Doctoris in Sacra Theolo-
gia præstanda. *ibid.*

SECTIO VII.

*Quomodo, & unde computandum sit Tempus singulis
Gradibus capeffendis præstitutum. 54.*

ELENCHUS

TITULUS VII.

*De Generali Inceptione in singulis Facul-
tatibus, sive de Vesperis &
Comitiis.*

SECTIO I.

*Statuta Specialia, ad Vesperias & Comitia
pertinentia.*

- Art. 1. De tempore Comitiorum.* 55.
2. De Prælectionibus in Vesperis: & quod Ince-
ptores circumeant singulas Scholas. 56.
3. De Disputationibus Vespertialibus. 57.
4. De Disputationibus Vespertialibus in Philoso-
phia. *ibid.*
5. De conclusione Vespertiarum Philosophicarum;
& de juramento Inceptorum. 58.
6. De Disputationibus Vespertialibus Juristarum.
ibid.
7. De Disputationibus Vespertialibus Medicorum. 59.
8. De Disputationibus Vespertialibus Theologorum. 60.
9. De Coena Vespertiali. 61.
10. De Concionibus die Dominico inter Vesperias
& Comitia habendis. *ibid.*
11. De Precibus solennibus, & Oblationibus, in
Die Comitiorum. *ibid.*
12. Quem locum in Comitibus singulae Facultates
fortiantur. 62.
13. De Disputationibus Philosophicis in Comi-
tiis. *ibid.*
14. De

TITULORUM, &c.

14. De Actu Musico. 63.
15. De Disputationibus Comitibus in Medicina. 64.
16. De Disputationibus Comitibus in Jurisprudentia. 65.
17. De Disputationibus Comitibus in Theologia. *ibid.*
18. De Conclusionem Comitiorum. 66.
19. De Congregatione, finitis Comitibus, habenda. *ibid.*
20. De Concione Latina, habenda die proximo post Comitibus. *ibid.*

SECTIO II.

Statuta Generalia ad Vesperias & Comitibus spectantia.

- Art. 1.* Designatio Actorum in Vesperis & Comitibus penes Procuratores est. 67.
2. Quaestiones in singulis Facultatibus discutiendae in Vesperis & Comitibus, Iudicio Congregationis approbandae. 68.
3. De Compescendis contumeliis in Exercitiis Vespertialibus & Comitibus. 69.
4. Habitus Vespertiales & Comitiales Inceptorum in Artibus. *ibid.*
5. Habitus Inceptorum in aliis Facultatibus. 70.
6. De Senioritate Inceptorum in quaque Facultate. *ibid.*
7. De Sedilibus Inceptorum & Extraneorum non occupandis. 71.
8. De Vesperis & Comitibus à B. Virginis Mariae Templo transferendis ad Aedificium seu Theatrum publicum impensis & munificentia Reverendissimi in Christo Patris GILBERTI Archiepiscopi Cantuariensis nuperrime exstructum, aliisque capitibus negotium istud concernentibus. 72.

ELENCHUS

TITULUS VIII.

De Disputationibus ordinariis.

- Seſſ.* 1. De Disputationibus Ordinariis in S. Theologia. 74.
2. De Disputationibus Ordinariis in Medicina. 76.
3. De Disputationibus Ordinariis in Juris-prudentia. *ibid.*
4. De Disputationibus Quodlibeticis habendis Vice Ordinariarum in Artibus. 77.
5. De Disputantibus per Bedellos præmonendis. 78.
6. Disputantium habitus. Præfandi leges. 79.
7. De Officio Vice-Cancellarii, & Procuratorum circa has Disputationes 80.
8. De mulctandis Delinquentibus circa has Disputationes. *ibid.*

TITULUS IX.

De Congregationibus Magistrorum Regentium.

SECTIO I.

De Tempore & Negotiis Congregationum, & de Personis ad eas spectantibus.

- * *Seſſ.* 1. De Tempore Congregationum habendarum.
2. De Negotiis in Domo Congregationis tractandis. 81.
3. De personis ex quibus constat Congregatio: & penes quos sit potestas negandi quæ proponuntur. 82.
4. De

TITULORUM, &c.

4. De Magistris necessario Regentibus. *ibid.*
5. Formula admittendi Magistros ad Regendum. 83.
6. Qui sint Magistri Regentes ad placitum. 84.

SECTIO II.

De Examinandis Graduum Candidatis per Magistros necessario Regentes.

- Seff.* 1. De Examinandis iis qui Gradus in Artibus capeſunt, aut in Jurisprudencia, priuſquam in Artibus Inceperint. 85.
2. De Examinatoribus deſignandis, & Juramento onerandis per Procuratorem Senioreſ. 87.
3. De mulctandis Delinquentibus circa Examinationes; & de Officio ac cura Vice-Cancellarii & Procuratorum circa eaſdem. 89.
- * 4. De Examinandis Graduum Candidatis in aliis Facultatibus.

SECTIO III.

De Gratiis petendis.

- Seff.* 1. Conditiones præviae ad petitionem Gratia ex parte ſupplicis. 90.
2. Conditiones proponendi Gratiar. 91.
3. Formula Generalis petendi Gratiar. 93.
4. Formulæ ſpeciales Gratiarum ad ſingulos gradus pertinentium. *ibid.*
5. De Gratiis ſimpliciter concedendis vel negandis. 96.
6. De Suffragiis, in concedendis vel negandis Gratiis, non revelandis. 97.
7. De Cauſa Gratia ter negatae oſtendenda, ſtatim poſt tertiam Congregationem finitam. *ibid.*
8. Formula pronunciandi Gratiar concessas. 98.

SECTIO

ELENCHUS

SECTIO IV.

De Dispensationibus.

- Seff.* 1. De Dispensationibus in venerabili Domo
Congregationis proponendis. Formula suppli-
candi. 99.
2. De Materia Dispensabili, in qua Congregationi
dispensare permissum est. 100.

SECTIO V.

De Præsentationibus Graduandorum.

- Seff.* 1. De Circuitione & Visitatione, à præsentandis
obeunda. 103.
2. De solenni processu Præsentandorum ad Do-
mum Congregationis. 105.
3. De Subscriptionem ante Præsentationem exigen-
da. 106.
4. De Consuetudine quæ vocatur *Nemo scit*, ante
Præsentationem Inceptoris in Jure Civili. *ibid.*
5. Ceremoniæ, sive ritus Præsentandorum. 107.
6. Peculiares Formulæ Præsentandi ad singulos
Grados. 108.
7. De Depositionibus pro Præsentandis. 110.

SECTIO VI.

De Juramentis Præsentandorum.

- Art.* 1. Statuta, in quæ singulos Præsentatos Jure-
jurando adigit Junior Procurator. Et admoni-
tio de Habitu Gradui competente. 115.
2. Sta-

TITULORUM, &c.

2. Statuta, in quæ singulos Præsentatos Jure-jurando adigit Senior Procurator. 118.
3. Communis formula, singulos Præsentatos Juramento obstringendi; & de Juramento Primatus Regii, & Fidelitatis à singulis exigendo. 127.

SECTIO VII.

De Creatione & Licentiatione Præsentati per Vice-Cancellarium peragenda. 128.

SECTIO VIII.

De Incorporatione.

- * *Seç.* 1. De incorporandis studiosis, ab aliis Academiis, huc adventantibus.
- * 2. Conditiones incorporandi Alumnos Universitatis Oxon. vel Cantabrigienfis, apud exterarum Academiarum Gradus capeffentes.
- * 3. Quo loco & Statu Incorporati effe debeant.

SECTIO IX.

De Licentiis concedendis.

- Art.* 1. De qualitate eorum, qui ad Concionandum per univerfam Angliam Licentiandi funt. 131.
2. Formula petendi Licentiam ad Concionandum per univerfam Angliam. 132.
3. Formula Literarum Testimonialium. *ibid.*
- 4 De Qualitate eorum qui ad Praxiam in Medicina Licentiandi funt. 134.
5. Formula petendi Licentiam ad Practicandum in Medicina. *ibid.*
6. Formula Literarum Testimonialium. 135.
7. De qualitate & conditione Licentiandi ad Praxiam Chirurgiæ. 136.
8. Formula Literarum Testimonialium. 137.

ELENCHUS

TITULUS X.

*De magna congregatione, siue Convocatione
Magistrorum Regentium, & non Regentium.*

SECTIO I.

De modo ad Magnam Convocationem conveniendi. 138.

SECTIO II.

De Negotiis in Domo Convocationis tractandis.

- Art. 1. Enumeratio Negotiorum quæ ad Domum
Convocationis spectant. 139.*
- 2. De Statutis & Decretis in Domo Convocationis
condendis & interpretandis. 140.*
- * 3. De Statutis Universitatis transcribendis & cu-
stodiendis.*
- 4. De materia dispensabili, in qua Convocationi
dispensandi potestas permissa est. 141.*
- 5. De materia indispensabili, in qua Convocationi
dispensare non permittitur. 143.*
- 6. De Electionibus in Domo Convocationis ha-
bendis. 144.*
- 7. De Delegatorum nominatione & munere. 148.*
- 8. De Degradatione. 150.*

TITULUS XI.

*De Congregationibus & Convocationibus
Statuta Generalia.*

- Art. 1. Congregationibus alii necessario, alii libere
interfunt; Convocationibus singuli, rite mo-
niti, tenentur per fidem interesse. 152.*
- 2. De*

TITULORUM, &c.

2. De ordine sedendi in Convocatione & Congregatione. 153.
3. In Domo Congregationis & Convocationis Latino idiomate utendum. Loquendi modus & vices servandæ. A contumeliis abstinendum. *ibid.*

TITULUS XII.

De Assimilationibus Parvis, seu simile-Primo.

Negotia huic conventui permiffa, item interdicta. 154.

TITULUS XIII.

De Hebdomadali & ordinario conventu Præfectorum Collegiorum & Aularum. 155.

TITULUS XIV.

De Vestitu & Habitu Scholastico.

- Sess.* 1. De Vestitu Præfectorum, Sociorum, & Scholarium Collegiorum; Et de modo in Vestibus servando à cæteris. 157.
2. De reprimendis & puniendis novos & insolitos Habitus Invehentibus. 158.
 3. Habitus Academici, singulis gradibus & facultatibus competentes. *ibid.*

TITULUS XV.

De Moribus Conformandis.

- Sess.* 1. De Reverentia Juniorum erga Seniores. 160.
- c
- a. De

E L E N C H U S

2. De coercendis otiosis & male seriatis Scholaribus
in Civitate oberrantibus. 162.
3. Quod Scholares Conventibus Juridicis, qui Ses-
siones & Assisæ vocantur, non interfint. *ibid.*
4. De Domibus Oppidanorum non frequentan-
dis. 163.
5. De Oenopoliis, five Tabernis Vinariis, Popinis,
& Diverforiis non frequentandis. 164.
6. De Nocturna Vagatione reprimenda. 165.
7. De Ludis prohibitis. 166.
8. De Famosis Libellis cohibendis. 168.
9. De Contumeliis compescendis. *ibid.*
10. De vi & injuria prohibenda. 169.
11. De Armis non gestandis. 170.
12. De Conventiculis illicitis reprimendis. *ibid.*
13. De autoribus & fautoribus Dissensionis puni-
endis. 171.
14. De oppugnatoribus & violatoribus publicæ Au-
thoritatis & manutenentibus coercendis. 172.

T I T U L U S XVI.

De Concionibus.

- Sect.* 1. De Concionibus ante Meridiem, diebus Do-
minicis intra Terminum, habendis. 173.
2. De Concionibus habendis ante Meridiem die-
bus Dominicis extra Terminum, & diebus festis
ante Meridiem, ac Dominicis post Meridiem,
per totum Annum. 174.
3. De Concionibus Quadragesimalibus ad Divi Pe-
tri in Oriente. 175.
4. De Concionibus quibusdam Extraordinariis, ad
B. Mariæ. 176.
5. De Concionibus Anniversariis habendis extra
Templum B. Mariæ. 177.
6. De Concionatoribus approbandis. 178.
- 5
7. De

TITULORUM, &c.

7. De præmonendis Concionaturis, & poena eorum qui deficiunt. 178.
8. De Commemoratione publicorum Universitatis Benefactorum, pro Concionibus solennibus intra Universitatem habendis. 179.
9. De Offensionis & Dissensionis materia in Concionibus evitanda. 180.
10. De Officiis Divinis, seu Precibus solennibus juxta Liturgiam Ecclesiæ Anglicanæ, & Concionibus publicis frequentandis. 181.

TITULUS XVII.

De Officiariis Universitatis.

SECTION I.

De Cancellario Universitatis.

* *Sect.* 1. De Cancellarii Electione & Admissione.

* 2. De Officio, Authoritate & Potestate Cancellarii.

SECTION II.

* *De Seneschallo & Sub-Seneschallo Universitatis, eorumque Electione & Officio.*

SECTION III.

De Vice-Cancellario.

* *Sect.* 1. De Cancellarii Commissario Generali, seu Vice-Cancellario ejusque nominatione, & Admissione; & de Deputatis ipsius.

ELENCHUS

- * 2. De Autoritate & Officio Vice-Cancellarii.
- * 3. De Computo Vice-Cancellarii, ejusque Salario.

SECTIO IV.

De Procuratoribus Universitatis.

- * Sect. 1. De pristina Procuratores eligendi Forma abrogata, & nova per Sereniss. REG. CAROLUM inuenta.
- * 2. De novorum Procuratorum Admissione ad Officia sua.
- * 3. De Officio & Autoritate Procuratorum.
- * 4. De Famulis Procuratorum.
- * 5. De Computo Procuratorum & Salario.

SECTIO V.

De Electione & Officio Magistrorum Scholarum. 182.

SECTIO VI.

De Magistris Vicorum designandis, & eorum Officio. 183.

SECTIO VII.

* *De Publico Oratore Universitatis.*

SECTIO VIII.

* *De Clericis Mercatus.*

SECTIO IX.

* *De Publico Archivorum Universitatis Custode.*

TITU.

TITULORUM &c.

TITULUS XVIII.

De Ministris & Servientibus Universitatis.

SECTIO I.

* *De Registrario Universitatis.*

SECTIO II.

* *De Bedellis.*

* *SECT. I. De Bedellorum Electione.*

* 2. *De Bedellorum Officiis.*

* 3. *De Bedellorum Baculis sive Columnis quotannis deponendis, seu resignandis.*

SECTIO III.

* *De Stationario seu Virgifero Universitatis.*

SECTIO IV.

* *De Clerico Universitatis; & Timinabulario ejusdem.*

SECTIO V.

* *De Typographis Universitatis.*

SECTIO VI.

* *De Ballivo Universitatis*

TITU-

ELENCHUS

TITULUS XIX.

*De Feudis ad Universitatem, Officiarios
& Servientes pertinentibus.* 184.

TITULUS XX.

De Bonis, & Locis Publicis Universitatis.

- * Sect. 1. De Communi Aerario, & Bonis Universitatis in tuto custodiendis.
- * 2. De Chartis & Munimentis Universitatis custodiendis.
- * 3. De Sigillis Universitatis.
- * 4. De Scholis Publicis.
- * 5. De Bibliotheca.
- 6. De Platearum Regimine. 186.

TITULUS XXI.

De Judiciis.

- Sect. 1. De Jurisdictione Universitatis tuenda. 187.
- * 2. De Curia Commissarii, sive Vice-Cancellarii Universitatis.
- * 3. De Assessore, sive Deputato Vice-Cancellarii.
- * 4. De Registrario Curiae Vice-Cancellarii.
- * 5. De Procuratoribus ad Lites.
- * 6. De Contumacia coercenda.
- * 7. Cum Reus comparuerit in Judicio, quid agendum.
- * 8. De modo procedendi in Causis levioribus, & in Causis quæ pecunia æstimandæ non sunt.
- * 9. De

TITULORUM, &c.

- * 9. De modo procedendi in Causis gravioribus.
- * 10. De modo procedendi in Causis criminalibus.
- 11. De Incarceratione Custodiæ causa. 189.
- * 12. De iis qui majorum criminum suspicione tenentur.
- 13. De Reis, majorum Criminum Convictis. 189.
- 14. De iis qui de se justitiam fieri non permittunt. 190.
- 15. De iis, qui Universitatis Juribus aut Privilegiis adversantur, disprivilegiandis vel discommunicandis. 191.
- 16. De Perturbatoribus Pacis, sive iis quorum Appellationes recipiendæ non sunt. *ibid.*
- * 17. De Causis in quibus dubitatur, utrum Appellatio admittenda sit, necne.
- * 18. De Appellationibus admittendis in Causis civilibus, Perturbationi Pacis annexis.
- * 19. Quo ordine Appellandum sit.
- * 20. De Judicibus Delegatis in Causis Appellationum.
- * 21. De Cautionibus ab Appellantibus deponendis penes Procuratores Universitatis, priusquam Inhibitionem obtineant.
- * 22. De Modo procedendi in Causis Appellationum.

APPENDIX STATUTORUM,

In quo continentur,

- * Ordinatio Margaretae Comitiss. Richmondiae,
circa Lectorem in S. Theologia.
Statuta Bibliothecae Publ. Bodleianae. 194.
- * Statuta Saviliana, de Professoribus Matheseos.
- * Dotatio Lecturae Naturalis Philosophiae per D.
Guil. Sedley.
- * Statuta Doctoris White, de Lectore Moralis Phi-
losophiae.
- * Statuta Lecturae Anatomicae.
- * Statuta Doctoris Heyther de Praxi Musices Heb-
domadali.
- Statuta CAROLINA de Cyclo Procuratorio. 205.
- * Statuta Aularia.

TITULUS

TITULUS I.

DE

TERMINIS

ET

VACATIONIBUS.

§. I. *De Terminorum numero, initio, & fine.*

ANNUS Academicus quatuor Terminos continet.

E quibus primus incipiet in crastino S. Dionysii, scilicet 10^o Octobris; & in 17^o Decembris, in crastino diei qui O Sapientia dici solet, terminabitur.

Secundus in crastino S. Hilarii, hoc est, 14^o Januarii inchoabitur; & in Vigilia Dominicæ Palmarum desinet: ita tamen quod Lectores non teneantur legere tempore Quadragesimali.

Tertius die Mercurii post Dominicam in Albis, hoc est, 10^o die post festum Paschatis, initium sumat; & in feria quinta, hoc est, die Jovis proxime ante Pentecosten exeat.

Quartus feria quarta, sive die Mercurii post festum Sanctæ Trinitatis auspicetur, & continuetur ex prorogatione in diem Sabbati Comitæ proxime sequentem; & ulterius secundum beneplacitum Vice-Cancellarii, Procuratorum, & Magistrorum Regentium.

Si forte initium vel finis alicujus Terminum in diem Festum incidit, inchoatio vel terminatio ejusdem in diem immediate sequentem differatur.

A

Plenus

Plenus Terminus quoad Exercitia, inchoari intelligendus est, primo die Hebdomadis sequentis Primam Congregationem.

§. 2. *De Precibus solennibus, ac Concionibus Latinis, initio cuiusque Terminis habendis.*

QUO auspiciatius simul & solennius Terminus quique inchoetur, ordinatum est, quod post Preces publice secundum Liturgiam Ecclesiæ Anglicanæ in Ecclesia B. Mariæ Virginis celebratas, Concio Latine ad Clerum habeatur.

Quam Concionem S. Theologiæ Professores & alii in Theologia Graduati Sacris Ordinibus initiati, seriatim obeant; aut alii illorum loco substituti, per Vice-Cancellarium approbandi. Provisio semper, quod nullus ad munus prædictæ functionem obeundam vice alterius quovismodo admittatur, nisi Sacris Ordinibus initiatus, quique in Theologia graduatus fuerit; aut saltem Artium Magister per quatuor annorum spatium à suscepto Magisterii Gradu; quique insuper facultati Theologiæ nomen suum dederit.

Preces autem has publicas, tunc atque etiam quacunque alia occasione habendas, ipse Cancellarius, aut ejus Vice-Cancellarius, sive Deputatus aut aliquis alius è publicis S. Theologiæ prælectoribus, aut (aliquo ipsorum concionante) quicunque alius S. Theologiæ Doctor, Collegii alicujus aut Aulae Præfectus, à Cancellario, Vice-Cancellario, aut ejus Deputato substitutus perlegat, & reliqua ibidem in officiis divinis præstantia celebret ac peragat.

Duo autem è Magistris necessario Regentibus aut etiam non Regentibus, qui adfuerint, à Procuratoribus personaliter designati, & per Bede-

Tit. I.

ri in-
quen-

bus

ermi-
quod
clefia
cele-

ffores
inibus
a loco
bandi
dict
smode
quique
Artium
ulcep
cultat

etiam
Cancel
utatus
præle
e) qui
i alicu
Vice
perle
restan
entibu
a Pro
Bede
lum

Tit. II. De Matricula Universitatis.

3

sum requisiti Litaniam solenniter ac devote can-
tent; Chorus autem respondeat. Quod si quis
requisitus recusaverit, mulctetur quinque solidis
in usum Universitatis; & Procuratores è præ-
sentibus alios usque designare teneantur, donec
aliqui in se recipiant. Quod si neminem desi-
gnare voluerint procuratores, ipsi ad cantandum
teneantur.

Demum post peractas Preces, finita etiam
concione, ad sacram synaxim decenter & reve-
renter celebrandam se accingant. Cui melioris
notæ Academicos frequentes adesse, præter con-
scientiæ dictamen, publici exempli interest; si-
cut & singulos ceremoniis & Canonibus Ecclesiæ
conformes se præstare interest Disciplinæ Eccle-
sasticæ, contra quam ne quid peccetur, sedulo
curabit Vice-Cancellarius.

TITULUS II.

De Matricula Universitatis.

§. I. De tempore & conditionibus Matriculationis.

OMnes & singuli Studentes seu scholares
cujuscunque conditionis, intra quindenam
postquam ad Universitatem accesserint, coram
Cancellario ejusve Commissario matriculandos
Vice-Præfate, nec, priusquam in Matriculam Uni-
versitatis relati fuerint, ullis Universitatis privi-
legiis aut beneficiis gaudeant. Quod si à Præse-
cto Domus suæ, ejusve Deputato legitime moniti,
nilo secius matriculandos sese non sistant, pro
à Proqualibet quindena suæ dilationis sex solidis &
Bedecto denariis ad usum Universitatis mulctentur.

Quotquot autem in Matriculam Universitatis redigendi accedunt, si decimum sextum suæ ætatis annum attigerint, Articulis fidei & Religionis subscribant, & de agnoscendo primatu Regiæ Majestatis; nec non de fidelitate Universitati exhibenda; Statutis, Privilegiis, & consuetudinibus ejusdem observandis, juxta formam hæcenus usitatam, corporale juramentum præstent.

Quod si infra decimum sextum & supra duodecimum ætatis annum extiterint, Articulis fidei & Religionis duntaxat subscribent, & in Matriculam redigentur.

Quod si duodecimum non excesserint, in Matriculam duntaxat referentur; utrique tamen postmodo ubi ad maturam ætatem pervenerint, qua cætera requisita præstare possint, tum demum ea præstare teneantur sub poena non fistentium se Matriculandos.

§. 2. De officio Præfectorum circa Scholares Matriculandos.

Decretum est, quod omnes & singuli Præfecti five Magistri Collegiorum aut Aularum, (five quocunque alio titulo ac nomine cognoscantur, aut censeantur) aut, ipsis absentibus eorum Deputati teneantur & obligentur, infra quindecim à tempore quo aliquis Scholarium five studentium in suum Collegium five Aulam fuerit admissus, eundem Scholarem five Studentem coram Cancellario, vel ejus Commissario qui pro tempore fuerit, personaliter sistendum curare, ut in Matriculam Universitatis nomen ejus debite referatur.

Una cum Matriculando accedat ipsius Tutor, qui

Tit. III. *De Scholaribus in Collegia.*

qui fide sua data Universitati, conditionem Matriculandi, (utrum sc. Nobilis, Equitis, Doctoris, Armigeri, Generosi, an plebei filius sit,) Vice-Cancellario bona fide prodere tenebitur. Quod si Tutor recusaverit, Tutoris munere ipsi interdicatur.

Quod si quis Præfectus aut Magister, aut ejus deputatus (postquam ipsi per Bedellum superiorem sive Theologiæ, sive Juris Civilis innotuerit, Scholarem, vel Studentem suum infra tempus prædictum in Matriculam Universitatis relatum non esse,) eum ad comparandum, & ad cætera quæ requiruntur præstanda, non compellat, (qui, vigore hujus Statuti, compellendi potestatem habeat) pro qualibet quindena suæ dilationis post monitionem sibi per Bedellum factam, tribus solidis & quatuor denariis ad usum Universitatis mulctetur.

TITULUS III.

De Scholaribus in Collegia & Aulas
Compellendis.

§. I. *De Scholarium admissione in Collegia & Aulas. Ne quis in domibus privatis victitet, aut hospitetur.*

CUM ad eruditionem & ingenuam Disciplinam promovendam plurimum conducatur, ut Scholares non solum sub publico, sed etiam sub privato regimine contineantur, Statutum est, quod omnes Scholares cujuscunque conditionis, intra septimanam à primo ipsorum adventu ad Academiam, in aliquod Collegium aut Aulam admittantur; ubi continue victum sumere ac pernoctare

pernoctare teneantur, nec ullo modo ultra tempus prædictum (nisi ex causa per Cancellarium aut ejus Vice-Cancellarium approbanda) in Domino Privata cujusquam (sive Privilegiati, sive non) hospitentur aut victitent: sub poena quod si quis in hoc deliquerit, pro eo tempore quo sic deliquerit, Universitatis privilegiis non fruatur, & crescente contumacia, pro arbitrio Cancellarii aut Vice-Cancellarii incarceretur, aut banniat.

Provisio tamen, quod liceat Scholaribus in domibus quibuscumque & Tenementis, Collegiis vel Aulis annexis vel annectendis, in quibus oppidani familiam non alunt, hospitari. Dummodo in annectendis fervetur hæc cautio: Ut ita sitæ sint, ut ad eas nullus pateat ingressus, nisi per commune ostium Collegii vel Aulae: cujus rei arbitrium & cura penes Cancellarium seu Vice-Cancellarium esto.

§. 2. *Quales Tutores Scholaribus præficiendi sint.*

STatutum est, quod Scholares in quolibet Collegio vel Aula, statim à Primo eorum ad Academiam adventu, singuli suos Tutores habeant, donec ad gradum aliquem promoti fuerint; vel saltem quatuor annos (ut in Jure Civili studentes) in Academia compleverint.

Et quod nullus pro Tutore se gerat, nisi qui sit in aliqua facultate graduatus, Vir Probitate & eruditione perspecta, Religione sincerus, judicio præfecti Collegii sive Aulae (in qua degit) comprobatus; vel, si circa hoc controversia oritur, judicio Vice-Cancellarii approbatus.

Provisio insuper quod, si per probationes legitimas innotescat Vice-Cancellario cuiquam minus

nus idoneo Tutoris munus fuisse demandatum, liceat Vice-Cancellario eidem Tutoris officio omnino interdicere.

Tutor vero Scholares tutelæ & regimini suo commissos probis moribus imbuat, & in probatis authoribus instituat; & maxime in rudimentis Religionis & doctrinæ Articulis in synodo Lond. (anno 1562.) editis: ac pro virili suo, disciplinæ in Ecclesia Anglicana publice receptæ eos conformes præstabit. Quod si quis in aliquo prædictorum deliquerit, arbitrio Cancellarii vel Vice-Cancellarii coerceatur.

Tutoris etiam muneri incumbit, quoad ea quæ ipsius oculis quotidie sese ingerere necesse est (qualia sunt vestes, Ocreæ, Capillitium, &c.) pupillos suos intra modum à Statutis præscriptum continere; quem si exceßerint Pupilli, Tutor pro 1^a 2^a & 3^a vice qua deliquisse Pupillus deprehensus fuerit, sex solidis & octo denariis mulctabitur: quarta vero vice Tutoris munere ipsi interdicit Vice-Cancellarius.

§. 3. *De non Migrando sine venia ab uno Collegio vel Aula ad aliud.*

Statutum est, quod non licebit alicui Collegii vel Aulæ præfecto, quemquam Scholarem sponte sua ab alio Collegio vel Aula, sine venia præfecti ejusdem sub Chirographo obtenta, discedentem, aut alias bona Præfecti cum venia recedentem, nullo tamen sub Chirographo ipsius obtento testimonio de honesta ac laudabili sua conversatione, in Collegium vel Aulam suam admittere, nisi causa recessus & migrationis suæ per Cancellarium Universitatis qui pro tempore fuerit (vocato & audito Præfecto domus à qua discedere

dere cupit,) primitus fuerit approbata, sub poena XL^s. pro admissione cujusque Personæ sic admittæ, à Præfecto Collegii five Aulæ exigendorum.

Quod si quis à Collegio aliquo vel Aula expulsus fuerit, (id quod ante cujusquam admissionem exploraret enentur Præfecti ædium sub eadem poena) nemo in Collegium vel Aulam suam eum admittat, donec Cancellarius, (causa expulsionis cognita, & poena eidem pro arbitrio suo prius irrogata) admittendum censuerit, sub poena 40. solidorum pro quolibet Scholari contra intentionem hujus Statuti admissio, Universitati à Præfecto vel ejus Deputato qui in hoc casu deliquerit, solvendorum, & sub poena bannitionis infligenda Scholari, quem Vice-Cancellarius legitime expulsam judicaverit; quive (priusquam poenam à Cancellario impositam subierit) in aliquod Collegium vel Aulam se admittendum procuraverit.

TITULUS IV.

De Lectoribus Publicis.

SECTIO I.

Statuta Specialia ad Lectores pertinentia.

§. 1. De Lectoribus ad Lecturas adhuc indotatas designandis.

Statutum est, quod Lectores in Grammatica, Rhetorica, Logica, Metaphysica, ex Magistris Regentibus vel non Regentibus de biennio in biennium eligantur.

Visum

Visum est, potestatem Lectores istos eligendi esse penes quatuor Collegia, viz. duo illa unde præsentis anni Procuratores fuerint, & duo alia unde sequentis anni Procuratores futuri sint; ita quod duo illa Collegia unde fuerint Præsentis anni Procuratores secundum senioritatem Procuratorum, reliqua duo secundum ordinem senioritatis quo ad concionandum citantur, permissa lecturæ optione, singula unum Lectorem eligant seu designent. Quod si horum Lectorum quempiam fato fungi, aut Academia excedere, vel alias quoquo modo harum Lecturarum aliquam vacare contigerit, electio Lecturæ sic vacantis esto penes Principales & Magistros Aulares. In singulis autem ædibus pro electo habeatur is, in quem consenserint Præfectus & major pars suffragantium; quos ejus conditionis esse oportet quam statuta cycli Procuratorii requirunt. Quod si Præfectus (vel eo absente aut sede vacante) ejus vices gerens & major pars omnium suffragantium intra septimanam Comitia proxime sequentem in unum aliquem non assenserint, nec eam ob causam electio absoluta fuerit, & ante horam nonam vespertinam, die Saturni proximo post Comitia Vice-Cancellario renunciata, Collegium istud jus eligendi Lectorem ista vice amittet, & ad Vice-Cancellarium spectabit nominatio; qui intra triduum aptam &abilem Personam ex Aularum aliqua assumendam in Lectorem cooptabit. Qui sic electi in Scholis eisdem facultatibus & scientiis destinatis, temporibus inferioris assignandis diligenter legere teneantur.

§. 2. De Prælectore Grammaticæ.

PRælector Grammatices bis in qualibet Septimana, viz. die Martis & Veneris, hora octava matutina, publice Grammaticam legat Lingua Latina; vel Technice, è Prisciano, Linacro, aut alio Probato Grammatices Authore; vel Critice seu Philologice, selectos aliquos Titulos de antiquitatibus Græcis aut Romanis explicet.

Hujus Lectionibus interesse & auscultare, omnes Scholares cujuscunque conditionis, per annum integrum à primo ad Academiam adventu, teneantur.

§. 3. De Prælectore Rhetoricæ.

PRælector Rhetoricæ item bis in qualibet Septimana, viz. diebus Lunæ & Jovis, hora etiam octava matutina publice exponat Rhetoricam Aristotelis, Ciceronis, Quintiliani, aut Hermogenis: Quos inter se sic conferat, ut ex iis Artis præcepta in unum corpus redigat.

Ejus Prælectionibus Scholares icidem cujuscunque conditionis, per annum integrum à primo ad Academiam adventu, auscultare teneantur.

§. 4. De Prælectore Dialecticæ.

PRælector Dialectices, diebus Lunæ & Jovis hora octava matutina, Publice exponat aut Porphyrii Isagogen, aut quamcunque Logicæ Aristotelicæ partem: textum dilucide ac breviter exponendo: nec diu immoretur quæstionibus circa methodum vel analyfin libri seu textus,

fed

sed quæstiones ad materiam libri pertinentes rite eliciat, & succincte ac nervose discutiat.

Hujus Lectoræ Auditores sint singuli Scholares à primo anno completo, quousque ad Gradum Baccalaureatus in Artibus præsententur.

§. 5. *De Prælectore Moralis Philosophiæ.*

PRælector Philosophiæ Moralis diebus Martis & Veneris, hora octava matutina, Aristotelis Ethicæ ad Nicomachum, Politica, nec non Oeconomica publice legat, Textum exponendo, & quæstiones, prout è textu Aristotelis emergunt, succincte discutiendo.

Hujusque Lectoræ Auditores sunt singuli Scholares à primo anno completo, quoad præsentati fuerint ad Gradum Baccalaureatus in Artibus.

§. 6. *De Prælectore Geometriæ.*

PRælector Geometriæ secundum Statuta Saviliana bis in qualibet Septimana legat, scilicet diebus Mercurii & Saturni, hora octava matutina: & qui per Statuta illa tenentur, auditores sunt; nempe omnes Scholares, post annum secundum completum ab adventu ad Universitatem, usque ad annum primum Baccalaureatus completum, sub poena sex denariorum pro qualibet Lectione neglecta.

§. 7. *De Prælectore Astronomiæ.*

PRælector item Astronomiæ Statuta Saviliana observet. Legat vero diebus Lunæ & Jovis, horâ itidem octavâ matutinâ. Auditoresque ejus-

dem sint, qui iisdem Statutis designantur, nempe à primo anno Baccalaureatus completo usque ad Plenam inceptionem in Artibus, sub poena sex denariorum pro qualibet Lectione neglecta.

§. 8. *De Prælectore Musicae, Doctoris Heyther.*

PRælector Musicae à Gulielmo Heyther Musicæ Doctore institutus, semel vel sæpius quolibet anni termino, in Schola Musica, illius Artis Theoriam, inter horas octavam & nonam antemeridianas, legat. In vespertiis autem Comitiorum quotannis, inter horas nonam & decimam antemeridianas, (interposita Musicorum instrumentorum modulatione) vernacula lingua solennem etiam ibidem habeat Lectionem.

§. 9. *De Prælectore Naturalis Philosophiæ, instituto per spectabilem virum D. Guil. Sedley.*

LEgat Prælector Naturalis Philosophiæ, Aristotelis Physica, aut libros de Cælo & Mundo, aut de Meteoris, aut ejusdem Parva Naturalia, aut Libros de Anima, necnon Libros de Generatione & Corruptione, bis in qualibet septimana in pleno Termino, diebus scilicet Mercurii & Saturni, hora octava antemeridiana. Auditores sint Artium Baccalaurei, iidem qui & Astronomiæ. Multa Prælectoris non legentis, esto decem solidi; Auditoris absentis quatuor denarii.

§. 10. De Prælectore Metaphysicæ.

PRælector Metaphysicæ bis in septimana, diebus scilicet Martis & Veneris, hora octava antemeridiana, Aristotelis Metaphysica legat; Textum quoad fieri potest dilucide exponendo, & quæstiones Metaphysicas, quæ apud Scriptores antiquos & modernos agitantur, prout è Textu Aristotelis emergunt, succincte ventilando. Lecturæ suæ Auditores habeat Baccalaureos omnes, quousque ad Gradum Magistrorum præsentati seu licentiati fuerint.

§. 11. De Prælectore Historices, per celeberrimum virum Guil. Camdenum instituto.

PRælector Historices bis in qualibet Septimana, diebus scilicet Lunæ & Veneris, inter horas primam & secundam post meridiem in Schola Historicæ designata, Lucium Florum, aut alios quosvis antiquioris & melioris notæ Historicos prælegat. Ejusque Lectiones frequentare teneantur singuli Artium Baccalaurei, post Quadragesimam immediate sequentem primæ Præsentationis suæ diem, donec ad Gradum Magisterii promoveantur: Item Juris Civilis studiosi, quousque Baccalaurei Juris præsentati fuerint.

§. 12. De Linguae Græcæ Professore Regio.

Professor Regius Linguae Græcæ, bis singulis septimanis, diebus scilicet Mercurii & Saturni inter horas primam & secundam pomeridianas, in Schola huic Lecturæ assignata, Homorum

rum, Demosthenem, Isocratem, Euripidem, aut alium quemvis ex antiquioribus, & classicis Authoribus explicabit; quæcunque ad illius Linguae Grammaticen, & Sermonis proprietatem spectant, enarrando. Auditores sunt Scholares omnes post biennium completum ab adventu suo ad Academiam, & deinceps Baccalaurei omnes, donec ad Magistralem Gradum provecti sint.

§. 13. De Linguae Hebraicae Professore Regio.

Professor Regius Linguae Hebraicae, bis singulis septimanis, diebus Martis & Jovis inter horas Primam & secundam pomeridianas in Schola huic Lecturae assignata, è Sacrae Scripturae fontibus, quæcunque ad illius Linguae Grammaticam & Sermonis proprietatem pertinent, explicabit.

Ejus lectionibus intendant singuli artium Baccalaurei, statim post Quadragesimam immediate sequentem primae Praesentationis suae diem, donec annum integrum à suscepto Magisterii Gradu compleverint; Nisi quis rite, juxta statuta, inter auditores Juris aut Medicinæ nomen suum, intra primum annum à suscepto Magisterii Gradu, profiteatur. Et hic annus in audienda lingua Hebraica collocatus, pro uno illorum septem, qui juxta statuta in audiendo S. Theologiae Professore ponendi sunt, illis reputabitur.

§. 14. De Regio Juris Civilis Professore.

Professor Regius Juris Civilis, bis item in quolibet septimana, diebus scilicet Martis & Jovis, hora decima, in Schola huic Lecturae assignata, quamlibet partem Corporis Juris Civilis

lis exponet; eosque præcipue Titulos, qui ad usum & praxim in hoc Regno conducunt. Auditores habeat omnes, qui per Statuta Collegiorum Juri operam dare requiruntur, aut qui rite Juris studio nomina dederunt; donec ad Gradum Doctoris promoti fuerint, vel tempus in Academia compleverint, quo ad eundem Gradum promoveri possint.

§. 15. De Prælectore Anatomico.

PRælector Anatomicus leget modo & forma secundum Ordinationes de eadem Lectura editas, & per Universitatem approbatas, hoc est quolibet Vere, publice monstrabit, docebit, tradet, situm, naturam, usum & officium Partium corporis: Et quovis Termino Academico S. Michaelis (horis consuetis Lecturæ Medicæ destinatis) leget super Sceleto.

Temporibus aliis intra Terminum, poterit Prælector (prout visum fuerit) plenius explicare partem aliquam vel particulam Anatomies, vel Sceleri.

Auditores necessarii dictarum Lecturarum erunt omnes Studiosi Medicinæ, & omnes Chirurghi in Universitate. Et unusquisque studiosorum Medicinæ, (non Licentiatorum ad practicandum in Medicina) & Chirurgorum, pro quavis absentia sua non approbata per Prælectorem, solvent duos solidos.

Unusquisque admittendus per Universitatem ad practicandum in Medicina, vel Chirurgia, priusquam Gratiâ suam proponat ad dictam Licentiam obtinendam, Testimonium afferet, vel fidem faciet, quod interfuerit uni saltem integræ dissectioni Anatomicæ, unique integræ Lectioni

etioni de Sceletis; nisi secum per Congregationem Regentium dispensetur.

§. 16. De Regio Professore Medicinæ.

Professor Regius Medicinæ, bis in qualibet septimana, viz. diebus Martis & Veneris, hora octava matutina, Hippocratem aut Galenum in Schola huic Lecturæ assignata legat. Ejusque Auditores sunt omnes in Medicina Studiosi & Baccalauræi, donec in eadem facultate ad Doctoratus Gradum promoti fuerint; vel tempus in Academia, quo ad Doctoratum promoveri possint, compleverint.

§. 17. De Prælectore S. Theologiæ, Domine Margareta Comitissæ Richmondia, Matris Regis Henrici septimi.

Ordinatum est, quod Lector Domine Margareta, ad instar aliorum Lectorum, bis in qualibet septimana, diebus scilicet Martis & Jovis hora nona antemeridiana, in Schola Theologica aliquam Scripturæ partem exponet. Auditores sunt omnes in S. Theologia Baccalauræi, donec tempus compleverint, quo ad Doctoratum in eadem Facultate promoveri possint; necnon omnes alii Scholares cujuscunque Collegii vel Aulæ, sive Socii sive Capellani, qui Sacros ordines susceperunt, donec præstitutum tempus excesserint.

§. 18. De Regio S. Theologiæ Professore.

Professor Regius S. Theologiæ, bis item in qualibet septimana, diebus scilicet Lunæ & Veneris,

Veneris, hora nona in Schola Theologica exponat aliquam Sacrae Scripturae partem. Auditores sunt omnes Magistri in Artibus post annum à tempore inceptions (nisi qui studio juris aut Medicinae rite & bona fide nomina dediderunt) donec ad Gradum Doctoris in eadem facultate promoti fuerint, vel tempus in Academia compleverint, quo ad Doctoratum promoveri possint.

§. 19. *De Praelectore Botanices.*

PRAelector Botanices, Lectiones suas habet in Schola Medicinae, nec non in horto Botanico; & quandoquidem pro Anni temperie, plantarum temporibus minus statim florent & succrescunt, ad certos dies in iisdem enarrandis non tenetur.

SECTIO II.

Statuta Lectores in genere spectantia.

§. 1. *Quod Lectores in Propriis personis legant.
De substituendis aliis loco aegrotantium
aut absentium. De Multis.*

ITem Statutum est, quod quilibet Praelector seu Professor, in Schola Lecturae suae assignata, die & hora praestitutis (nisi in diem Lecturae suae destinatum Festum aliquod inciderit) ad tres usque horae quartas, per se legat, non per alium, nisi ex causa infirmitatis, aut alia causa necessaria, per Cancellarium aut Vice-Cancellarium & Procuratores approbanda; quo in casu substituatur vir idoneus cum eruditione tum

C

Gradi,

Gradu, ab iisdem Cancellario vel Vice-Cancellario & Procuratoribus admittendus, & competentis Salario, pro labore, eorum arbitrio remunerandus. Et in casu quo aliquis prædictorum Prælectorum aut Professorum, secundum formam prædictam in legendo defecerit; pro qualibet vice, si Prælector fuerit, cui stipendium annuatim infra 40l. competit, quinque solidis; cui autem stipendium 40l. vel supra, assignatum fuerit, decem solidis, Universitati applicandis, mulctetur. Professor autem Dominae Margaretæ Comitissæ Richmondæ, sex solidis & octo denariis Universitati applicandis, mulctetur.

§. 2. *Ne quis Lectorum, quicquam cum fide Catholica, vel bonis moribus pugnans, doceat.*

Item Statutum est, quod nullus Professor aut Prælector publicus, quicquam directe vel indirecte doceat vel dogmatically asserat, quod fidei Catholicæ, vel bonis moribus, ulla ex parte adversetur. Sed contra, quilibet eorum, quoties opportuna ei inter legendum offeretur occasio, Auditores suos ad sanam doctrinam amplectendam & tuendam, atque ad honeste pieque vivendum adhorretur. Et, si quis eorum, Scholares sive Auditores suos aliquid minus sane atque sincere de fide sentire cognoverit aut suspicetur, eos admoneat, atque ab erroribus ad veritatem revocare studeat. Quod si quis obstinate in aliquo errore perseveraverit, id Vice-Cancellario denunciare teneatur.

§. 3. *De Philosophica Doctrina veritati Theologicae conformanda & attemperanda.*

ITem Statutum est, quod Prælectores Philosophiæ, quoties tractare eis contigerit Quæstiones de Deo, de Mundi Æternitate, de Immortalitate Animæ, & aliis id genus; semper eorum sententiam sequantur, qui de illis rebus minus à veritate Christiana dissentiunt. Quod si Philosophorum opiniones Pietati alioquin contrariæ omnino fuerint, diligenter admoneant Scholares sive Auditores suos, de humani sensus imbecillitate ad illas res percipiendas, quarum veritatem ex divina revelatione certo cognovimus; studeantque Adolescentium animos quam maxime ab omni semper impietate avertere, & verâ pietate imbuere.

§. 4. *Prælectores sermonem inter legendum ne præcipitent: Auditorum dubiis, si quæ fuerint, finita lectione satisfaciant.*

CUm inanis plerumque & infructuosus esse soleat labor, qui Lecturis audiendis impenditur, nisi in subsidium memoriæ calamus advocetur; statutum est, quod Lectores inter legendum sermonem minime præcipitabunt; sed ita singula proferent, ut Auditores ea commodè scriptis excipere possint. Si secus fecerint, poena esto pro arbitrio Vice-Cancellarii.

Finitis insuper Lectionibus, Professores aliquantisper in Scholis commorentur; & si aliquis Scholaris aut Auditor voluerit arguere contra ea quæ fuerunt ab illis dicta inter legendum, vel alias de aliquo dubitet, illum benigne audiant, difficultatibusque & dubiis sibi motis satisfaciant.

TITULUS V.

De Lectionum Publicarum
Auditoribus.

§. 1. *Quod singuli Scholares Peculiaribus
Scholis contribuuntur.*

CUM par sit, ut qui Gradibus Academi-
cis honestari cupiunt, eorum etiam dili-
gentia, in cultu ingenii capeffendo, pub-
lice sit perspecta; Statutum est, quod singuli
Scholares cujuscunque conditionis, a primo eo-
rum adventu ad Academiam, ad certas aliquas
Scholas, pro ratione temporis vel Gradus in
Academia assignatas (prout in Ordinationibus
de Lectoribus publicis statuitur) pertineant.
Quas, cum in iis Lectiones habentur, frequen-
tare, & à principio ad finem, sub eadem poena
quæ prorsus absentibus incumbit, eisdem inter-
esse, teneantur.

§. 2. *Quod singuli Scholares Lectores suos
(si qui fuerint ejusdem Domus)
ad Scholas deducant.*

STATUTUM est, quod quemlibet Prælectorem
sive Professore publice prælecturum, Au-
ditores sui omnes, quotquot in eodem cum ipso
Collegio vel Aula degunt (prout antiquitus
fieri consuevit) ad Scholam suæ Lecturæ desti-
natam deducant; & pariter, finita Lectione,
ad Collegium vel Aulam suam reducant: Qui
secus fecerit, duobus denariis, ad usum Uni-
versitatis, mulctetur.

§. 3.

§. 3. *De modo, quo Auditores in Scholis se gerent, inter audiendum.*

Quisque, quamprimum Scholam suam intra-
verit, sedem aliquam capeſſat, quoadusque
Sedilia ſuffecerint; Reliqui vero, quibus non
eſt ubi ſedeant, in eo loco, quem primum occu-
paverint, conſtant: Nec quiſquam ſedem aut
ſtationem ſuam deſerat, huc & illuc curſitando,
aut obambulando, ſed omnes per modeſtiam &
ſilentium ad auſcultandum Lectori, ſe attente
componant; Et quotquot infra Gradum Magi-
ſtralem ſunt, ſcriptis excipiant ea quæ leguntur.

Inſuper, quiſque eum authorem privatim &
ſtudioſe perlegat, quem in quaque facultate Pro-
feſſor publicus ad explicandum ſuſmerit.

Quoſcunque in præmiſſis delinquentes Lector
animadverterit, mulctam duorum denariorum,
per Bedellum Facultatis, exigendi poteſtatem
habeat.

§. 4. *De Mulctis Auditorum, à Lecturis
Publicis abſentium.*

Item Statutum eſt, abſentes à Lectionibus quas
audire tenentur, præterquam ex cauſa ratio-
nabili ſub manu Præſecti alicujus Collegii vel
Aulæ, ſive ejus Deputati, teſtata, & per Vice-
Cancellarium ac alterum Procuratorem appro-
banda, in hunc modum eſſe mulctandos.

Auditorum abſentium à Lectura Regionum
Profeſſorum in Theologia, Medicina, & Jure
Civili; necnon à Lectura Dominae Margaretae,
mulcta eſto 6d.

Auditorum abſentium à Lectura Regionum
Profeſſorum Linguae Hebraicae, vel Graecae,
mulcta eſto 4d.

Auditorum

Auditorum in Artibus (exceptis Auditoribus
 Lectionum Savilianarum, qui secundum Statuta
 Saviliana mulctandi sunt) à Lecturis absentium,
 mulcta esto, Baccalaurei 4d. Scholaris 2d.

TITULUS VI.

**De Tempore ad Gradus capeffen-
 dos requisito; & Exercitiis pro
 Forma præstandis.**

**De Tempore & Exercitiis requisitis ad Gradum
 Baccalaurei in Artibus.**

§. I. *Quot anni, in audiendis publicis Lectoribus
 ponendi, requirantur ad Gradum Baccalaurei in Artibus.*

Statutum est, quod Scholares in facultate
 Artium, antequam Gradum Baccalaureatus
 suscipiant, quatuor annos integros five se-
 decem Terminos, numerandos à die Matricula-
 tionis, in studio Artium, & in publicis Lecto-
 ribus, prout Statuta requirunt, diligenter audi-
 endis, in Academia (hoc est, minime in Domo
 privata cujusquam hospitantes seu victitantes;
 sed in Collegio vel Aula quapiam absque dolo
 malo degentes,) ponere teneantur; Exceptis
 Filiis Baronum in superiori Domo Parlamenti
 suffragii Jus habentium, ac Filiis natu maximis
 Baronetorum, & Equitum Auratorum; quibus
 indulget Academia, (modo ne Collegii alicujus
 Socii, & Scholares five Alumni fuerint, ea etiam
 conditione, ut sub hujusmodi titulo in Matricu-
 lam Universitatis relati fuerint) post integrum
 Triennium

VI.
us
ata
m,
2
n-
Tit. VI. *& exercitiis pro Forma Præstand.* 23
Triennium in studiis Academicis completum
(vel etiam Baronum Filiis, intra brevius tem-
poris curriculum, si Cancellario videbitur) ut
præstitis Exercitiis ad eum Gradum requisitis,
Gradum Baccalaurei in Artibus ambire possint.

§. 2. *De exercitiis præstandis pro Gradu
Baccalaurei in Artibus.*

Statutum est, quod priusquam quis ad Gra-
dum Baccalaurei in Artibus admittatur, in
Disputationibus in Parvisis semel Pro Forma op-
ponat; Semel item ab hora prima ad tertiam
respondeat; Et bis sub Baccalaureo, in Deter-
minationibus Quadragesimalibus, per horam
integram, & unius horæ semissem respondeat;
Nisi Congregationi Regentium videbitur, ante
præstita Exercitia, secundam sub Baccalaureo
respondendi vicem, in alteram vicem respon-
dendi in Parvisis commutare.

§. 3. *De disputationibus in Parvisis tum ha-
bendis, tum frequentandis.*

Cum ad Eruditionis profectum, non solum lec-
tio & meditatio, sed etiam exercitatio
summopere conducatur; statutum est, quod ter
in qualibet septimana in pleno Terminò (die-
bus scilicet Lunæ, Mercurii, & Veneris, & non
aliis,) in Scholis Artium publicis (quas occupandi
Responsuris jus esto, præ illis qui solennes le-
ctiones pro Gradu Magistrali lecturi sunt) Dispu-
tationes (quas etiam alio nomine variationes
olim dictas fuisse constat) in Parvisis habeantur.

In quibus Disputationibus, responsuri pro
Forma, Septimana præcedente Disputationem
suam, Nomina sua, & Quæstiones de quibus re-
sponsuri sunt, die Mercurii & Saturni, statim
post

post finitas Disputationes in Augustinenſibus, Magiſtro Scholarum ſub ipſius Chirographo approbandas (quo nomine à ſingulis 6d. recipiet) exhibere tenentur; ſub poena quod ſecus facientibus Reſponſio ſua non cedit pro Forma. Reſponſuri vero prima ſeptimana cujuſlibet Termini, ante octo dies Magiſtro Scholarum illa Hebdomade moderaturo in Augustinenſibus, nomina ſua, & Quæſtiones ſimiliter approbandas exhibebunt. Quod ſi nulli ſeptimana præcedente die Mercurii apud Magiſtrum Scholarum nomina ſua edant, ſive diebus Lunæ & Mercurii ſequenti ſeptimana reſponſuros pro Forma ſe profiteantur; neque die Saturni præcedente ſeptimana reſponſuros ſe pro Forma die Veneris ſequenti Hebdomade profiteantur: Magiſter Scholarum cuius ex inferioribus Bedellis edicet (ne Diſputationes diebus præſtitutis habendæ interdicant) ut ad Diſputationes, quovis die præſtituto ſequentis Hebdomadis, obeundas, tres moneat ſimpliciter ſeniores Scholares anni quarti, & ſic deinceps (quoties uſus fuerit) tres proxime Seniores ſecundum ordinem Senioritatis in Matricula Univerſitatis, deſcendendo ad Juniores Anni 3ⁱ, citra quem annum nemini in Parviſiis opponere vel reſpondere conſeſſum eſt.

Diſputantium vero Senior reſpondeat, reliqui duo opponant. Has autem diſputationes omnes Scholares frequentare tenentur, à primo anno completo poſt adventum ſuum ad Academiam, donec tempus compleverint, quo ad Gradum Baccalaureatus in Artiſibus promoveri poſſint. In his Diſputationibus, de tribus Quæſtionibus vel Problematibus Grammaticalibus, vel Logicalibus, ab hora prima poſt meridiem ad horam tertiam diſceptetur.

Statutum

VI. Tit. VI. & Exercitiis pro Forma Præstand. 25

Statutum est insuper, quod Procuratores, de quatrīduo in quatrīduum, (per quatrīduum intelligendo quatuor Dies deinceps, in quibus Disputationes istæ habentur,) quatuor Magistros Regentes designabunt, qui omnes simul, singulis diebus, disputationibus prædictis, à principio ad finem, Habitibus Gradui suo competentibus induti, intersint, sub poena 3^s 4^d singulis absentibus, toties quoties, irroganda; Qui, ut omnia rite & decenter fiant, prospiciant; Et si quem absque Chirographo Magistri Scholarum pro Forma respondere deprehenderint (id quod ipsis explorandum incumbit) eum continuo suscitabunt, ne cedat ipsi pro Forma responsio illa; Et si opus fuerit, Cancellario vel Procuratoribus, Scholarium delicta vel contumacias denuncient.

§. 4. De tempore intra quod creandi sunt Sophistæ Generales; Formula creandi Generales.

Statutum est, quod Scholares in facultate Artium, post duos demum annos in Universitate completos (& non antea) adhibito (si voluerint) moderamine alicujus Baccalaurei, vel Sophistæ Generalis, ad opponendum & respondendum pro Forma in Parvisiis admittantur: Quodque singuli, per tres ad minus Terminos, priusquam pro Baccalaurei Gradu supplicent, Respondentis & prioris Opponentis vices in his Disputationibus subeant, & Sophistæ Generales creentur.

Formula vero creandi Generales Sophistas hujusmodi esto; Finitis Disputationibus, illico omnes Scholares qui pro Forma responderunt illo die, in Scholam Philosophiæ Naturalis conveniant, ubi unus è quatuor Magistris Regentibus,

D

qui

qui Disputationibus istis interesse tenentur, (secundum ordinem Senioritatis quisque suum diem fortitus) sub pœna 10^s, Suggestum ascendens, brevi oratiuncula eos ad bonarum Literarum studia hortatus, præcipue laudes ac usum Aristotelicæ & genuinæ Dialecticæ percensēbit: Deinde, Seniori è creandis ad Suggestum adstanti, Logicam Aristotelis in manus tradet; mox Caputium simplex neque Pellibus lanatis subfutum, neque fimbria pellita prætextum, collo circumdabit. Reliquos deinde, ordine Senioritatis succedentes, eodem modo creabit.

Tenentur autem Sophistæ Generales, singulis postea Terminis donec ad Gradum Baccalaurei promoti fuerint, semel saltem in Parvisiis disputare, sub pœna, ne Disputatio prius habitata iis ullo modo cedat pro Forma.

Statutum est insuper, quod non licebit Congregationi, ex postfacto cum quoquam, quominus modo prædicto Generalis fiat, dispensare.

S. 5. De Scholis sortiendis, & Quæstionibus publicandis.

STatutum est, quod Scholares in Parvisiis responsuri (siqua controversia de Scholis capeffendis oriatur) Scholas, juxta Senioritatem Baccalaureorum sive Moderatorum, sub quibus responderint, vel suam, (si sub nullius præfidio respondeant) fortiantur.

Quodque singuli responsuri, hora octava ante meridiem ejusdem Diei, Quæstiones in Parvisiis discutiendas, valvis utriusque Portæ Scholarum Publicarum, cum nominibus propriis, & Collegii, sive Aulæ, cujus Alumni fuerint, affigere: Quas nec ipsi per se, nec alterius cujvis

Tit. VI. & Exercitiis pro Forma Præstand. 27

jusvis opera, ante Disputationes peractas, refi-
gendas sive detrahendas curabunt. Quod si Re-
spondentis cujusvis Quæstiones, integro tempo-
re juxta Statuta requisito, minime affixas fuisse
deprehenderint Magistri Scholarum, sive Re-
gentes qui Disputationibus istis interesse tenen-
tur; ipsum suscitare, & ad Vice-Cancellarium
vel Procuratores deferre, pro arbitrio ipsorum
puniendum, tenentur ipsi sub poena 3^a 4^d.

Quodque aliquis inferiorum Bedellorum, Ba-
culum præferens, eos singulis diebus à Templo
B. Mariæ ad Scholas deducat; & ob eam causam
& non aliter, duos solidos, inter ipsos æquali-
ter dividendos, percipiat, ab iis qui pro Forma,
non item ab iis qui pro Terminis respondent.

Qui etiam nomina eorum, qui Sophistæ Ge-
nerales creati fuerint, in Librum aliquem per
inferiores Bedellos custodiendum, eodem die,
non tamen ante Disputationes & Creationem
peractas, referat; sub poena amissionis trium so-
lidorum, & quatuor denariorum, Universitati
numerandorum, quoties in hoc, Officium præ-
stare neglexerit.

§. 6. De responsionibus Quæstionistarum sub
Baccalaureis Determinantibus.

PRæter illas disputationes, quæ in Parvisis
sunt habendæ, Statutum etiam est; quod
quilibet Scholaris, postquam quatuor Termi-
nos in studio Dialecticæ posuerit (& non an-
tea) priusquam vero ambiat Gradum Baccalau-
rei in Artibus, sub Baccalaureo aliquo in Qua-
dragesima Determinante, bis pro Forma respon-
deat, de eisdem Quæstionibus, quas Baccalau-
reus ipse defendendas suscepit, vel proposuit:
Idque

Idque singulis vicibus per unam horam, & alterius horæ semissem, nisi ex iusta causa aliqua Congregationi videbitur, alteram sub Baccalaureo respondendi vicem in aliam in Parvisiis respondendi vicem commutare; In quo duntaxat, quantum ad huiusmodi responsiones, Congregatio Magistrorum Regentium dispensandi potestatem habeat.

§. 7. Leges Respondendi sub Baccalaureo Determinante.

Statum est, quod unus duntaxat Scholaris, & ille semel tantum uno & eodem die, sub Baccalaureo in Quadragesima respondeat, idque ab initio Disputationum, usque ad finitam sequi horam; Quodque Scholaris respondens sub Baccalaureo, in sedili ante suggestum Determinantis fixo, sedeat; nec ipsi alius quisquam assideat, vel adstet, qui ad angustias redacto responsum suggerat. Et, quo Disputationes clarius percipiantur, quod quilibet Opponens in Scamno Respondenti diametraliter opposito sedem capeffat, sub poena quod, si Scholaris Respondens secus fecerit, Responsio ei non cedat pro Forma; Et si Opponens deliquerit, ad arbitrium Vice-Cancellarii vel Procuratorum puniatur.

SECTIO

SECTIO II.

De Tempore & Exercitiis Requisitis
ad Gradum Magistri in Artibus.

§. 1. *Quot anni, in audiendis publicis Lectoribus
ponendi, requirantur ad Gradum Ma-
gistri in Artibus.*

A Tempore admissionis ad Gradum Baccalau-
rei, tenentur singuli in audiendis Publicis
Lectoribus sibi destinatis, & in Disputationi-
bus juxta Statuta requisitis, tum habendis, tum
frequentandis, duodecim Terminos ponere, nec
ante completum illud tempus, Gratiam suam
petere cuiquam fas esto.

Quod si quis Exercitia ad Gradum Magistra-
lem requisita præstiterit, & reliquum temporis
spatium in bonarum litterarum studio posuerit,
in alia quacunque Academia licebit ei tempus
id omne imputari, ac si in hac ipsa Academia
fuisset insumptum: Constet id modo, ac testa-
tum sit sub Sigillo Academiae in qua se stu-
diuisse profiteretur, aut alioqui Testimonio fide
digno.

§. 2. *De exercitiis Præstandis pro gradu Ma-
gistrati in Artibus.*

Statutum est, quod Baccalaureus Artium post
Gradum susceptum, in Quadragesima solen-
niter Determinet; in Quodlibeticis Disputatio-
nibus respondeat, in Augustinensibus respon-
deat, vel opponat; bis Declamationes habeat;
& Sex solennes Lectiones legat, priusquam ad
Magistralium Gradum promoveatur.

§. 3.

§. 3. *De Determinatione Quadragesimali.*

Quia per solennes Baccalaureorum Determinationes Mater Academia, & præcipue Facultas Artium, multum honoris & commodi est assequuta; Statutum est, quod singulis annis in Scholis publicis ejusmodi Disputationes more debito habeantur.

Quodque quilibet Scholaris ad Gradum Baccalaurei præsentatus, nisi Gratia simpliciter eidem fuerit concessa, solenniter in sequenti Quadragesima Determinare teneatur; sub poena, quod Gratia prius eidem concessa, pro non concessa habeatur, nisi impedimentum aliquod contigerit per Vice-Cancellarium & Procuratores approbandum; quo in casu, ejus Determinationem, in aliam Quadragesimam, sub poena consimili tunc præstandam, differre liceat.

§. 4. *De Collectoribus Quadragesimalibus Designandis.*

Cum multa antehac tumultuatio, circa electionem Collectorum Quadragesimalium, solita sit in Universitate contingere; juxta Statuta Regia, à Serenissimo Rege C A R O L O I o. ad Universitatem transmissa, Decretum est, quod Procuratores pro tempore existentes, ex Baccalaureis Determinaturis, in Festo Ovorum duos ad hoc officium designabunt, singuli unum quem visum fuerit, in Collegio quocunque vel Aula degentem.

Si vero Procurator quivis, circa Collationem Officii Collectoris pretii accepti sive reperundarum convictus fuerit, idem eo ipso ab Officio suo

suo submovebitur, & Feuda quæcunque, five pecuniarum summas à Baccalaureis ejusdem Anni per Eum acceptas, in Usus Cistæ Academicæ, præsentis statuti vigore refundere tenebitur.

Et quod Collectores à Procuratoribus designati, in die designationis ad Officium admittantur: Admissi vero, ad Collegia & Aulas respective suas, sine strepitu, vel circumgestatione, se conferant: Nec ullos omnino, in Collegiis, vel Aulis respective suis, vel alibi, comotationibus excipiant, sub poena amotionis statim ab Officio per Dominum Vice-Cancellarium: ita tamen ut, si quid tale evenierit, in locum Collectoris vel Collectorum, amoti vel amotorum, alius vel alii per Procuratorem vel Procuratores, qui respective amotum vel amotos nominavit vel nominarunt, substituantur, vel substituantur.

§. 5. De Officio Collectorum.

Statutum est, quod Collectores ea omnia facere & exequi teneantur, quæ ad Officium Collectorum spectant, id est Baccalaureos Determinantes in certas classes, quantum fieri potest æqualiter distribuere, & singulis seorsim suas Scholas, sub poena 10^s ad usum Universitatis irroganda, five Collectori deputanti binos ad respondendum simul in eadem Schola, five Baccalaureo in Scholam alteri designatam intrudenti; cui etiam poenæ nomine accedat, quod talis Responsio vel Lectio ipsi pro Forma minime cedet. Ut quolibet die Lunæ, Martis, Mercurii, Jovis, Veneris (nisi dies festus inciderit) ab initio Quadragesimæ usque ad finem Terminis, in singulis Scholis, aliqui Determinatorum, suis propriis vicibus, & quoties oportet, pro ratione Classis, in qua collocantur, respondeant.

Colle-

Collectorum autem, qui prius ad gradum Baccalaurei præsentatus & admissus est, Senioris locum occupet, nisi ad alterum ratione promotionis, secundum Statuta, & consuetudines Universitatis jus senioritatis pertinebit.

*§. 6. De Disputationibus in Die Cinerum
sive Carnis-privii.*

STatutum est, quod in die Cinerum, sive Carnis-privii, secundum antiquam & laudabilem consuetudinem, Disputationes in Scholis publicis habeantur. Ita quod statim post Concionem Latinam, ad sonitum sive pulsationem parvæ Campanæ, cujusque Collegii & Aulæ Decanus vel Præsentator, una cum Baccalaureis suis eadem Quadragesima Determinaturis, omnes Habitu Gradui competente induti, solenniter ad Scholas accedant, quas pro Senioritate cujusque Præsentatoris vel Decani, fortiantur; nec Scholam, quam initio quisquam in sua persona occupavit, Juniori cuivis concedat sub Poena 20^s.

Quod si Decani, seu Præsentatores, plures fuerint quam pro numero Scholarum, ubi demum Scholæ omnes occupatæ fuerint, distinctas quisque sedes in Schola Theologica capestant; Nisi quis propter paucitatem Determinatorum suorum, ipsos alteri Decano transcripserit. Et quem quisque locum, sive in Scholis Artium, sive in Schola Theologica occupaverit, eum usque tueri, & Disputationes ad horam quintam post meridiem producere tenebitur, sub poena 40^s.

Decanus autem vel Præsentator Cathedram occupans, primo Baccalaureis Determinaturis ab una parte stantibus, Quæstiones, una cum versibus earundem sensum breviter exponentibus,

VI
Bac-
lo-
mo-
Uni-
Tit. VI. & Exercitiis pro Forma Præstand. 33
bus, proponet: Quas quamprimum Baccalau-
reus Determinaturus repetit, unus è Senioribus
Baccalaureis ex altera parte sedentibus, pro
Determinaturo in singulis quæstionibus respon-
debit, quamdiu Decano vel Præsentatori (qui
Opponentis locum sustinet) videbitur: Quo
deinde ordine, aliis Determinaturis Quæstio-
nes eodem modo proponet, pro quibus itidem
alii Seniores respondebunt.

Finitis autem Disputationibus, in qualibet
Schola, Baccalaureorum Determinatorum pri-
mus, reliquorum circumstantium nomine, cum
Decano sive Præsentatori, tum Senioribus Bac-
calaureis, flexis gentibus, gratias aget, sub hac
forma: *Gratias ago Domino Cancellario & Procura-
toribus hujus almae Universitatis, & Magistro
meo Disputanti, & Baccalaureo Respondenti, quo-
rum ope hoc munus suscepi, quod, Deo volente, hac
Quadragesima perficiam.* Si qui autem, in aliquo
præmissorum quæ ad ipsos pertinent, deliquerint
vel defecerint, arbitrio Vice-Cancellarii & Pro-
curatorum puniantur.

§. 7. *De Precibus habendis unoquoque die Saturni,
durantibus Quadragesimalibus Disputationibus,
in Choro Templi B. Mariæ. Et de Junioris Pro-
curatoris Oratione ad Determinatores habenda.*

Statutum est, prout ab antiquo consuetudo
obtinuit, quod unoquoque die Saturni, à vi-
gilia primæ Dominicæ in Quadragesima inclu-
sive, usque ad vigiliam Dominicæ Palmarum in-
clusively, hora octava Matutina, singuli Bacca-
laurei Determinantes conveniant in Choro B.
Mariæ Virginis, ad celebrandas Preces secun-
dum Liturgiam Ecclesiæ Anglicanæ. A quibus
E siqui

34 *De Temp. ad Grad. Cap. Requisito Tit. VI.*
siqui abfuerint, mulcta, pro arbitrio Vice Cancellarii vel Procuratorum puniantur.

Post finitas vero Preces in Vigilia Dominicæ Palmarum, Junior Procurator ad Determinatores Orationem habebit, in qua tum errores in Doctrina, illa Quadragesima admissos, tum in moribus delicta severe increpabit; præsertim, siqui tumultus, rixas, aut pugnas concitaverint, eis facinorum suorum atrocitatem ob oculos ponet; simul hortabitur, ut in posterum modestius se gerant: Quotquot vero in disputando subtiles, & acutos, & in universum modestos & pacificos sese præbuerint, eos digne pro meritis collaudabit.

§. 8. *De Classibus Determinantium ordinandis:
Et de tempore Disputationibus Quadragesimalibus præstituto.*

Statutum est, quod diebus Jovis & Veneris diem Carnis-privii immediate sequentibus, licebit Collectoribus, tot Determinaturos, ad Respondendum pro Forma, extra ordinem vel Classem assignare, ut supersint, pro numero Scholarum, tot ex præcipuis Determinatoribus, ut singuli suis vicibus bis intra spatium Quadragesimæ respondeant: Nisi forte, propter imparem dierum numerum, necesse sit aliquando aliquas Classes ter respondere: Reliquis autem, qui in Classes commodè conferri non poterunt, assignentur ad respondendum pro Forma dies Jovis & Veneris immediate sequentes diem Cinerum, & tempus pomeridianum reliquorum Dierum, in quibus habentur Disputationes antemeridianæ. In quibus ita disponantur, ut singuli bis pro Forma respondeant in Scholis Artium, quoadusque

VI. in-
ce
o-
in
in
n,
t,
os
o-
os
-
Tit. VI. & *Exercitiis pro Forma Præstand.* 35
quoadusque illæ suffecerint; Reliqui vero in
Schola Theologica. Illud insuper in ordinandis
Classibus servant Collectores, ne in diversas
Classes seiplos referant; Sed in eadem secum
Classe (quoad fieri poterit) Generosos omnes
& eminentioris conditionis Baccalaureos locent,
quibus plerumque Dies gratiosi indulgeri solent;
ne distractis in varias Classes hujusmodi Bacca-
laureis, frequentior Dies Gratosos petendi oc-
casio ministretur: In quo si deliquerint Colle-
ctores, poena esto pro arbitrio Vice-Cancellarii
vel Procuratorum.

Ordo Disputandi, five Classes à primo die
Lunæ ipsius Quadragesimæ inchoentur; & us-
que ad diem Veneris inclusive qui proxime præ-
cedit Dominicam Palmarum, continentur.

Diebus Lunæ, Martis, Mercurii, & Jovis, or-
dinarie quidem Disputationes pomeridianæ ha-
beantur, & Baccalaurei Determinaturi hora
prima, statim à parvæ Campanæ pulsatione,
Scholas ingrediantur, nec ante horam quintam
recedant.

Singulis diebus Veneris, & in Festorum Vigi-
liis, nec non aliis diebus in quibus Congrega-
tiones Magistrorum Regentium habentur, An-
temeridianæ Disputationes ab hora nona incipi-
ant, & hora duodecima terminentur, nisi dies
fuerit Gratosus; in quo hora undecima Dispu-
tationes claudere fas est.

Finitis autem quovis die Disputationibus, ad
parvarum Campanarum sonitum, discedant ad
unum omnes, nec diutius in Scholis ullatenus
moram trahant: sub poena 20^s Universitati nu-
merandorum, absque rationabili causa per Vice-
Cancellarium approbanda.

§. 9. *De Forma in Determinatorum Disputationibus observanda.*

STatutum est, quod Baccalaurei Determinantes, singuli in Scholis, Classibus, & diebus sibi præstitutis, & integro tempore per Statuta requisito, per se & non per alium respondeant: Ad quæ singula præstanda obligentur, cautione sive pecuniaria, sive Fidejussoria ad valorem 20^s penes Vice-Cancellarium deposita antequam præsententur ad determinandum.

Diebus Lunæ, Martis, Mercurii, ac Jovis, quæstiones Logicales discutiendas proponant, quas secundum Aristotelem (cujus suprema sit autoritas) defendant.

Diebus autem Veneris, duntaxat de Problematicis Grammaticalibus, Rhetoricis, Politicis, vel Moralibus disputationes habeant: & in Grammaticis quidem antiquos & receptos Authores; in Rhetorica, Politica, & Morali Philosophia, Aristotelem similiter, totamque Peripateticorum Doctrinam pro virili defendere teneantur; sub poena quod, si quis secus fecerit, ejus Responsio minime sibi cedat pro Forma; & insuper mulctetur quinque solidis, toties quoties.

§. 10. *De Disputationibus apud Augustinenses.*

Quilibet Baccalaureus in Artibus, post plenam ipsius Determinationem, semel quotannis in Augustinensibus Disputationibus (quolibet die Saturni in pleno Terminò, in Schola Naturalis Philosophiæ, tempore pomeridiano ab hora prima usque ad tertiam habendis) Respondere

dere vel Opponere teneatur, si per Collectores ad hoc munus deputatos ante quindenam legitime præmonitus, & requisitus fuerit: hoc est, si ante quindenam nulli pro Forma Disputaturus se Collectoribus offerant; & Baccalaurei, quotquot monito Seniores fuerint, omnes suis vicibus prius perfuncti fuerint.

Si quis recusaverit, si per semissem Anni immediate præcedentem nec Disputaverit nec Responderit, eo ipso nec Auditio, nec Lectio aliqua, nec Actus quivis Scholasticus in eadem Facultate, eo Anno hujusmodi recusationem præcedente in quo Actus exercuit Scholasticos, nec pro sequenti Anno, quo tales facturus est Actus, sibi quovis modo cedat pro Forma.

Senior, qui scilicet prius præsentatus & admissus fuerit, Respondendi aut Opponendi optionem habebit, nisi Disputantium alter filius fuerit Baronis, suffragii jus in superiori Parlamento Domo habentis, seu qui ad valorem 4^{ol}. de proprio potest dispendere.

Quoniam vero dies Saturni, hisce disputationibus assignati, singulis pro Forma Disputaturis non sufficiunt, licebit Mag. Scholarum (si singulos dies Saturni, intra mensem proxime sequentem, ab aliis pro Forma disputaturis præoccupatos certo noverint) Dies etiam Mercurii hisce Disputationibus pro Forma assignare. Quod si neque hi Dies disputaturis pro Forma suffecerint, & unus è Magistris Scholarum sub Chirographo suo (palam in Domo Congregationis recitando) testatum fecerit, singulos Dies hisce Disputationibus assignatos, ad finem usque Terminum, jamdudum ab aliis pro Forma disputaturis præoccupatos esse; præsentì Statuto permittitur dispensationem proponere (non aliter) ut liceat

38 *De Temp. ad Grad. Cap. Requisito* Tit. VI.
ceat alio quovis Die, (post elapsos septem Dies
à tempore petitz Dispensationis) hora & loco
consuetis, sub præsidio Magistri Scholarum,
(non alterius cuiusvis) pulsata prius pro more
Campana, in Augustinensibus Respondere vel
Opponere.

Atque ut Problematis materia ibidem dispu-
tanda melius omnibus innotescat, ante triduum
Respondens Quæstiones suas valvis utriusque
magnæ seu exterioris Portæ Scholarum affigen-
das curabit, & ante septem dies Magistro
Scholarum in Augustinensibus moderaturo ex-
hibebit: Qui secus fecerit, ei Responsio sua mi-
nime cedat pro Forma.

§. II. *De Officio Magistrorum Scholarum quoad
Disputationes apud Augustinenses. Et de
Collectoribus Augustinensium.*

PROcuratores quorannis, in ipso introitu Mu-
neris sui, duos Magistros in artibus nomina-
bunt, ad quorum munus spectabit Disputations
apud Augustinenses alternis vicibus præesse,
per se & non per alium; nisi cum consensu Vice-
Cancellarii & Procuratorum substituendum, in
casu ægrotudinis aut extremæ alicujus necessita-
tis; ac inepte vel otiose Disputantes, aut à Quæ-
stione recedentes, corripere & in ordinem
cogere.

Quod si Disputantium quis eorum monitis vel
præceptis morem gerere recusaverit; ejus no-
men intra biduum Vice-Cancellario & Procu-
ratoribus denunciabunt: quem Vice-Cancella-
rius una cum Procuratoribus pro quantitate
delicti puniendum curabit.

Insuper Procuratores, duos in artibus Bacca-
laureos nominabunt, qui titulo Collectorum
apud

apud Augustinenſes gaudebunt; quorum muneris erit providere, ne quando Diſputantium deſectu intercidant Diſputationes apud Auguſtinenſes: quem in finem, Collectores, alternis vicibus, ſi nulli ſe pro Forma diſputaturos offerant, per ſpatium xv. dierum ante ſingulas Diſputationes, duobus in Artibus Baccalaureis, incipiendo à ſenioribus anni tertii, & ſic ſeriatim deſcendendo ad Juniores qui Determinationem compleverunt, denunciare tenentur, ut hora & loco ſolitis præſto ſint, ad Reſpondendum & Opponendum prout inter ſe convenerint, parati.

Si qui reculaverint vel defecerint, aut Quæſtiones ſuas ante triduum, juxta Statuta, haud publicaverint; Collectores eorum nomina ad Procuratores deferent illico, ut pro quantitate delicti puniantur. Quod ſi Collectores in ſuo munere defecerint, (ſive in monendis diſputantibus, ſive in deferendis delinquentium nominibus) qui culpam deprehenderit, ſive Vice-Cancellarius ſive Procuratorum alteruter, x. ſolidis in uſum Univerſitatis ipſum multare teneatur.

§. 12. De Baccalaureorum Diſputationibus
Quodlibeticis.

STatutum eſt, quod antequam licentiam quicquam obtineat Incipiendi & legendi in Facultate Artium, ſemel poſt completam Determinationem Quadrageſimalem, alicui Magiſtro Regenti, in Diſputationibus Quodlibeticis, Habitu Gradui competente indutus, in tribus Quæſtionibus Reſpondebit; & ad quamlibet aliam à quocunque Diſputaturo propositam. Teneatur autem reſpondere alicui Magiſtro Regenti,
juxta

juxta Statuta præmonito ad hoc munus obeundum; nisi sub Chirographo Magistrorum qui intra duas hebdomadas sequentes pro Terminò disputaturi sunt, constet iis omnibus prospectum esse de Baccalaureis pro Forma responsuris, qui proximis Comitibus Incipere intendunt: Quo in casu (non aliter) permittitur Domui Congregationis dispensare, ut liceat quolibet die disputabili instantis vel sequentis hebdomadis, sub quolibet Magistro, hora & loco consuetis, in Quodlibeticis pro Forma respondere.

Hæc autem Responsio ei cedat pro Forma, & inter conditiones præstitas, & ad Gradum Inceptoris in Artibus requisitas, in Formula petendæ Gratiæ reponatur.

§. 13. De sex Læcturis solennibus habendis ante Licentiationem in Artibus.

CUm ante Licentiationem in Artibus, juxta antiqua Statuta, teneantur singuli præscriptos quosdam Libros cursorie legisse, quas lectiones sine fructu aut commodo audientium vel legentium habitas fuisse, frequenti experientia deprehensum est; In posterum, singuli Incepturi, sex solennes Lectiones, tres in Naturali Philosophia, tres in Morali pro Forma habere teneantur in Scholis publicis, inter horas primam & secundam, intra Terminum, præeunte parvæ Campanæ pulsatione. Tenentur autem singuli per majorem partem horæ legere, idque de suo, Læcturas non aliunde mutuantes, aut ex Authoribus transcribentes. Et hoc ipsum inter præstitas conditiones Gratiæ petitioni annexas, numeretur.

§. 14. *De binis Declamationibus habendis ante inceptionem in Artibus.*

Cum pro comperto habeatur, pessimi Exempli rem esse leges semel sancitas quovis sub prætextu refigere, & sollicitare; & multo consultius esse incommodis subnascentibus, Statutis de novo conditis subvenire, quam præpostera curationis Methodo Medicinam Antidotis facere, Juri scil. ipsi Jus dicere: Quinetiam, cum rei literariæ interlit, ut qui ad gradus Academicos promoventur, specimina profectus sui in iis quas profitentur Artibus publice præbeant, & non minus in humanioribus literis quam disputationibus Philosophicis versatos se comprobent: quandoquidem alteri harum, (nimirum, politiori literaturæ, dicendique studiis) per publica Exercitia nondum satis prospectum videatur; Placuit Academiæ, Declamationes duas, à quolibet Artium Baccalaureo, ante illius inceptionem, in Scholis pro Forma habendas, decernere: Et hoc ipsum inter præstitas condiciones Gratiaë petitæ annexas (Disputationibus scilicet Quadragesimalibus, Quodlibeticis, & Augustinensibus, nec non sex Lectionibus Philosophicis) solenniter adnumerare.

Statutum ideo est, ut in posterum Baccalaureus quisque ante inceptionem in Artibus, idque post annum integrum & citra biennium à prima sua ad Gradum Baccalaureatus præsentatione numerandum, si in Academia tum præsens fuerit, vel intra quindenam postquam redierit, Nomen suum, nec non Collegii vel Aulæ cuius est Alumnus, Registro, penes Juniorem Procuratorem in eos usus continue adservando, inferendum

serendum curet. Unde Procurator iste delectum faciendo, & servato Senioritatis Ordine, ternos quosque inter se committendo, ex diversis quemque Collegiis & Aulis quantum commodè fieri poterit, suas cuique Declamandi vices assignabit; & Declamatuross omnes, saltem ante Mensem, præmonendos curabit, ut se coram fiant, unaque tres quisque Theses; de quibus in utramque partem probabiliter dici poterit, descriptas exhibeat. Unde Procurator, quam maxime idoneam judicaverit, unam seliget, vel si omnes improbaverit, aliam pro libitu assignabit, de qua statim post Mensem Declamationes sive Orationes solennes habebunt, duo quidem ipsorum adversarias, tertio Arbitri sive Sequestri personam gerente: optione Seniori permessa quas partes agere voluerit, nisi forte eorum aliquis ad valorem centum librarum de proprio expendere poterit. De his vero ubi conventum est, Procurator ad Declamandum sic designatorum Nomina necnon Collegiorum aut Aularum unde fuerint, diem etiam Declamationibus destinatum, & Thesin insuper, & quam quisque partem acturus est, in Registrum suum referet, unde Exemplaria Chirographo suo testata singulis in manus tradet; quæ ipsi primo Mane diei Declamationibus indicti, intra Horas scil. sextam & septimam, valvis utriusque portæ Ecclesiæ Beatæ Mariæ, & Ostio Scholæ Naturalis Philosophiæ affigi curent, nec per se, nec alterius cuiusvis opera ante finitas Declamationes refrigeranda, sub poena quod Declamationes secus facientibus non cedant pro Forma.

Porro quoad locum, tempus & Modum in exercitiis hisce servandum, Statutum est, ut quousque Numerus suffecerit, singulis septimanis

VI. *Tit. VI. & Exercitiis pro Forma Præstand.* 43

nis pleni Terminis die Martis ad pulsationem magnæ Campanæ, mox ante horam secundam pomeridianam, declamaturi in Ecclesia Beatæ Mariæ conveniant, unde eos Bedellus Artium superior baculum præferens, ad Scholam Naturalis Philosophiæ deducet, ubi tantisper expectabunt dum Procuratorum alter, vel Pro-procuratorum aut Magistrorum Scholarum aliquis (quorum ut semper aliquis Exercitiis hisce ab initio ad finem intersit, & absente Vice-Cancellario præsit etiam, vigore hujus Statuti cautum esto) ipsis signo dato ut Rostra conscendant, dicendi copiam faciat; Qui orationes à se compositas memoriter singuli recitabunt. Quod si inter perorandum quis quippiam contra Religionem, aut bonos Mores, aut Disciplinam, aut Pacem publicam, aut privatam cujusquam famam peccaverit, ejus erit, qui Exercitiis istis pro ea vice præest, sic insanire pergenti, mox silentium indicare: qui præter satisfactionem parti læsæ faciendam, poenam subibit vel suspensionis à Gradu, vel submissionis privatæ vel publicæ, vel expulsionis etiam perpetuæ, si quid gravius admiserit, per Vice-Cancellarium & Procuratores irrogandam.

Quod si Numerus Candidatorum apud Procuratorem, ut prædictum est, nomina sua edentium, eoque excreverit, ut Dies Martis Præstituti singulis Declamatorum ternariis non sufficiant, licebit Procuratori alios quoslibet Dies in pleno Terminis, prout ipsi commodius visum fuerit, Declamationibus modo & forma quæ supra habendis indicare.

Si quis vero infra tempus præscriptum, nomen suum apud Procuratorem profiteri neglexerit, vel legitime præmonitus non compareat,

vel Declamaturus in vicibus suis obeundis defecerit, (quos omnes defectus in Registrum suum sedulo referendos curet Procurator) eo ipso à gradu capeffendo per unum Terminum toties quoties repellatur, nisi fuerit ex causa rationabili per Congregationem approbanda.

§. 15. *De Regimine Scholarum in genere, quoad Exercitia in Artibus ibidem præstanda.*

TAmetsi Procuratoribus ipsis secundum antiquas Consuetudines, Scholis & exercitiis Artistarum præesse incumbat, quoniam tamen qualiscunque ipsorum diligentia effræni Juvenum licentiæ compescendæ haud sufficit, (qui ad Scholas sæpius otianti, rixandi, aut pugnandi, quam disputandi, causa catervatim confluere solent) ideo in subsidium Procuratorum visum est Academia, antiquitus Magistros Scholarum & nuper admodum aliquos è Magistris necessario Regentibus advocare, qui omnes simul junctis operis providerint, ut in exercitiis Artistarum pro Forma præstandis omnia rite secundum Statuta, decenter & pacifice fierent. Qui etiam curabunt, ne qui inter legendum aut disputandum in Scholis ipsis, siue in Area Scholarum deambulent, aut inter disputantes medios se ingerant; ne qui interstrependo aut pedum suppositione disputationes interrumpant; ne qui, siue singuli, siue catervatim stipati, alios ex adversa parte impellere, aut hinc inde trudere præsumant; ne qui illic pugnas, rixas aut tumultus concitent; denique ne qui (intermissis disputationibus) fabulis & garriendo tempus terant, potando multo minus. In quibus qui deliquerint, Magistri Scholarum,

VI. de-um eo am isa
Tit. VI. & Exercitiis pro Forma Præstand. 49

ac etiam Magistri Regentes corripiant, & in ordinem cogant. Quod si qui ipsorum monitis sive imperiis immorigeros sese præbeant, eos eorumve nomina ad Vice-Cancellarium vel Procuratores deferant, pro arbitrio ipsorum puniendos sive mulctandos.

SECTION III.

De Tempore & Exercitiis Requisitis ad Gradus in Musica capeffendos.

§. I. *Quot Anni ponendi sint in studio vel praxi Musices, pro gradu Baccalaureatus in Musica.*

Statutum est, quod, qui Musicæ dat operam, antequam Gradum Baccalaurei in illa Facultate consequatur, septem annos in studio vel praxi Musices ponat, & id ipsum sub Chiographis hominum fide dignorum testatum afferat.

§. 2. *De Exercitiis pro Gradu Baccalaurei in Musica præstandis.*

Statutum est, quod qui ad Baccalaureatum in Musica promoveri cupit, priusquam pro Gratia sua supplicet, unum Canticum quinque Partium componat, quod in Schola Musicæ (alio quovis die, quam illo qui ordinario ad praxin Musicam designatus est) publice, tam vocibus quam instrumentis Musicis, exhibeat; sed prius valvis utriusque Magnæ Portæ Scholarum, ante tres dies, affixo programme, diem & horam futuri speciminis significet.

§. 3. *Quot anni ponendi sint in studio vel praxi Musica, pro Gradu Doctoris in Musica.*

STatutum est, quod Baccalaureus Musicae, priusquam ad Doctoratum promoveatur, quinque Annos, post susceptum Gradum, in studio vel praxi Musicae ponat; Et id ipsum sub Chirographis hominum fide dignorum testatum afferat.

§. 4. *De Exercitiis per Inceptorem in Musica præstandis.*

STatutum est, quod Baccalaureus Musicae, priusquam ad incipiendum in eadem Facultate admittatur, unum Canticum sex, vel octo Partium componat, quod in Schola Musicae, tam vocibus quam instrumentis etiam Musicis (alio quovis die, quam illo qui ordinario ad praxin Musicam designatus est) publice exhibeat; Sed prius, valvis utriusque Magnae Portae Scholarum, ante tres dies, affixo programme, diem ac horam futuri speciminis significet. Quibus Exercitiis per eundem præstitis, per publicum ejusdem Facultatis Prælectorem Heytherianum, aut alium quemvis per eundem assignatum, Gratia ipsius in Venerabili Domo Congregationis proponatur; qua concessa, per alterutrum Professor. Savil. (qui ad hoc alternis præstandum tenentur) vel per alium quemvis in Artibus Magistrum ab iis deputatum, ad Gradum præsentetur.

SECTIO IV.

De Tempore & Exercitiis Requisitis ad
Gradus in Jure Civili capeffendos.

§. 1. *Quot anni, in audiendo Professore publico
Juris Civili ponendi, requirantur ad Gra-
dum Baccalaurei in Jure Civili.*

Statutum est, quod, qui Juri Civili studet, an-
tequam Baccalaureatum in illa Facultate con-
sequatur, si sit Magister Artium, per tres annos
integros (numerandos à die suæ admissionis ad
regendum) audiat publicum Juris Civili Pro-
fessorem. Si quis vero Juri Civili det operam,
qui non sit Magister Artium; per quinquennium
completum, Publicum Juris Civili Prælectorem
diligenter & attente audiat.

Quodque per Biennium in Academia, Dia-
lecticæ, Morali Philosophiæ, & Politicæ, aliis-
que Humanioribus Literis incumbat, priusquam
Quinquennium in studio juris ponere incipiat;
nisi per Statuta Collegii in quo moratur, citius
ad juris studium se convertere teneatur.

§. 2. *Exercitia pro Gradu Baccalaurentus
in Jure Civili præstanda.*

Statutum est, quod is, qui ad Baccalaureatum
in Jure Civili promoveri cupit, priusquam
pro Gratia sua supplicet, bis in Disputations
Juridicis pro Forma, Opponentis Principa-
lis (id est, primo vel secundo loco Disputantis)
munere fungatur; Et semel per duas horas in
Schola Jurisprudentiæ pro Forma, scilicet ab
hora prima pomeridiana ad tertiam, respondeat.

Quod

Quod si defit, qui pro Forma ad consequendum gradum Opponat, liceat Publico Prælector-ri, vel ejus vices gerenti, Opponentis officium sustinere.

Nec hujusmodi Disputatio cuiquam cedat pro Forma, nisi Quæstiones suæ, una cum nomini-bus Respondentis, & Opponentis, per septem dies ante Disputationem affigantur valvis utri-usque exterioris Portæ Scholarum; ac insuper, muris Collegii omnium Animarum, & Oriel, qua Australis & Occidentalis parietes, plateam ver-sus, in Angulos coeunt.

§. 31. *Quot Anni, in audiendo Publ. Professore Jur. Civ. ponendi, requirantur ad Gradum Doctoris in Jure Civili.*

Statutum est, quod, qui ad Doctoratum in Jure Civili promoveri cupit, si postquam in Artibus Magister fuerit, Gradum Baccalaurei in Jure Civili susceperit, quatuor Annos inte-gros (numerandos à die suæ admissionis ad Gra-dum prædictum) publicum Prælectorem Juris Civilis audiet, priusquam ad incipiendum in ea-dem Facultate admittatur.

Alioqui, si Baccalaureus in Jure fuerit, ante-quam incipiat in Artibus (sive Statutis privati Collegii sic exigentibus, sive sua ipsius optio-ne factum fuerit) quinque annos integros in audiendo Publico Professore Juris Civilis po-nere teneatur, priusquam Incipere permitta-tur.

§. 4.

§. 4. *Exercitia pro gradu Doctoris in Jure
Civili præstanda.*

STatutum est, quod Baccalaureus Juris Civilis priusquam ad Incipiendum in eadem Facultate admittatur, vel sex solennes Lectiones, ab hora prima pomeridiana usque ad secundam, totidem diebus publice leget, (in quibus quamcunque velit totius Corporis Juris Civilis partem explicet) vel aliquem de Titulis de Judiciis, de Probationibus, sive de Re Judicata, in digestis vel Codice, tribus ad minimum Lectionibus cursorie exponet. Et priusquam vel solenniter vel cursorie legere inceperit, programma, subjectum & tempus legendi indicans, ante triduum curabit affigi valvis utriusque exterioris Portæ Scholarum, ac insuper Muris collegii Omnium Animarum, ac Oriel, qua Australis & Occidentalis parietes Plateam versus in Angulos coeunt.

SECTIO V.

De tempore & exercitiis Requisitis ad
Gradum in Medicina capellendos.

§. 1. *Quot anni, in audiendo publico Professore
Medicinae ponendi, requirantur ad gra-
dum Baccalaurei in Medicina.*

STatutum est, quod qui Medicinæ dat operam, antequam Baccalaureatum in illa Facultate consequatur, Gradum Magistri in Artibus suscipiat; Et postquam in illa Facultate inceperit, publicum Medicinæ Prælectorem, per triennium

integrum (numerando à die suæ admiſſionis ad Regendum) diligenter & attente audiviſſe teneatur.

*§. 2. Exercitia pro Gradu Baccalaurei in
Medicina præſtanda.*

STatutum eſt, quod is, qui ad Baccalaureatum in Medicina promoveri cupit, priuſquam Gratiam proponat, in duabus Quæſtionibus, ab hora prima pomeridiana uſque ad horam tertiam, in Schola Medicinæ assignata ſolemniter pro Forma ſemel reſpondeat, & ſemel opponat. Quodque is, qui Senior eſt, ſi velit, Reſpondentis locum habeat: nec plures quam duo, eodem die, pro Forma opponere permittantur.

Quod ſi deſit, qui pro Forma ad conſequendum gradum opponat, liceat publico Præſectori, vel ejus vices gerenti, Opponentis officium ſuſtinere.

Nec huiuſmodi Diſputatio cuiquam cedat pro Forma, niſi Quæſtiones ſuæ, una cum nominibus Reſpondentis & Opponentis, per 7 dies ante diſputationem, affigantur valvis utriuſque exterioris Portæ Scholarum, ac inſuper muris Coll. Omn. Anim. & Oriel, qua Auſtralis & Occidentalis parietes, Plateam verſus, in Angulos coeunt.

*§. 3. Quot Anni, in audiendo publico Medicinæ
Profeſſore ponendi, ad incipiendum in
Medicina requirantur.*

STatutum eſt, quod, qui ad Doctoratum in Medicina promoveri cupit, poſt gradum Baccalaurei in Medicina ſuſceptum, per quatuor annos

Tit. VI. & *Exercitiis pro Forma Præstand.* 51

nos integros publicum Prælectorem Medicinæ audiat, priusquam ad Incipiendum in eadem Facultate admittatur.

§. 4. *Exercitia pro Gradu Doctoris in Medicina præstanda.*

Statutum est, quod Baccalaureus Medicinæ priusquam ad Incipiendum in eadem Facultate admittatur, vel sex solennes Lectiones ab hora prima pomeridiana usque ad secundam, totidem diebus publice legat; (in quibus, quamcunque velit Galeni partem explicet) vel aliquem ex his Galeni Libris; nimirum Librum unum de Temperamentis, de Differentiis Februm, de usu partium, vel de affectis locis, tribus ad minimum Lectionibus cursorie exponat.

Priusquam vero, vel solenniter, vel cursorie, legere exordiat, tempus in quo lecturus est, & subjectum de quo leget, ante triduum significabit, programme affixo valvis utriusque exterioris Portæ Scholarum, ac insuper muris Coll. Omn. Animarum, & Oriel, qua Australis & Occidentalis Parietes Plateam versus in Angulos coeunt.

SECTIO VI.

De Tempore & Exercitiis requisitis ad Gradus in Theologia capeffendos.

§. I. *Quot Anni, in audiendo Publico Theologiæ Professore ponendi, requirantur ad Gradum Baccalaurei in S. Theologia.*

Statutum est quod, qui S. Theologiæ dat operam, antequam Baccalaureatum in illa Facultate consequatur, Gradum Magistri in

52 *De Temp. ad Grad. Cap. Requisito* Tit. VI.
Artibus suscipiat, & postquam in illa Facultate
Inceperit, publicum S. Theologiae Praelectorem,
per septennium completum (numerando à die suae
admissionis ad Regendum) audivisse teneatur.

*§. 2. Exercitia pro Gradu Baccalaurei in
S. Theologia praestanda.*

Statutum est, quod is, qui ad Gradum Bac-
calaurei in S. Theologia promoveri cupit,
priusquam Gratiam proponat, bis in disputa-
tionibus Theologicis pro Forma Opponentis
Principalis, (id est, primo vel secundo loco
Disputantis) munere perfunctus fuerit, & semel
per duas horas in Schola Theologica pro Forma
responderit.

Quodque ante huiusmodi Disputationes, Qua-
stiones, una cum nominibus Opponentium &
Respondentis per septem dies integros signifi-
centur. Programmate affixo valvis utriusque
exterioris Portae Scholarum, ac insuper muris
Coll. Omn. Animarum, & Oriel, qua Australis
& Occidentalis Parietes Plateam versus in An-
gulos coeunt.

Insuper statutum est, quod unusquisque ad
Gradum Baccalaurei in S. Theologia admitten-
dus, priusquam Gradum susceperit, Concionem
Latinam in Ecclesia B. Virg. Mariae, per se, &
non per alium, palam habere teneatur.

Hac tamen cautione servata; ne quis ante
quinquennium completum à suscepto Magistrali
Gradu, (idem quoque sacris Ordinibus initia-
tus) Concionem huiusmodi habere permitta-
tur. Cautio insuper, ne Concio Latina, habita
vice alterius cuiuscunque, cedat cuiquam pro
Forma.

§. 3. *Quot anni, in audiendo publico Theologia Professore ponendi, requirantur ad Incipiendum in S. Theologia.*

Statutum est, quod, qui ad Doctoratum in S. Theologia aspirat, post susceptum Baccalauræi in Theologia Gradum, per quatuor Annos integros Publicum Theologiæ Prælectorem audiat, priusquam ad Incipiendum in eadem Facultate admittatur.

§. 4. *Exercitia pro Gradu Doctoris in Sacra Theologia præstanda.*

Statutum est, quod Baccalaureus S. Theologiæ, antequam ad incipiendum in eadem Facultate admittatur, publice in Schola Theologica, ab hora prima usque ad secundam, Latine sollemniter sexies legat, & explicet quamcunque velit S. Scripturæ partem: vel aliquam ex istis, quæ sequuntur, Apostolicis Epistolis; Scilicet ad Galatas, vel unam aliquam ad Timotheum, vel Titum, vel unam S. Petri, tribus scilicet cursoriis Lectionibus ad minimum explicet. Priusquam vero vel sollemniter vel cursorie legere exordiat, tempus quo lecturus est, & subjectum de quo leget, ante tres dies significabit. Programmata affixo valvis utriusque exterioris Portæ Scholarum, ac insuper Maris Coll. Omnium Animarum, & Oriel, qua Australis & Occidentalis parietes Plateam versus in Angulos coeunt.

SECTIO

SECTIO VII.

Quomodo, & unde computandum sit Tempus, singulis Gradibus capeffendis præstitutum.

QUoniam Tempus singulis Gradibus capeffendis præstitutum, alias Annorum, alias Terminorum numero, in his ipsis Statutis exprimitur (ne qua inde cavillandi ansa subministretur) præfenti Statuto cautum est, quod, ubicunque tempus Gradui cuivis præstitutum per Annos computatur, eadem temporis Mensura, in Terminos resoluta (singulis Annis quatuor Terminos deputando) præstituta esse intelligatur. Utpote, ubi tres Anni requiruntur, duodecim Termini; ubi quatuor, sedecim Termini intelligendi sunt; & sic in cæteris.

Insuper in iis Gradibus, qui à non-Graduatis primo suscipiuntur, Tempus hujusmodi Gradui præstitutum, à tempore Matriculationis computandum est; Quod si quis vacationis tempore Matriculetur, à Termino Matriculationem suam sequente terminos ad Gradum requisitos computabit.

In iis vero Gradibus, qui à Baccalaureis cujusbet Facultatis capeffuntur, à tempore præfentationis ad Gradum Baccalaurei in eadem Facultate.

In iis tandem Gradibus, qui Gradum Magistrale præsupponunt, à tempore admissionis ad Regendum, computandum erit tempus.

Denique quoniam haud pauci singulis Terminis, unum aut alterum Diem in Universitate commorantes, Officio suo & Statutis satisfecisse, & vel sic Terminos ad Gradum requisitos complevisse se putant; Statutum est, quod nemo

nemo Terminos ad Gradum suum requiritos complevisse reputandus sit, nisi qui singulis Terminis, Michaelis & Hilarii per integrum Mensem; Termino autem Paschatis per tres Septimanas; Termino demum Trinitatis per duas Septimanas, in Universitate commoratus fuerit, & Exercitia juxta Statuta ibidem frequentaverit. Excepto semper Termino, in quo quis Gradum susceptorus est, cujus primus Dies juxta receptam antiquitus consuetudinem habetur pro Termino completo. Excepto etiam Termino, in quo quis primum ad Academiam accedens Matriculatur, cujus ultimus Dies pro integro Terminum reputatur.

TITULUS VII.

De Generali Inceptione in singulis Facultatibus, sive de Vesperis & Comitibus.

SECTIO I.

Statuta specialia, ad Vesperias & Comitibus pertinentia.

§. I. De Tempore Comitiorum.

Statutum est, ut semel duntaxat in quolibet anno, in omnibus Facultatibus generalis Inceptio habeatur, quæ Comitibus sive Actus dicatur: & ut hujusmodi Comitibus annuatim celebrentur, die Lunæ proximo post septimum diem Julii, & Vesperis die Saturni proxime præcedente.

§. 2. De Prælectionibus in Vesperis; Et quod
Inceptores circumneant singulas Scholas.

STatuit Universitas, quod prout hactenus usitatum fuerit in Vesperis, die Saturni ante Meridiem, singuli Prælectores in Artibus Lectiones solennes habeant. Quarum solennitati ut accedat nonnihil, decretum est, quod singuli Professores Habitu solenni induti, Doctores, si qui fuerint, cum Capis & Caputiis coccineis, & Pileis Gradui competentibus, Magistri vero in Artibus, cum Togis Statuto conformibus, & Capis ac Caputiis, obverso sive Serico sive Minutorario, etiam Pileis induti, hora octava, ad Sacellum Boreale Templi Beatæ Mariæ accedant: unde, simul ac omnes convenerint, præeuntibus Bedellis Facultatis Artium, omnes una ad Scholas procedant, ac, quisque Suam, capeant.

In reliquis vero Facultatibus, Lectores solenni Habitu induti, in Scholis sibi assignatis, horis consuetis legant. Præterquam quod Professor Margaretæ, qui alias hora nona legere consuevit, hodie hora octava leget, in Schola itidem Theologica: Professor vero Medicinæ, & Linguarum Hebraicæ & Græcæ, Historices itidem Professores, hodie omnes simul hora nona Antemeridiana legent. Dum hæc Lectiones habentur inter horam octavam & nonam, Inceptores universi in singulis Facultatibus, Habitu competente induti, Doctores ocreati, Inceptores vero reliqui Crepidis & Socculis induti, omnes aperto capite, Bedellis præeuntibus Scholas singulas tempore Lectionum circumneant, & per Bedellum Facultatis Scholæ in qua legitur, Prælectorem, ut velit Vesperis & Comitibus interesse, rogent. Qui absque ulteriore verborum

rum

rum apparatu aut circuitu respondebit, *Inſerero.*

Quodque inſuper Inceptores in Theologia, Jurisprudencia, & Medicina, Profeſſores ſuos orent, ut paternam Benedictionem ipsis imper-
tiri dignentur: Qui eorum petitionibus annuen-
tes, ſinguli ſuis Inceptoribus benedicent, excepto
ſolo Profeſſore in S. Theologia, qui Inceptoribus
etiam aliarum facultatum, ex æquo, Bene-
dictionem impertietur

§. 3. *De Diſputationibus Veſperialibus.*

STatutum eſt, quod ſecundum antiquam con-
ſuetudinem, die Saturni poſt Meridiem, ab
hora prima ad quintam, in ſingulis Facultatibus
ab Incepturis Diſputationes ſolennes habeantur;
nimirum ab Incepturis in Artibus, in *Theatro*
Sheldoniano, ab Incepturis in Medicina, Jurispru-
dencia, & Theologia, in Scholis iſdem Faculta-
tibus assignatis.

§. 4. *De Diſputationibus Veſperialibus
in Philoſophia.*

QUoad Incepturos in Artibus, Statutum eſt,
quod de tribus Quæſtionibus Philoſophicis
ſolennis Diſputatio inſtituatur, in qua Reſpon-
dentis locum occupet ex Incepturis unus per
Procuratorem ſeniorẽ designatus. Opponant,
primo Procurator ſenior in omnibus Quæſtioni-
bus, qui etiam in prima argumentum confirmet;
deinde Pro-procurator & Terræ-filius in ſecun-
da; & poſtremo Procurator junior in tertia
Quæſtione diſputet. Quodque his Diſputationi-
bus Univerſi Incepturi à principio ad finem in-
tereſſe teneantur, ſub poena 3^a 4^d.

§. 5. *De Conclusionē Vesperiarum Philosophicarum: & de Juramento Inceptorum.*

CUM singuli Actores in Vesperiiis Philosophicis, suo ordine disputaverint, Procuratores Disputationi finem imponent, ea quæ gesta sunt, sufficere pronunciando. Deinde senior Procurator, de tribus Quæstionibus à singulis Inceptoribus ipsi traditis, una cum versiculis, Quæstionum sensum explicantibus, aliquot, prout ratio temporis feret, palam recitabit; & de earum aliquibus breviter argumentabitur, significando quo ordine sive recto sive retrogrado, quisque censeatur.

Quibus peractis, unumquemque juramento astringet, de Statutis, Privilegiis, Libertatibus & Consuetudinibus istius Universitatis observandis, sub hac forma,

Magister, tu dabis fidem ad observandum Statuta, Privilegia, Consuetudines & Libertates istius Universitatis.

Et de non resumendo Gradum Simeonis, sub hac forma,

Magister, tu iurabis quod nunquam consenties in reconciliationem Henrici Simeonis, nec statum Baccalaurei iterum tibi assumes.

Quisquis vero hoc juramentum non præstiterit, eum Procuratores 6^s 8^d in usum Universitatis per ipsos exigendis mulctabunt.

§. 6. *De Disputationibus Vespertialibus Juristarum.*

DE Inceptoris in Jurisprudencia, Statutum est, quod pro more (post Progressus aliquot à Professore in prælectione quam ante meridiem inchoa-

inchoaverat factos) ad monitionem illius Juris studiosi, qui in his Disputationibus Moderatoris locum obtinet, à Professore Regio tres Quaestiones cuique Incepturo cum versiculis Quaestionum sensum explicantibus proponantur, de quibus Incepturi singuli seriatim respondeant.

Opponant vero Doctores hujus Facultatis in Academia commorantes per se vel per alium Doctorem vel Baccalaureum ejusdem Facultatis vice sua substitutum, sub poena 40^s. Quod si pauciores fuerint Doctores quam ut commode sufficere possint sustinendis per integrum tempus praestitutum Disputationibus, licebit Professori in subsidium advocare de Baccalaureis ejusdem Facultatis in Academia commorantibus (servato Ordine senioritatis) tot quot suo judicio usus poscet; qui ante 15 dies debite praemoniti ad Opponendum per se vel per alium (consimilis conditionis) prout Opponentium ad Inceptores proportio ipsos cum his aut illis respondentibus commiserit, sub poena 40^s teneantur. Quibus Disputationibus peractis, praedictus Moderator singulis Incepturis, unam vel duas Antinomias conciliandas proponet; iisque conciliatis, hujusmodi Disputationibus brevi aliqua peroratione finem imponet.

§. 7. *De Disputationibus Vespertialibus Medicorum.*

QUoad Incepturos in Medicina, Statutum est, ut pro more à Professore Regio tres Quaestiones, cum versiculis Quaestionum sensum explicantibus, cuique Incepturo proponantur, de quibus Incepturi singuli seriatim respondeant.

Opponent vero Doctores hujus Facultatis in Academia commorantes, &c. *ut supra de Juristis.*

§. 8. De Disputationibus Vespertialibus Theologorum.

Incepturis in Theologia, Professor Regius (qui in his Disputationibus Moderatoris Personam gerit) tres Quaestiones una cum versiculis easdem explicantibus, singulis proponet, in quibus ipsi successive respondeant.

Opponent vero de Doctoribus ejusdem Facultatis in Academia commorantibus quos Vice-Cancellario ad hoc ante 12 septimanas designare visum fuerit, decem (nisi Inceptores plures sint quam decem, quo in casu parem Opponentium numerum oportet esse) per se vel per alium Doctorem aut S. Theologiae Baccalaureum vice sua substitutum, prout Opponentium ad Inceptores proportio ipsos cum his aut illis Respondentibus commiserit.

Inceptorum quilibet 14. ad minimum diebus ante Vesperias, cum Doctoribus secum disputaturis Quaestiones suas communicabit, aut in absentia cujusvis ipsorum, cum Doctore aut Baccalaureo S. Theol. vice absentis substituto, qualem utique subrogare tenetur, quisquis Doctorum à Vesperiiis abesse necesse habuerit, sub poena xl. ei qui defecerit irroganda.

In his Disputationibus quoniam Professor Regius Disputantium argumentis intentus fugam temporis huius tam facile notat, Vice-Cancellarius per se vel per alium Doctorem Coll. alicujus Praefectum singulis Opponentibus arguendi spatium admetietur, & Disputationis filum pro suo arbitrio praedicet.

§. 9. *De Cœna Vespertiali.*

STatutum est, ut in qualibet Facultate Incepturi, ad Cœnam Vespertialem pro Doctoribus apparandam singuli ex æquo numerent; expensæque ex symbolo ac æqualiter solvant; hoc excepto, quod uniuscujusque Facultatis senior Hospitium Cœnaculumve Doctoribus cœna excipiendis accommodum, solus prospiciat.

§. 10. *De Concionibus die Dominico inter Vesperas & Comitia habendis.*

IN die Dominico inter Vesperas & Comitia; moris est ut duæ Conciones, una ante Meridiem, altera post Meridiem, lingua vernacula, in Ecclesia B. Mariæ Virg. habeantur; & Statutum, quod liberum sit Vice-Cancellario quemlibet ex Theologis in iisdem Comitiiis Incepturis, aut ex aliis, ad hæc Concionandi munera designare.

§. 11. *De Precibus solennibus, & Oblationibus, in die Comitiorum.*

IN die Comitiorum, Moris est, ut post pulsationem parvæ Campanæ, circa horam nonam Matutinam, singuli Inceptores in qualibet Facultate, per Bedellos suæ Facult. à Collegiis & Aulis deducti, in Capella Orientali Ecclesiæ B. Mariæ Virg. una conveniant; iisque sic congregatis, Preces Divinæ ab ejusdem Ecclesiæ Paroecialis Vicario, aut illius Deputato, solenniter habeantur: Quibus peractis, primum Vice-Cancellarius, postea singuli Inceptores in Facultati-

Facultatibus, deinde Procuratores, Bedellis præeuntibus, ad Mensam Eucharistiæ sacram, cum debita reverentia, Oblationes faciant. Quod si quis à Precibus solennibus & Oblationibus absens fuerit, aut præsens cum debita reverentia ad Mensam Eucharistiæ sacram accedere recuserit, puniatur pro arbitrio Vice-Cancellarii, ac insuper mulctetur ss.

§. 12. Quem locum in Comitibus singulae Facultates sortiantur.

PERactis Precum & Oblationum solennibus, moris est, ut exercitia Comititalia inchoentur: Quodque senior Procurator Suggestum in Theatro sibi super Portam Occidentalem apparatus; Junior ex adverso super Orientalem, una cum Actoribus juxta antiquum morem conascendant. Professor Medicinæ cum Inceptoribus in Medicina à parte Occidentali; Professor Jurisprudentiæ à parte Orientali subsellia sortiantur: Professor vero Theologiæ cum Inceptoribus suis, ad Boream infra Cancellarii Cathedram sedilia constituta habeat: & si qui in Musica incipiant, in superiori Pegmate, ad Austrum locum teneant.

§. 13. De Disputationibus Philosophicis in Comitibus.

IN Comitibus, inter Inceptores in Artibus, moris est, ut jussu Procuratorum, à primo Opponente tribus Questionibus propositis, Magister Replicans qui fuit Respondens superioris anni, (vel eo deficiente, alius quivis per Procuratorem substituendus) respondeat: in iisdem ve-

ro primo in loco diſputet ex Inceptoribus primus Opponens, qui ubi argumentandi finem fecerit, à ſeniore Procuratore (qui quoad Inceptores in Artibus, Comitiorum Pater habetur) ſolemniter tradendo illi librum, imponendo pileum, & impertiendo oſculum, Magiſter creabitur.

Deinde poſt illum opponere perget idem Procurator ſenior; cui ſuccedet Terræ-ſilius, quem Pro-procurator excipiet; poſtremo Procurator junior argumentabitur, & Diſputationibus præſatis finem imponet. Inceptorum vero in Artibus quiſquis ab his diſputationibus abſuerit, 3^a 4^a in uſum Uniuerſitatis mul-
ſetur.

§. 14. *De Actu Muſico.*

POſt exercitia Artiſtarum in Comitio ſinita, ſi quis ſit, qui in muſica gradum ſuſcipiet, ejus erit unam vel alteram Cantilenam ſex vel octo partium una cum vocum & inſtrumentorum muſicorum harmonia exhibere; qua ſinita à Savilianis Profeſſoribus Creationis ſuæ ſolennia recipiet, qui hoc alternis præſtare tenentur, ſive uterque Doctor in aliqua Facultate fuerit, ſive neuter: ſed tunc impetrata prius venia à Domo Congregationis, ut liceat ſibi ad tempus Habitum Doctorem aſſumere. Quod ſi alter ſolummodo Profeſſorum Doctor fuerit, ei ſoli Creandi munus incumbit.

§. 15. *De Disputationibus Comitialibus in Medicina.*

Finito Actu Musico, vel, si nullus fuerit in Musica Inceptor, finitis exercitiis in Philosophia, moris est, ut monito Procuratorum, Professor Regius in Medicina procedat. Qui habita Præfatiuncula, ad Creationem Inceptorum descendet, Videlicet eorum cuilibet tradendo librum, imponendo pileum, inferendo digitum annulo, & postremo impertiendo osculum.

Qua Creatione peracta, Inceptorum senior tres Quæstiones discutiendas proponet; de quibus Respondens animi sui sententiam exponet. Deinde idem Inceptor senior in singulis argumentabitur, & argumentum in Prima confirmabit. Post seniore, alii seriatim, secundus nimirum in secunda, tertius in tertia, & si plures fuerint, quartus in prima, & sic deinceps quilibet in quæstione una disputabit. Quisque autem, ubi Procuratores satis ab eo disputatum pronunciarint, suscipiet juramentum ab iisdem Procuratoribus delatum, de Statutis, Privilegiis, Libertatibus & Consuetudinibus istius Universitatis observandis, & de non resumendo Gradu Simeonis. Respondentis vero locum sustinebit, aut Inceptorum aliquis illius anni, aut ad eorum instantiam studiosus aliquis in Medicina, qui saltem tempus ad Gradum Baccalaureatus requisitum compleverit, ante 10 septimanas designandus, & per Domum Convocationis approbandus; alioqui aliquis per Vice-Cancellarium nominandus, qui tempus ad Gradum Baccalaurei, vel, (si Baccalaureus sit) Doctoris in eadem Facultate requisitum compleverit; cui talis respon-

sio

ſio citra ullam diſpenſationem cedat pro exercitiis ad illum Gradum quem deſiderat; Baccalaureo *viz.* pro Diſputationibus, Doctori pro leſturis gradui ſuo præviis.

§. 16. *De Diſputationibus Comitibus in
Juris-prudentia.*

EXercitiis ab Inceptoribus in Medicina abſolutis, Moris eſt, ut Profeſſor Regius in Juris-prudentia, admonentibus Procuratoribus, & ſimiliter Inceptores in Juris-prudentia procedant, ad inſtar Profeſſoris & Inceptorum in Medicina. Reſpondere vero conſuevit, qui in Vesperis Moderatoris locum tenuit; Unus nimirum Inceptorum illius anni; aut ipsis procurantibus, ſtudioſus aliquis in Jure civili, qui ſaltem tempus ad Gradum Baccalaureatus requiſitum compleverit, ante 10 ſeptimanas deſignandus, &c. *ut ſupra.*

§. 17. *De Diſputationibus Comitibus
in Theologia.*

Post conſummata in Juris-prudentia exercitia, moris eſt, ut in S. Theologia Profeſſor Regius procedat. Qui pro more, Præſatione habita, ad Inceptorum creationem ſimiliter deſcendet, & cætera, prout Profeſſores in Medicina & Juris-prudentia, peraget; ultra quæ, peculiare ſibi habet, (quod etiam Procuratoribus incumbit,) utrum Inceptores in S. Theologia ocreis (prout oportet) ſint induiti, explorare. Quæ Creatione peracta, Inceptores, eodem ordine & modo, quo Inceptores in Medi-

66 *De generali Incept. in sing. Fac. Tit. VII*
cina, succedent: Respondentis itidem locum
obtinebit, vel ex Inceptoribus unus, vel alius
in S. Theologia studiosus, qui saltem tempus
ad Gradum Baccalaureatus requisitum comple-
verit, ante 10 septimanas designandus, &c. ut
supra.

§. 18. *De Conclusionē Comitiorum.*

PERactis Exercitiis, & Doctoribus in qualibet
Facultate creatis, consuevit Vice-Cancella-
rius, monitu Procuratorum, Comitia conclu-
dere solenni Oratione; in qua res gestas supe-
rioris anni, beneficia præsertim Universitati col-
lata, & alia quæ ad honorem Academiæ fa-
ciunt, prout ipsi videbitur, commemorare in
more positum est.

§. 19. *De Congregatione, finitis Comitii, habenda.*

Conclufis per Dominum Vice-Cancellarium
Comitiis, ad majoris Campanæ pulsationem
Vice-Cancellarius, & superioris Anni Regen-
tes, illico in Domo Congregationis conveniunt;
ubi ad supplicationem Doctorum & Magistro-
rum noviter Creatorum, de Ocreis & Crepi-
dis & Socculis ipsorum exuendis, ad quæ tem-
pore Inceptionis adstricti erant, dispensari so-
let.

§. 20. *De Concione Latina, habenda die
proximo post Comitia.*

DIE Martis proximo post Comitia, hora
octava matutina, in Temple B. Mariæ Vir-
ginis, Concio ad Clerum Latina haberi consue-
vit;

Tit. VII: *sive de Vesperis & Comitiiis.* 67

vit; ad quam Concionem habendam, in arbitrio erit Pro-Cancellarii, aliquem è Doctoribus, vel Baccalaureis in S. Theologia, aut quemcunque alium, ante tres Menses præmonitum, designare.

SECTIO II

Statuta Generalia ad Vesperias & Comitia spectantia.

§. I. *Designatio Actorum in Vesperis & Comitiiis penes Procuratores est.*

CUM præ multitudine Inceptorum in Artibus, singuli in Vesperis & Comitiiis Actorum partes sustinere nequeant, obtinuit consuetudo, ut penes Procuratores potestas foret designandi Actores in Vesperis & Comitiiis Philosophiæ; de quibus, pro Vesperis Procurator Senior, Respondentem, ante-hac Juniorem Inceptorem nuncupatum (cui in posterum ne quid senioritatis eo nomine descedat, præsentis Statuto cautum esto) & Pro-procuratorem; Procurator vero Junior, Terræ-filium nominare solet. Pro Comitiiis vero, Procurator Senior Terræ-filium nominare solet; Procurator Junior primum Opponentem, antehac seniore Inceptorem nuncupatum (cui in posterum ne quid senioritatis eo nomine accedat, præsentis Statuto cautum esto.) Provisum etiam est, ut qui Respondens est in Vesperis, à quolibet Inceptore ejusdem anni per manus Procuratorum duos solidos & sex denarios percipiat; unde in Die Comitiorum sequentis anni Magistri Replicantis munus obire tenebitur: ad quod sub-

eundum cautionem sufficientem penes procuratores deponat; in qua exigenda, si dicti Procuratores negligentes fuerint, ipsi ad providendum de Magistro Replicante pro anno insequente tenebuntur.

§. 2. Quæstiones in singulis Facultatibus, discutiendæ in Vesperis & Comitibus, Judicio Congregationis approbandæ.

Cum præ novandi libidine, & opinandi quæ quis velit, licentia (quam sibi privatim quisque arrogat) nova indies Opinionum portenta procudi, usu compertum sit; Ne in publicum quoque serpat hæc labes, salubri consilio provisum est, ut Theses in qualibet Facultate, cum in Vesperis, tum in Comitibus discutiendæ, in Domo Congregationis, per congruum temporis spatium ante Comitibus proponantur; nec ullæ defendantur, nisi quæ maturo illius Domus Judicio approbatæ fuerint; Utpote quæ nec periculosam materiam sapiant, & benignam disputandi materiam suppedient, ut non necesse sit ad altercationes & cavilla confugere. In Facultate vero Artium, Quæstiones ex intimis Philosophiæ penetralibus, & non aliunde, desumantur; Nec Exotericas ullas proponi permittat Vice-Cancellarius.

In Jurisprudentia autem (quia Juris Civilis studiosos decet, haud imperitos esse Juris Municipalis, & differentias exteri Patrique Juris notas habere) inter Quæstiones Comitiales eligatur una, quæ cum Jure Municipali aliquid affine habeat; In qua, quid Jus Civile, quid Regni Angliæ Jus teneat, Professor Juris Civilis in Præfatione sua, Creationi Inceptorum præmissa,

Tit. VII. *ſive de Veſperiis & Comitiiis.* 69
miſſa, doceat, definiat, determinetque. In ſin-
gulis denique Facultatibus Orationes præluſo-
rie ad Diſputationes ſint perbreves; & niſi me-
moriter recitentur, continuo à Procuratoribus
torumpantur.

§. 3. *De compoſcendis conſumelitis in Exercitiis
Veſperialibus & Comitialibus.*

Statutum eſt, quod ſiquis in Orationibus, Ar-
gumentationibus, aut quacunque Exercitio-
rum parte, in Veſperiis aut Comitiiis, vel publi-
cum Uniuerſitatis regimen, vel cuiuſquam pri-
vati famam, convitiis, diſceteriis, vel illiberali-
bus jociſ læſerit, vel, quantum in ſe fuerit, læ-
dendi voluntatem patefecerit: tanquam pacis &
tranquillitatis publicæ perturbator coram Vice-
Cancellario conveniatur, & exemplar Oratio-
nis ſuæ exhibere, aut alioqui (ſi nullum ſe Ora-
tionis ſuæ exemplar habere præ ſe ferat; vel
inter argumentandum, verba in quæſtionem vo-
cata exciderint) ad objecta virtute juramenti re-
ſpondere teneatur.

Et ſi Judicio Vice-Cancellarii convictus fue-
rit, pro gravitate delicti (quæ ex circumſtan-
tiis & Perſonis, tum proferentibus, tum in quas
convitia prolata ſunt, æſtimanda erit) Incarce-
ratione, vel Recantatione publica, vel Bapni-
tione, pro arbitrio Vice-Cancellarii, puniatur,
præter ſatisfactionem parti læſæ exhibendam.

§. 4. *Habitus Veſperiales & Comitiales In-
ceptorum in Artibus.*

Cum ex frequentia Inceptorum, Habitu ſo-
lenni indutorum, cohoneſtetur Academia,
ſingul

70 *De Generali Incept. in sing. Fac. Tit. VII.*
Singuli Inceptores in Artibus, in Vesperiiis, Facultatis suæ, Togis laxè manicatis, Capis ac Caputiis ex Serico, & Crepidis & Socculis induti, nudis Capitibus interesse, sub poena 3^s, 4^d, ibique quoad Exercitia peracta fuerint, permanere teneantur. Etiam in die Comitiorum, eodem modo sub poena eadem intersint; præterquam quod pro Caputiis Sericis, Caputiis ex Minuto vario, (Anglice *Miniver*) induti incedent.

§. 5. *Habitus Inceptorum in aliis Facultatibus.*

INceptores in Musica, in Vesperiiis & Comitiiis, Togis manicatis, cum Capis albis Damascenis undulatis, Pileisque rotundis holosericis utantur.

Inceptores in Medicina & Jurisprudencia, Capas coccineas cum Caputiis itidem coccineis, Serico cujuscvis intermedi coloris subsutis, & Pileos ex holoserico rotundos gestent.

Inceptores in Theologia, Capas itidem coccineas cum Caputiis similibus, Serico tamen nigri coloris subsutis, & Pileos Quadratos habeant.

Singuli Inceptores, donec solenniter creati fuerint, capitibus apertis in publico sedeant, & incedant, sub poena 13^s 4^d.

§. 6. *De Senioritate Inceptorum in quaque Facultate.*

IN Facultatibus Theologiæ, Medicinæ, & Jurisprudentiæ, quisque in sua Facultate, secundum Ordinem quo præsentati, sive ad incipiendum admissi sunt, de consuetudine in Vesperiiis & Comitiiis, & semper deinceps, locum
five

ſive Senioritatem obtinebunt; niſi ſint aliqui in iisdem Facultatibus, qui pro Gradibus cum Univerſitate compoſuerint (quos Cumulantes vocant) qui cæteris ejuſdem anni præferentur.

Inceptores vero in Artibus, pro arbitrio Procuratorum ſenioritatem ſortientur, præter Cumulantes; qui reliquis præferendi, inter ſe ſenioritatem juxta ordinem præſentationis ſortientur.

Proviſo tamen, quod diſpoſitio illa Procuratorum, Sociis Collegiorum præjudicio non ſit, quo minus eandem ſenioritatem, quam in admiſſione ad Incipiendum obtinuerunt, in Collegiis ſuis retinere poſſint.

Proviſo inſuper, quod ubi ſenioritas (juxta privata Collegii cujuſvis Statuta) attenditur penes ſenioritatem in Univerſitate, & ex inverſo ſenioritatis ordine multum quis patitur detrimenti; in huiusmodi Collegiis Inceptores in Catalogo Inceptorum diſponantur eodem ordine ſenioritatis, quam, in ſuis quiſque Collegiis, obtinent.

§. 7. *De Sedilibus Inceptorum & Extraneorum non occupandis.*

CAutum eſt, quod in Veſperis & Comitiiis, necnon in Concionibus inter Veſperias & Comitia, Juniores Senioribus locum cedant; præcipue, ne Inceptoribus aut Extraneis, quibus de Conſuetudine locus provideri ſolet, quiſquam Locum præripiat. In quo, ſi qui deliquerint, Dominus Vice-Cancellarius, vel Procuratores, pro arbitrio eos caſtigandi poteſtatem habeant; nec-

72 *De generali Incept. in sing. Fac. Tit. VII.*
necnon in subsidium alios Magistros in Arti-
bus advocandi, qui, indebite locum occupantes
submovendo, ipsis suppetias ferant. Si quis vero
immorigerum se præbeat, vel Vice-Cancellario,
vel Procuratoribus, vel Magistris ascitis, poena
esto arbitraria.

§. 8. *De Vesperis & Comitibus à B. Virginis Mariæ
Templo transferendis ad Aedificium seu Thea-
trum publicum impensis & munificentia Reve-
rendissimi in Christo Patris GILBERTI
Archiepiscopi Cantuariensis nuperrime extru-
ctum, aliisque capitibus negotium istud concer-
nentibus.*

3. **S**tatutum est, ut Vesperia & Comitia in
Templo B. Mariæ Virginis celebrari solita,
ad **THEATRUM** prædictum transferantur.

§. Ut Die Veneris Comitiorum solennia præ-
cedente, (quæ Theatri Encenia) Agones ha-
beantur hora prima post meridiem Philologici,
ubi Humanioris Literaturæ exercitia peragantur,
in quibus duo Inceptores in Artibus à Vice-Can-
cellario cum consensu Procuratorum designati
Orationes habeant, & eo nomine cæteris ejus-
dem anni in Senioritatis dispositione præferantur,
quatenus per Consuetudinem & Statuta hac de
re prius lata id fieri possit. Insuper ut ibidem
Problemata Mathematica, Critica, Chronologi-
ca, necnon Experimenta omnigena proponi & dis-
cuti; quin & Commissiones Philologicæ, sive Car-
mine aut soluta Oratione, ab omnibus cujusvis Or-
dinis aut Gradus peragi possint; petita prius Vice-
Cancellarii

Cancellarii & Procuratorum venia & licentia. Quibus ſi id meruiſſe viſi ſint, licebit Vice-Cancellario, aſſentientibꝯ Procuratoribus, cuilibet ſeſe exercenti, & ſpecimina Eruditionis ſuæ facienti, ſi modo Baccalaureus in Artibus fuerit, gratiam facere, ut Exercitia ab ipſo præſtita pro Forma ad Gradum Magiſtri in Artibus cedant loco Declamationum, quas Statuta exigunt. Si vero non-Graduatus fuerit & ſenior Sophiſta, liceat præſato Vice-Cancellario cum conſenſu Procuratorum ipſi juſ & uſum Pilei quadrati cum Apice concedere.

6. Ut Orationes ad Baccalaureos Determinantes à Procuretoꝝ & Collectoribus in Quadageſima Templo B. Mariæ haberi ſolitæ, ad Theatrum prædictum transferantur; ſcilicet, procedentibus poſt Litaniam finitam ſolemniter à Templo B. Mariæ ad Theatrum prædictum Vice-Cancellario & Procuratoribus una cum Baccalaureis Determinantibus.

7. Ut duo Curatores ſeu Ædiles fabricæ Theatralis prædictæ à Reverendiſſimo Fundatore, durante ejꝯ vita pro arbitrio ipſius, & deinceps à venerabili Domo Convocationis, è Doctoribus quos Statos Delegatos Computi eſſe contigerit, nominentur & conſtituantur. Quorum muneris erit, ut domus cuſtodibus & janitoribus præſint, & eoſdem conſtituant; ut cæterum univerſum, hoſpites præſertim & peregrinos qui ad Theatrum confluxerint, in ſedibus pro eorum dignitate & meritis, una cum Vice-Cancellario & Procuratoribus excipiant & diſponant; necnon pacem Publicam ibidem tueantur: quinetiam Pro-Cancellarii poteſtate in-

structi infra Theatri præcinctus immorigeros & tumultuantes in ordinem cogant; Et si insuper necessarium visum fuerit in Artibus Magistros in curæ hujus partem adhibere, ut iidem à Curatoribus prædictis nominati, & à Vice-Cancellario & Procuratoribus approbati, durante Solemniorum tempore, infra præcinctus prædictos Procuratoria potestate muniantur. Demum ut Curatores prædicti pecunias ad usum Theatri accipiant & impendant, rationemque quotannis reddant, coram statis Delegatis tempore Computi Vice-Cancellarii.

TITULUS VIII.

De Disputationibus Ordinariis.

§. I. *De Disputationibus Ordinariis in S. Theologia.*

Statutum est, quod in Theologia, quolibet anno, decies in Schola Theologica Disputationes habeantur; die nimirum Jovis primo & ultimo cujusque pleni Terminii; ac etiam die Jovis ante primam Dominicam adventus Domini; ac proxtremo die Jovis qui Quadagesimam proxime præcedit. Qui, si Festus quandoque fuerit, tum die proximo sequente non Festo disputetur.

Quodque

Quodque ad hanc Disputationem obeundam teneantur omnes, tam Baccalaurei in S. Theologia (etiāsi tempus ad Doctoris Gradum suscipiendum compleverint) quam in Artibus Magistri (nisi fuerint Procuratores Universitatis, vel publici in Artibus Professores) postquam à tempore solennis suæ creationis in Comitibus integrum quadriennium compleverunt, sive in Collegiis sive in Aulis victitent; nisi ad studia vel Juris vel Medicinæ, vel alicujus Facultatis per Statuta Collegii sui alligentur; aut alicui earundem Facultatum, (anno ad minimum antequam ad Opponendum vel Respondendum in Theologia moniti fuerint) nomina sua ipsos dedisse notorie constet.

In quibus Disputationibus è Baccalaureis & Magistris, senior Respondentis locum obtineat. Quodque Opponent post Professore Regium, (qui Disputationibus moderatur) duo alii Gradu proximi, descendendo; & sic deinceps, donec omnes suis vicibus perfuncti fuerint; deinde iterum si opus fuerit, ad seniores revertendo.

Quæstiones autem discutiendæ, duæ sint, (per Congregationem proxime sequentem monitionem datam approbandæ) de quibus Disputatio ab hora prima ad tertiam continuetur; eique interesse teneantur Baccalaurei S. Theologiæ, & Magistri omnes post secundum Regentiæ suæ annum, quos ad aliam aliquam Facultatem studia sua contulisse, non constiterit.

§. 2. *De Disputationibus Ordinariis in
Medicina.*

STatutum est, quod in Medicina in Schola illius Facultatis, bis in quolibet anno, nimirum Terminis Hilarii & Trinitatis, primo die Martis utriusque Terminj, Disputatio habeatur.

Quam sustinebunt suis vicibus Baccalaurei omnes in Medicina, & alii Studentes in Medicina, quotquot rite studio Medicinæ nomina dederunt, ac Universitatis Privilegiis gaudent, à Senioribus ad Juniores descendendo, & sic deinceps revertendo: exceptis Procuratoribus Universitatis, & publicis Professoribus in Artibus; è quibus is, qui senior est, Respondebit, duo alii Opponent, in duabus Quæstionibus, per Congregationem proxime sequentem monitionem datam, approbandis, per duas horas integras, viz. à prima ad tertiam.

Cui Disputationi interesse astringantur omnes Baccalaurei Medicinæ, alique Magistri qui Medicinæ student.

§. 3. *De Disputationibus Ordinariis in
Juris-prudentia.*

STatutum est, quod in Juris-prudentia, bis in quolibet anno, Disputatio in Schola Facultati designata habeatur, nimirum in Terminis S. Michaelis & Paschatis, ultimo die Martis utriusque Terminj: quam Disputationem sustinebunt suis vicibus omnes Baccalaurei Juris, & qui in studio Juris tempus compleverunt, quo ad Baccalaurei Gradum promoveri possint, quotquot

quot Privilegiis Universitatis gaudent, à Senioribus ad Juniores descendendo, & sic deinceps revertendo : exceptis Procuratoribus Universitatis, & publicis Professoribus in Artibus.

In quibus, Senior Respondebit, duo proximi Opponent ; idque in duabus Quæstionibus, per Congregationem proxime sequentem monitionem datam, approbandis, per duas integras horas, viz, à prima ad tertiam post meridiem.

Quodque has Disputationes frequentare teneantur singuli Baccalaurei Juris, omnesque Magistri & Scholares, quos studio Juris nomina sua dedisse constat.

§. 4. *De disputationibus Quodlibeticis habendis Vice Ordinariarum, in Artibus.*

CUM Disputationes antiquitus per 40 dies post Inceptionem in Artibus, quolibet die disputabili, juxta vetera Statuta à singulis Inceptoribus haberi solitæ (ex quo diversa Incipendi tempora, in generalem Unam Inceptionem, in Vesperius & Comitibus immutata sunt) in consuetudinem abierint ; placuit Academiæ, ut eorum loco unoquoque die disputabili in pleno Terminò, quo Magistrorum Regentium Congregationes non habentur, ad parvæ Campanæ in Templo S. Mariæ pulsationem, ab hora decima antemeridiana ad Undecimam, in Scholis Artium Disputationes Quodlibeticæ habeantur.

In quibus è Magistris Regentibus, seriatim & per vices, incipiendo ab eorum Juniore, quolibet die duo, in totidem Scholis, Habitu Gradui competente induti, cum Moderatorum tum Opponentium munus sustinere tenentur.

Ad

Ad has autem Disputationes seriatim obeundas, tenentur singuli Regentes, durante sua Regentia necessaria, & ad placitum (si necessario Regentes non suffecerint pro numero Baccalaureorum, qui pro Forma Responsuri sunt) sub poena 6^s 4^d, si modo per Superiorem in Artibus Bedellum, ante 7 dies legitime præmoniti & requisiti fuerint.

Quod si Bedellus Magistrum legitime non præmonuerit, aut, Magistro Disputationem ommittente, ejus defectum eo ipso die Procuratoribus non significaverit, X^s mulcta per Procuratores ab eodem exigatur.

§. 5. *De Disputantibus per Bedellos
Præmonendis.*

STatuit Universitas & decrevit, quod Bedellus superior in qualibet Facultate, per 6 hebdomadas ante diem Disputationis (præterquam in Quodlibeticis, in quibus Disputationibus ante 7 dies præmonuisse sufficiet) tam Respondentem quam Opponentes officii ipsorum certiores faciat; eos si fieri possit personaliter monendo, vel (si eos convenire non possit) per affixionem monitionis, manu Bedelli monentis subscriptæ, ad ostium Cameræ, vel hospitii ubi morari consueverunt; vel si cameram nullam cameræve partem retineant, nomina tamen ipsorum usque in libro promptuarii inscripta maneant, (eo nomine privilegii beneficium in occasione vindicare ut liceat) fixa monitione ad ostium promptuarii: quo in casu Bedellos promum convenire, & si absentem quempiam intra tempus Disputationi præstitutum probabiliter non affuturum,

turum, partesve suas non impleturum à Promo-
sciscitatus resciverit, sub poena X^s teneatur id
ipsum protinus Vice-Cancellario renunciare; qui
ne Disputationes tempore constituto habendæ
intercidant, proximum debite præmonendum
curabit; quod ut commodius fiat, Bedellus ali-
quot dierum spatio ante 6 septimanas præmonen-
dis Disputationibus assignatas teneatur sub eadem
poena conditionem cujusque proxime præmo-
nendi explorare, utrum *viz.* præsens sit, vel ad
tempus præstitutum affuturus videatur.

Quodque Respondentes in S. Theologia, Me-
dicina, & Juris-prudentia, Quæstiones suas in-
tra biduum postquam approbatæ fuerint, Pro-
fessoribus suis exhibeant, & deinceps eas val-
vis utriusque magnæ seu exterioris portæ Scho-
larum, necnon muris Coll. Omn. Animarum, &
Oriel, qua Australis & Occidentalis parietes,
plateam versus, in angulos coeunt, ante 7 dies
affigi curent.

§. 6. *Disputantium Habitus. Præfandi Leges.*

STatutum est, quod in Disputationibus Ordi-
nariis tum Respondentes tum Opponentem,
Togis Facultati suæ congruis, & Habitu Gra-
dui competente, id est, Pileo, Capis & Capu-
tiis induti, intersint.

Quodque cum Respondentium, tum Oppo-
nentium præfationes, memoriter recitentur; in
quibus succinctè, ad statum Quæstionum perti-
nentia duntaxat, exponant; nec Respondentem
plus quam semihoram, Opponentem plus quam
quartam horæ partem, qui Disputationibus præ-
sunt, impendere patiantur; reliquum vero tem-
poris in argumentando consument.

§. 7. De Officio Vice-Cancellarii & Procuratorum, circa has Disputationes.

Statutum est, quod in omnibus Disputationibus Ordinariis S. Theologiæ, Medicinæ, ac Juris, Dominus Vice-Cancellarius; in Quodlibeticis vero Procuratores, vel eorum alter, per se vel Deputatos suos diligentius interfint: Quodque curent, ut hæ Disputationes debito modo & forma præstentur, & ab iis qui interesse debent, frequententur; &, si opus videbitur, singulis quos adesse oportet, per Bedellos nominatim compellatis, qui absentes sint, disquirant.

§. 8. De mulctandis Delinquentibus circa has Disputationes.

Statutum est, quod, si quando contingat debito tempore aliquam harum Disputationum Ordinariarum, in superioribus Facultatibus penitus omitti (quod committi non licebit, si vel unus Opponentium, cum Respondente & Moderatore adfuerit) ille cujus culpa id contingit, id est qui neque per se, neque per substitutum aliquem præstiterit, si Opponens fuerit, 20 solidis mulctabitur; si Respondens vel Moderator, 40. Quod si Bedellus justo tempore Opponentes & Respondentes non præmonuerit, vel Respondentes (prout debent) Quæstiones palam affigi non curaverint, eorum quilibet poenam X^s luet. Quod si omittatur Disputatio Ordinaria, mulctetur ille cujus culpa hoc fit, & adigatur insuper ad partes suas præstandas alio tempore sub eadem vel graviore poena, nisi legitimam causam

nam attulerit, cur excusatum eum habere debeat Vice-Cancellarius.

Provisio etiam, quod liceat Vice-Cancellario, si ex iusta & necessaria cuiusquam absentiae causa, has Disputationes omissum iri prospexerit, eo casu, & non aliter, alii alicui idoneo, absentis vices supplendi, veniam dare; vel, si videbitur, proximo debite prae-monito, subeundi, sub poena supradicta, necessitatem imponere; cui subeunti pro sua vice cederet.

Multa denique propter haec delicta irrogatae; inter Academiam, Vice-Cancellarium, Procuratores, & Bedellos Facultatis, in quatuor partes aequaliter dividuntur.

TITULUS IX.

De Congregatione Magistrorum Regentium.

SECTIO I.

De Tempore & Negotiis Congregationum, & de Personis ad eas Spectantibus.

§. 2. De Negotiis in Dome Congregationis tractandis.

Ordinatum est, quod, prout ab antiquo fieri consuevit, in Venerabili Congregatione Magistrorum Regentium, gratiae five supplicationes eorum, quos ad gradus Scholasticos promoveri par est, proponantur, & concedantur. Item ut dispensationes, in quibus Congregationi per Statuta dispensare licebit, petantur. Deinde ut digni & idonei ad gradus Scholasticos praesententur, & admittantur. Item ut ab

aliis Academicis commendati Incorporantur; & pro more consueto Viri Conditionis & Eruditionis spectate, in singulis Facultatibus licententur, iidemque atque alii, si quis fuerit, literis Testimonialibus commendentur; & multa alia de quibus Venerabili huic Congregationi decernendi haecenus potestas fuit, cum matura deliberatione & iudicio expediantur.

§. 3. *De Personis ex quibus constat Congregatio, & penes quas sit potestas negandi, que proponuntur.*

Ordinatum est etiam, quod, prout de more antiquo observatum fuit, Congregatio Regentium consistat e Cancellario five Vice-Cancellario, & duobus Procuratoribus vel eorum deputatis, & Magistris necessario, atque etiam ad placitum Regentibus. Quodque mihi in hac Venerabili Congregatione decernatur, cui Cancellarius, five Vice-Cancellarius, vel ambo Procuratores, five eorum deputati, vel major pars Magistrorum necessario, & ad placitum Regentium, qui interfuerint (quorum numerum novenario minorem esse non oportet) consensum non adhibuerint; sed pro non concessio habeatur, si vel Vice-Cancellarius ejusve Deputatus, vel ambo Procuratores, eorumve Deputati, vel major pars Magistrorum necessario & ad placitum Regentium, dissenserint. Præterquam in Electionibus, quas liberas esse volumus, secundum antiquam consuetudinem, per maiorem partem omnium suffragantium.

§. 4. *De Magistris necessario Regentibus.*

Decretum est, quod, quolibet anno, more recepto statim post finita Comitibus, Magistri in Artibus, necnon Doctores in S. Theologia,

gia, Medicina & Jurisprudencia, in die solennis
luz creationis, petant five supplicent, ut in Do-
mum Congregationis admittantur, & ad suam in
Facultatibus Regentiam, hoc est, ad omnes &
singulos actus necessariae suae Regentiae exercen-
dos, ante tertiam Congregationem (nisi grave
aliquod crimen, unde Universitati scandalum
oriatur, alicui aut aliquibus eorum obijciatur)
admittantur; quodque si ulterius differantur, li-
citur sic Cancellario, aut ejus locum tenenti,
eosdem in Domum Congregationis accersere: &
ibidem eosdem propria Auctoritate admittere.

Qui Magistri & Doctores, necessario Regen-
tes per integrum biennium habeantur, nisi (post
alios Magistros & Doctores in Comitibus proxime
sequentibus creatos, & pari modo in Domum
Congregationis ad Regendum admissos) cum
ipsis pro secundo Regentiae suae Anno (prout
de more fieri solet) gratiose dispensetur.

§. 5. Formula admittendi Magistros ad Regendum.

A Magistris, & Doctoribus singulis (tamen si
antea rexerunt in Artibus) ad Regentiam
admittendis, Procurator senior, sub hac verbo-
rum forma juramentum exiget. *Magister, tu da-
bis fidem ad observandum omnia Statuta, Privi-
legia, Consuetudines, ac Libertates istius Univer-
sitaris.* Respond. *Do.*

*Item tu jurabis, quod non revelabis secreta
istius Domus, neque Domus Convocationis.* Re-
spond. *Furo.*

*Item tu jurabis, quod non impedies dignos nec
indignos promovebis, & quod leges & cantabis in
solennibus processibus, secundum assignationem &
dispositionem Procuratorum; vel, si recusaveris,*

solvet & sal in usum Universitatis per Procuratores exigendos. Respond. Furo

Quo juramento à singulis præstito, Vice-Cancellarius eosdem sic admittet; Magister, ego admitto Te in hanc Domum Congregationis, necnon in alteram Domum Convocationis.

Deinde ratione hujus Admissionis persolvat quilibet Magister in Artibus, Bedello Facultatis suæ ad, & Doctores, ad eleemosynam, & usum Pauperum, secundum discretionem Vice-Cancellarii & Procuratorum distribuendos. Insuper quilibet in Artibus Magister, (quoniam ab Admissionem suam ad Regendum, computandum est tempus, ad ultiores Gradus in Facultatibus capessendos requisitum) solvet Registrario, Admissionem suam in Registrum referenti, is super

§ 6. *Qui sunt Magistri Regentes ad placitum.*

Magistri Regentes ad placitum, prout moris fuit antiqui, habeantur, qui antea aliquando Rexerunt; Professores scilicet & Lectores Publici, tam Regii, quam alii. Item Doctores omnes cujuscunque Facultatis, in Universitate residentes: necnon omnes Collegiorum & Aularum Præfecti, qui aliquando Rexerunt in Artibus, iisque absentibus eorum Deputati; item Magistri Scholarum; & quicunque in privatis Collegiis, Decanorum vel Censorum munus obeunt. Omnes insuper Magistri (durante secundo Regentiæ suæ anno) quibuscum, post finitum primum necessariæ Regentiæ annum, pro secundo Regentiæ suæ anno dispensatum fuerit.

SECTION

SECTIO II.

De Examinandis Graduum Candidatis per
Magistros necessario Regentes.

§. I. De Examinandis iis qui Gradus in Artibus
capessunt, aut in Jurisprudencia, priusquam
in Artibus inceperint.

Quo exploratior sit Congregationi Regentium,
eruditio ac in bonis Literis progressus singu-
lorum, qui Gradus in Artibus capessunt; aut in
Jurisprudencia, priusquam in Artibus Inceperint:
Statutum est, quod unusquisque antequam ad
supplicandum pro Gratia admittatur, Magistro-
rum Regentium Examen subeat.

Ne vero turba Candidatorum, huic Examine
sefe offerentium, Examinatoribus molesta sit &
onerosa; Statutum est, in uno quovis die, plures
quam sex ad Examen admittendos non esse.

Quem diem præstituendi potestas sit penes Se-
niorem Procuratorem, qui singulis Examinan-
dis, diem certum, quo Examen subire debeant,
sub Chirographo suo testatum assignabit; Hac
tamen cautione, ut unicuique Candidatorum Se-
nario, distincti dies assignentur; & nomina ipso-
rum, una cum die assignato, referantur in Regi-
strum, eum in finem penes Procuratorem perpe-
tuo adservandum. Cautio insuper, ut Examinan-
dis dies eum in modum assignentur, ut sub Exa-
men Regentium, qui ex eadem cum ipsis Domo
sunt, minime cadant.

Examinandus quisque, post præstitutum à Pro-
curatore diem, Examinatores illico de eo certio-
res faciet; ac die præcedente Examinationem
suam

suam (Programmate affixo valvis utriusque magnæ portæ Scholarum, ac insuper muris Collegii Omnium Animarum, & Oriel, qua Australis & Occidentalis parietes, plateam versus, in Angulos coeunt) nomen suum edet, ac domum unde est, & quem Gradum ambiat.

Hiscæ Examinationibus quemcunque Diem (modo ne Festum) in Termino, sive extra Terminum (si numerus Candidatorum hoc ipsum efflagitet) assignare fas esto Procuratori. *Locus* Examinandis designatus, esto Schola Naturalis Philosophiæ; *Hora* vero qua se Examinandos fistent, Nona Matutina, à qua usque ad Undecimam in illo ipso loco perdurabunt: Atque iterum ab Hora Prima Pomeridiana, si Examinatoribus ita visum fuerit, quousque illis placuerit.

Artes autem seu *Scientiæ*, in quibus Examinandi erunt, sint illæ ipsæ, in quibus, & quatenus seu quousque per Statuta Academiæ, *Lecturas* audivisse tenentur. *Authores* insuper sint illi ipsi, quos, secundum Statuta, *Lectores* publici *Auditoribus* suis prælegere tenentur: reiectis prorsus neotericis quibuscunque *Authoribus*; quorum ignoratio ne cui sit fraudi, præsentì Statuto cautum esto.

Neque vero in Philosophicis solis, (intra quos fines sterit angusta superioris Seculi Eruditio) verum etiam in Philologicis instituitur Examen. Ac præcipue Examinatoribus explorandum incumbit, qua quisque polleat Facultate, animi sui sensa lingua Latina explicandi. Neque enim ad Artium Baccalaureatum, nisi qui congrue & prompte, nedum ad Magistralem Gradum (eive supparem) nisi qui commode & apte, in rebus quotidiani usus, animi sui sensa lingua Latina explicare valeat, admitti quemquam volumus.

Id quod explorare poterunt Examinatores correctis Dialogis, seu Colloquiis familiaribus lingua Vernacula conscriptis, e quibus oblatum quencunque locum statim lingua Latina reddere Examinatus quisque tenetur, aut alio quocunque demum modo, quo sibi commodius satisfactorios Examinatores probabile est, quos juratos de singulis Examinatis Testimonium dicere oportebit.

§. 2. De Examinatoribus designandis & Juramento onerandis per Procuratorem Seniores.

Cum olim singulis Regentibus Candidatos quoscunque Examinandi jus ac potestas fuerit, nequid huic potestati derogeretur, presenti Statuto cautum esto. Hoc amplius provifum est, ut Senior Procurator, cum Examinandis diem assignat, quo Examen subituri sunt, à Juniore Regente incipiens, tres Juniores Magistros designet, qui, per tres dies examinatorios, Candidatos singulos examinabunt; ac deinceps, tres ab illis proximos Magistros ad tres sequentes dies examinatorios deputabit, ac sic percurfo demum universo Magistrorum Regentium cata, ad Juniores Regentes iterum revertetur, quousque usus fuerit, singulos Examinatorum ternarios in Registrum suum referens, e regione trium illorum dierum ad quos designantur.

Examinatores singuli, quamprimum ab examinando quovis sibi examinandi vices obvenisse resciverint, citra diem examinationi præstitutum, Procuratorem adibunt, in Domo Congregationis (si quæ Congregatio intervenierit,) sin minus privatim per Seniores Procuratorem Juramento onerandi, in hæc verba:

Magister

*Magister, tu jurabis, quod singulos Candidatos (qui sub examen illius ternarii cadent, qui te contri-
bui contigerit) partim ipse examinabis, partim ab
aliis examinatos audies: ita ut salva conscientia,
juratus de unoquoque pronunciare valeas, eum quo-
ad eruditionem, iudicio tuo, patem esse vel impa-
rem huic vel illi gradui quem ambit. Resp. Furo.*

*Item, tu jurabis, quod unumquamque examina-
bis in iis Artibus seu Scientiis, in quibus, & quate-
nus, seu quousque per Statuta Lecturas audivisse
teneatur. Quodque precipue explorabis, qua quisque
polleat Facultate, in rebus quotidiani usus animi
sui sensa lingua Latina explicandi. Resp. Furo.*

*Item, tu jurabis, quod nec prece, nec pretio, nec
odio, nec amicitia, nec timore, nec spe testimonium
indigno curvis perhibebis, dignove denegabis. Resp.
Furo.*

Examinatores ad diem à Procuratore præstitu-
tum, hora nona matutina, in Schola Naturalis
Philosophiæ omnes simul convenient: ubi Se-
nior ipsorum à Seniore inter Candidatos examen
auspicabitur; cuius examine finito, ab illo prox-
imus proximum itidem Candidatum examinabit;
& sic in orbem, quoad omnes examinati fuerint.
Ita tamen quod liceat singulis Examinatoribus
etiam extra ordinem, singulos Candidatos exa-
minare, si aliorum examen minus sibi satisfec-
rit; Hac tamen cautione; dum Examinatorum
unus quivis Candidatum examinat, ne reliqui
interloquantur, sed per silentium auscultent.
Examinatis demum omnibus, quemcunque gra-
du illo, quem ambit, dignum invenerint, ei te-
stimonium perhibebunt singuli sub hac forma.

Formula Testimonii Examinatis perhibendi.

*A. B. per vel coram me (die mensis) examina-
tum (prout Statuta requirunt) in singulis Arti-
bus*

bus seu Scientiis, quas & quatenus per Statuta audivisse tenetur, laudabiles progressus, & pares ei gradui, quem ambit, fecisse comperio: Ac speciatim in rebus quotidiani usus, animi sui sensa lingua Latina explicandi ea Facultate pollere, quam Statuta requirunt.

Ita testor C. D.

§. 3. De mulctanda Delinquentibus circa Examinations; & de Officio ac Cura Vice-Cancellarii & Procuratorum circa easdem.

STatutum est, quod, si quem peregre abesse contigerit, quando ipsi Examinandi vices obvenierint, nec (priusquam Urbē excesserit) ē Regentibus quempiam ad Seniores Procuratorem allegasse, qui ipsius absentis vices, juratus, obire in se recipiat; Procurator, quamprimum id resciverit ab Examinando quocunque (ad quod utique tenentur singuli) Juniores inter Regentes, cui nondum dies ad Examinandum assignatus fuerit, vice alterius substituet: Absenti vero poenam 40^s ad usum Universitatis irrogabit; simulque, quamprimum ad Universitatem redierit, ipsum in proximum Examinatorum Ternarium referet. Quod si intra spatium Anni, quo necessaria Regentia terminatur, non redierit; priusquam ad ulteriorem Gradum admittatur, Regentiæ actum resumere, & per integrum Annum continuare tenebitur.

Si quis vero Examinandi munus detrectet; aut Juramentum præstare recuset; Injuratusve quempiam examinaverit; aut ad diem constitutum in Schola Philosophiæ Naturalis præsens esse neglexerit; Præsensve non examinaverit, aut non secundum formam Statuto præ-

scriptam; aut demum cuius Testimonium perhibuerit, quem non aut ipse examinaverit, aut ab aliis examinatum audiverit, Procuratores à quocunque sic delinquente confestim multam 40^s in usum Universitatis exigent. Quod si in delicto contumaciter persistit; illico Gradu Magistrali privetur, & quacunque ulterioris Gradus capacitate sibi interdictum sciat.

Si vero (quod absit) pene Procuratorem steterit, quo minus Examinatorum quivis Juramentum præstet, puniatur pro arbitrio Vice-Cancellarii.

Quo autem Statuta hæc de Examinandis Candidatis in futurum sancte & inviolabiliter observentur, statutum est, quod unoquoque Terminò Vice-Cancellarius saltem bis, Procuratores vero, singuli quater ad minimum, Examinationibus istis intersint, exploraturi utrum omnia rite & secundum Statuta peragantur.

SECTIO III.

De Gratiis petendis.

§. I. *Conditiones præviæ ad petitionem Gratiæ ex parte Supplicis.*

Statutum est, primo ne cujusquam Gratia in Venerabili Domo Congregationis proponatur, nisi qui eo ipso tempore, in Matricula Universitatis nomen inscriptum habeat; &, à tempore Matriculationis suæ, Annos, ad primum quem ambit Gradum, requisitos compleverit; quique alicujus Collegii vel Aulæ Alumnus censeatur.

Deinde requiritur, ut quilibet Candidatus, sive pro Gradu aliquo supplicans, non solum sit pro-

probis moribus, & omnia ad Gradum requisita recte compleverit; verum etiam (si Gradum in Artibus capeſſat, vel in Juris-prudentia, ſecundum Statuta quorundam Collegiorum, antequam in Artibus Inceperit) ut ſecundum Statuta debitum Examen ſubierit, & ab Examinatoribus Teſtimonium reportaverit, à Magiſtro Gratiam ipſius proponente, ante Gratiæ petitionem; vel à Magiſtro Præſentante (ſi Candidatus pro Gratia non ſupplicet) ante Præſentationem, palam in Domo Congregationis recitandum.

Ac inſuper, ut in Scholæ Theologicæ Proſcholio, ſtatim à ceſſatione pulſationis Campanæ, ſingulis diebus quibus Gratia proponetur, Habitu Gradui competente, & nudato capite, durante toto tempore Congregationum ſe præſentem ſiſtat.

Quodque inter ſupplicandum, ſuis duntaxat viribus & meritis nitatur; nec prece, nec preſtatio, nec muneribus aut promiſſis, pacto aut conditione, gratiam aut favorem cujuſquam capiet; nec Magnatum literis, ut quicquam ſibi pro Forma requiſitum condonetur aut indulgeatur, ſatagat; cujuſmodi ambitus ſi convictus fuerit, eo ipſo inhabilis ad omnem ulteriorem Gradum Scholaſticum habeatur.

§. 2. *Conditiones proponendi Gratiæ.*

Statutum eſt, quod nemo Magiſtrorum Gratiam vel Diſpenſationem quamcunque cujuſquam pro Gradu ſupplicantis, proponat, niſi fuerit ejuſdem Collegii vel Aulæ, cujus iſt eſt qui ſupplicat; præterquam Procuratorum alter, vel alius, cui Vice-Cancellarius licentiam proponendi conceſſerit.

Quodque priusquam Gratiam cuiusquam Examinandi proponat, Testimonium Examinatorum de Candidato suo palam in Domo Congregationis recitabit; Quod si non Commorans fuerit, qui Gradum in aliqua è superioribus Facultatibus ambit; nemo Gratiam huiusmodi sub poena perjurii, proponere præsumat; nisi prius Literas Testimoniales ab Episcopo Dioceseos, ubi degit Candidatus, signatas, de conformitate ipsius tum quoad doctrinam, tum quoad disciplinam in Ecclesia Anglicana receptam, palam in Domo Congregationis recitaverit. Ac postmodo è Scheda quadam, formam sive tenorem Gratiæ continente, Supplicantis nomen, necnon Collegii sive Aulae, unde fuerit, exprimer. Et si non-graduatus fuerit, cuius Gratia proponitur, quod per integrum tempus ad talem Gradum per Statuta requisitum, in eo Coll. vel Aula (vel alio quopiam) non in domo privata cuiusquam victitaverit, & hospitatus fuerit.

Item quod plures Gratiæ simul seu confuse eodem tempore non proponantur: sed uniuscuiusque Personæ supplicantis Nomen & Prænomen distincte ac divisim recitentur.

Item quod eadem Gratia sæpius in eadem Congregatione non proponatur.

Item quod Gratia sit vera, hoc est, vera intentione, & non animo deludendi prolata vel petita. Et quod proximis quibusque & immediate sequentibus Congregationibus Supplicationem sub eadem forma continuat, donec Gratia concessa vel denegata penitus fuerit. Et postremo, quod in singulis Congregationibus quota vice, prima, secunda, tertia, quartave Supplicetur, publice recenseat.

§. 3. *Formula Generalis petendi Gratias.*

CONsuetudo etiam est, quod Magister pro aliqujus Gratia vel Dispensatione supplicans, in medium prodeat; & facta debita coram Cancellario & Procuratoribus Reverentia, petitionem suam è schedula recitet; inque eodem loco stans permaneat, quoad quid de petitione sua factum sit, intelligat: Recitata autem sive proposita supplicatione, Procuratores, à sellis exurgentes, primo Cancellarii votum conjunctim perscrutantur, quo secreto in eorum aures, vel per aliquod signum externum deposito, mox à se invicem divisi, ad alios Doctores (si qui adfuerint) utrinque Cancellario assidentes, se conferant, eorum itidem suffragia excepturi. Et deinceps, aliorum Magistrorum, ad utramque domus partem confidentium, vota singulatim & accurate exquirent. Quibus peractis, Procuratores ad loca sua revertantur, ubi stantes de scrutinio hujusmodi inter se diligenter conferant; & pro numero sive ratione suffragiorum, in verbo *placet*, vel *non placet*, per eisdem exceptorum ex supplicantis schedula, eandem Gratiam sive Dispensationem, Procuratorum alter verbatim (si concessa fuerit) recitet, vel (non concessam) ante quartam vicem, silentio tantum indicet; Quarta autem vice, si non concessa fuerit, palam pronuncietur negata. Magister autem supplicans, ad locum suum unde prius prodierat, se recipiat.

§. 4. *Formulae speciales Gratiarum ad singulos Gradus pertinentium.*

Pro Baccalaureo in Artibus.

SUPplicat Ven. Congregationi Doctorum & Magistr. Regentium A. B. Scholaris Facultatis

tis Artium è Coll. C. in quo, non in Domo aliqua privata, per integrum tempus ad Gradum Baccalaurei in Artibus per Statuta requisitum, ipsum cubile & victum sumxisse scio (vel si tempus non in uno aliquo Collegio vel Aula compleverit, in quo partim, partim in Coll. vel Aula A.) quatenus 16 Terminos in studio Dialecticæ, & aliarum Artium juxta Statuta posuerit; publicos Artium Prælectores diligenter audiverit; Disputationes per Statuta requisitas frequentaverit: semel Generalis creatus fuerit; bis sub Baccalaureo in Quadragesima responderit, & reliqua compleverit omnia quæ per Statuta Universitatis requiruntur; ut hæc sibi sufficiant, quo admittatur ad Lectionem cujuslibet libri Logices Aristotelis, & insuper earum Artium, quas & quatenus, per Statuta, tenetur audivisse.

Si plures fuerint, tunc, Supplicanti sub eadem forma, primo vel secundo, &c. B. C. &c.

Si sit filius Baronis, in superiori Parlamenti Domo suffragii jus habentis; aut Baronetti, vel Equitis Aurati filius natu maximus &c. supplicat &c. A. B. filius &c. Scholaris Facultatis Artium &c. è Coll. C. &c. quatenus duodecim Terminos in studio, &c. ut supra.

Si quis super aliquo dispensabili per Domum Congregationis Dispensationem obtinuerit, supplicat &c. ut supra. Et reliqua compleverit omnia, quæ per Statuta Universitatis requiruntur, nisi quatenus cum eo dispensatum fuerit, &c.

Pro Gradu Inceptoris in Artibus.

Supplicat &c. A. B. Baccalaureus Facultatis Artium ex Aula A. quatenus 12 Terminos in studio Philosophiæ & aliarum Artium, juxta Statuta posuerit, publicos Lectores diligenter audiverit, Disputationes per Statuta requisitas frequentaverit.

quentaverit; in Quadragesima determinaverit; in Quodlibeticis responderit; in Augustinensibus (*Responderit* vel *Opposuerit*) sex solennes Lectiones, & binas Declamationes pro forma habuerit; reliquaue compleverit omnia, quæ per Statuta requiruntur; ut hæc sibi sufficiant, quo admittatur ad Incipiendum in eadem Facultate.

Pro Gradu Baccalaurei in Musica.

Supplicat, &c. A. B. Scholaris in Musica, è Coll. L. quatenus 7 annos in studio vel praxi Musices posuerit, & unum Canticum 5 partium in Schola Musices ediderit; & reliqua præstiterit, quæ per Statuta requiruntur, (nisi quatenus cum eo dispensatum fuerit) ut hæc sibi sufficiant, quo admittatur ad Lectionem cujusslibet libri Boethii.

Pro Gradu Inceptoris in Musica.

Supplicat, &c. A. B. Baccalaureus Musicæ, quatenus à tempore suscepti Gradus Baccalaureatus sui, 5 annos in studio vel praxi Musices posuerit; unum Canticum 6 vel 8 partium in Schola Musices ediderit; & cætera præstiterit omnia, quæ per Statuta requiruntur, (nisi quatenus cum eo dispensatum fuerit) ut hæc sibi sufficiant, quo admittatur ad Incipiendum in eadem Facultate.

Pro Gradu Baccalaurei in Medicina.

Supplicat, &c. A. B. Magister Facultatis Artium è Coll. M. &c. quatenus très annos à suscepto Magisterii Gradu in studio Medicinæ posuerit; publicum Prælectorem diligenter audiverit; in Schola Medicinæ pro forma Responderit, & Opposuerit; & reliqua omnia præstiterit, quæ per Statuta requiruntur, (nisi quatenus secum dispensatum fuerit) ut hæc sibi sufficiant, quo admittatur ad Lectionem cujusslibet Libri Aphorismorum Hippocratis.

Pro

Pro Gradu Inceptoris in Medicina.

Supplicat, &c. A. B. Medicinæ Baccalaureus è Coll. N. quatenus post susceptum Gradum Baccalaurei in Medicina, 4. annos in studio Medicinæ posuerit; publicum Prælectorem diligenter audiverit; Prælectiones in Schola Medicinæ pro Forma habuerit; & reliqua omnia præstiterit, quæ per Statuta requiruntur, (nisi quatenus &c.) sit hæc sibi sufficiant ad Incipiendum in eadem Facultate.

Pro Gradu Baccalaurei Juris Civilis.

Supplicat, &c. A. B. Magister Facultatis Artium, è Coll. O. quatenus tres annos à tempore Admissionis suæ ad Regendum, in studio Juris Civilis posuerit; publicum professorem diligenter audiverit; in Schola Juris-prudentiæ pro Forma semel Responderit; & bis Opposuerit; & reliqua præstiterit omnia, quæ per Statuta requiruntur; ut hæc sibi sufficiant, quo admitatur ad Lectionem cujuslibet Libri Institutionum Imperialium.

Si non Inceperit in Artibus, nec per Statuta Collegii sui Juris studio deputatus fuerit,

Supplicat, &c. A. B. Scholæ in Facultate Juris ex Aula A. in qua, non in domo aliqua privata per integrum tempus ad Gradum Baccalaurei in Jure Civili, per Statuta requisitum, ipsum cubile & victum continuo summisce scio; *vel si tempus non in uno aliquo Collegio vel Aula compleverit,* (in qua partim, partim in Collegio vel Aula A.) quatenus (post quadriennium positum in studio Dialecticæ, Moralis Philosophiæ, & Politicæ, aliarumque humaniorum Literarum, & in audiendis Lecturis sibi per Statuta Universitatis destinatis) quinque annos in studio Juris Civilis posuerit; &c. *ut supra.*

Si

Si non inceperit in Artibus, & per Statuta Coll. sui statim à primo ad Academiam adventu, Juris studio deputatus fuerit.

Supplicat, &c. A. B. Scholaris in Facultate Juris è Coll. M. quatenus Lecturas sibi per Statuta Universitatis destinatas diligenter audiverit; quinque annos in studio Juris Civilis posuerit; publicum Professore &c. *ut supra.*

Pro Gradu Inceptoris in Jure Civili.

Supplicat, &c. B. C. Bac. in Jure Civili è Coll. M. quatenus à suscepto Baccalaureatus Gradu; quatuor annos in studio Juris Civilis posuerit; publicum Prælectorem diligenter audiverit; Lectiones pro Forma in Schola Juris-prudentiæ habuerit; reliquaque præstiterit omnia, quæ per Statuta requiruntur; ut hæc sibi sufficiant, quo admittatur ad Incipiendum in eadem Facultate.

Si non inceperit in Artibus, priusquam Baccalaureus in Jure foret.

Supplicat, &c. B. C. Bac. in Jure Civili è Coll. N. quatenus &c. quinque annos in studio Juris Civilis &c.

Pro Gradu Baccalaurei in S. Theologia.

Supplicat, &c. A. B. Magister Facultatis Artium è Coll. T. quatenus septem annos à tempore admissionis suæ ad Regendum, in studio S. Theologiæ posuerit; publicum Professore diligenter audiverit; in Schola Theologica pro Forma semel Responderit & bis Opposuerit; Concionem Latinam pro Forma habuerit; & reliqua præstiterit omnia, quæ per Statuta requiruntur; ut hæc sibi sufficiant, quo admittatur ad Lectionem aliqujus Epistolarum Divi Pauli.

Pro Gradu Inceptoris in S. Theologia.

Supplicat, &c. A. B. Sacræ Theologiæ Baccalaureus è Coll. E. quatenus à suscepto Baccalaureatus

reatus Gradu in S. Theologia, quatuor annos integros in eadem Facultate posuerit; publicum Prælect. diligenter audiverit; in Schola Theologica pro Forma *sex solennes Lectiones* vel tres ad minimum *Cursorias* habuerit; & reliqua præstiterit omnia, quæ per Statuta requiruntur; ut hæc sibi sufficiant, quo admittatur ad Incipiendum in eadem Facultate.

Si in aliqua Facultate quis Gradum Baccalaurei, & Doctoris cumulare cupit.

Supplicat, &c. A. B. quatenus—annos in studio—posuerit; pro Gradibus cumulandis, secum per Venerabilem Domum Convocationis dispensatum fuerit; Gratiam ad Lectiones pro Forma habendas in hac Venerabili Domo adeptus sit; pro Forma in Schola—legerit; cæteraque omnia compleverit, quæ per Statuta requiruntur; ut hæc sibi sufficiant, quo—&c.

§ 5. *De Gratiis simpliciter concedendis vel negandis.*

Quoniam factiosi homines nonnunquam, spreta Jurisjurandi Religione, conjurant inter se adversus supplicantes, quos Vitæ, ac Eruditionis merita commendant; nec iis Gratias concedere volunt, nisi indignis etiam eadem Gratia fiat: statutum est, quod quilibet Regens, Gratiam concessurus vel negaturus, absque comparatione vel relatione Gratiæ ad Gratiam, & absque aliqua conditione interposita, simpliciter & absolute, eandem vel concedat, vel deneget: Quodque si quis secus fecerit, illius votum vel suffragium pro nullo habeatur.

Si quis autem pro Gratia concedenda munus aliquod exegisse, vel recepisse, (mediate vel im-

mediate)

mediate) convictus fuerit, à Domo Congregationis perpetuo sit exclusus: & duplum illius, quod sic receperit vel exegerit, ad usum Universitatis solvere teneatur.

§. 6. *De Suffragiis, in concedendis vel negandis Gratiis, non revelandis.*

STatutum est, quod Magister quilibet in Gratia concedenda vel deneganda, Suffragium suum Procuratoris auri insusurrabit, ita ut alius Nemo exaudiat; Quodque nec verbo, nutu, vel signo, quo illius propositum aliis innotescat, indicium faciat; nec cuiquam antea vel postea denunciet, sub poena, si secus fecerit, exclusionis perpetuæ à Domo Congregationis.

Quodque Procuratores, neminem qui Gratiā concesserit vel denegaverit, quoquo modo revelare, virtute Juramenti teneantur.

§. 7. *De causa Gratiae ter negata ostendenda, statim post tertiam Congregationem finitam.*

CUM vetera Statuta singulis Magistris Regentibus eam concedant libertatem, ut quivis, si modo velit, pro arbitrio suo, ter cujusquam Gratiā, suspendendo, denegare possit; Ordinatum est, quod, quotiescunque Gratia aliqua tertio petita, vel ab uno vel à pluribus denegabitur, denegationis causa Vice-Cancellario & Procuratoribus eodem die ostendetur; & probationes coram eisdem summarie proferentur; Quæ causa, & probatio ejusdem, celato nomine objicientis, in proxima Congregatione publicabitur; &, si Vice-Cancellario, Procuratoribus, & majori parti Regentium justa videbitur, tum

Gratia denegata censebitur; & qui supplicavit, per Annum integrum ad denuo supplicandum inhabilis reddetur.

Quod si causa allegata, minus justa aut probabilis videatur, Gratia quarto proposita pro concessa habeatur, nisi Vice-Cancellario, aut Procuratoribus, aut majori parti Regentium videbitur, aliam ob causam, deneganda.

§. 8. *Formula pronunciandi Gratias concessas.*

STatutum est, quod, prout antiquitus fieri consuevit, cum alicujus Gratia concessa fuerit, *Schedula*, ex qua petebatur, in manus alterius Procuratoris (cui Gratiam concessam pronunciare incumbit) ab eo qui petiit tradita, Procurator loco suo stans, juxta *Schedulae* tenorem, de verbo ad verbum, & juxta uniuscujusque Personae (si plures fuerint) supplicationem, Gratiam recitet, in hanc formam, *Gratia petita est ista, supplicat, &c.* deinde Gratiam concessam sub hac forma pronunciet; *Hæc Gratia concessa est simpliciter, & sic pronunciamus concessam.*

Quod si sit pro Baccalaureo in Artibus, *Pronunciamus concessam, modo Determinaverit proxima Quadragesima*: Nisi ex speciali aliqua ratione, Gratiam concessam simpliciter, Procuratori pronunciare videbitur.

Si sit Gratia Inceptoris in qualibet Facultate, *Pronunciamus concessam, modo steterit in proximis Comitibus.*

Si fuerit Gratia Inceptoris in Musica, *Pronunciamus concessam, modo steterit in proximis Comitibus, & unum Canticum 6 vel 8 partium, in iisdem Comitibus exhibuerit.*

SECTIO IV.

De Dispensationibus.

§. I. De Dispensationibus in Venerabili Domo
Congregationis proponendis. Formula
supplicandi.

CUM iusta quandoque impedimenta interve-
niant, quo minus ea omnia, quæ ad Gradus
& alia Exercitia Universitatis requiruntur, modo
& forma per Statuta requisitis, rite peragantur;
consuevit Congregatio Regentibus in hujusmodi
causis cum personis aliquibus in materia dispen-
sabili aliquoties gratiose dispensare.

Formula supplicandi hæc est; Magister, qui &
Schedula Dispensationem petit, (impetrata prius
à Vice-Cancellario & Procuratoribus licentia)
nomen Supplicantis, ejusque conditionem, &
Coll. vel Aulam ubi commoratur, & id, in quo
secum dispensari cupit, una cum speciali causa,
exprimit sub hac vel simili forma. *supplicat,*
&c. Scholaris Facultatis Artium, è Coll. N. ut
gratiose secum dispensetur, &c. causa est, quod, &c.
cui Petitioni si Dominus Vice-Cancellarius, am-
bo Procuratores, & major pars Regentium tunc
præsentium, consensum suum adhibuerint, pro
concessa habeatur. Et tum eodem modo quo
gratias concessas pronuntiare solet, Dispensatio-
nem concessam pronuntiabit Procurator.

§. 2. De Materia Dispensabili, in qua Congregationi Dispensare permissum est.

Materia in qua Venerabilis Domus Congregationis dispensare potest, & solet, hujusmodi est.

1. **P**RO absentia Terminorum duorum, si Gradum Baccalaurei in Artibus ambiat quis; trium, si Gradum Magistralem.
2. Pro ingressu in Bibliothecam publicam.
3. Ut Termini in alia Academia in studio positi, pro positis in hac Academia habeantur.
4. Pro minus diligenti publicorum Lectorum auditione.
5. Pro omissione Circuitus & Visitationis. Hac tamen cautione servata quoad presentandos ad incipiendum in Artibus, quod Dispensationi inserenda sit clausula hujusmodi: *Quatenus Cautionem tempore Circuitus penes Vice-Cancellarium deponendum jamdudum penes ipsum deposuerint.*
6. Quod Circuitus, pridie ante Terminum inchoatum peractus, sufficiat.
7. Pro Gratia per Magistrum alterius Domus proponenda, si nullus sit Magister in ipsa Domino unde Supplicans est.
8. Ut Gratia rata sit, licet intra tres Congregationes Registrata non fuerit.
9. Ut Gratia, superiori Anno concessa, rata habeatur.
10. Quod liceat secundam vicem sub Baccalaureo in Quadragesima Respondendi, in alteram vicem Respondendi in Parvitiis commutare.

II. Ut

11. Ut Gratia concessa Baccalaureo, Modo Determinaverit in proxima Quadragesima, rata sit, & pro simpliciter pronunciata habeatur.

12. Ut, elapso Festo Ovorum, Baccalaureus secundo præsentetur ad Determinandum eadem Quadragesima, in causa ægritudinis, vel extremæ alicujus necessitatis

13. Ut Baccalaureus, qui præterita Quadragesima Determinare debuerit, ægritudinis, vel extremæ alicujus necessitatis interventu impeditus, Determinet proxime sequenti Quadragesima.

14. Ut Disputationes Antemeridianæ Baccalaureorum in Quadragesima, ad horam Duodecimam continuandæ, hora Undecima terminentur.

15. Quatenus sub Chirographis Magistrorum, qui intra duas Hebdomadas sequentes in Quodlibeticis pro Termino Disputaturi sunt, iis omnibus de Baccalaureis pro Forma Responsuris prospectum esse constat, ut liceat sibi quovis die disputabili instantis vel sequentis Hebdomadis, sub quolibet Magistro hora & loco consuetis in Quodlibeticis Respondere.

16. Quatenus sub Chirographo Magistri Scholarum singulos dies hiæ Disputationibus assignatos ad finem usque Terminum, ab aliis pro Forma Responsuris jamdudum præoccupatos esse constat, ut liceat sibi alio quovis die (post interpositos 7. Dies à tempore petiti Dispensationis) hora & loco consuetis sub præsidio Magistri Scholarum (non aliter) in Augustinensibus Respondere vel Opponere; publicatis

catis ante triduum Quæstionibus, & præeunte parvæ Campanæ pulsatione.

17. Ut præsentandus ad Doctoratum in Jure Civili vel Medicina (in defectu Doctorum) Seniorum Baccalaureorum, vel Inceptorum depositionibus utatur.

18. Ut Magister Cumulatus pro Habitu Cocineo, nigro & solito, post peracta præsentationis solennia, uti possit.

19. Ut Doctores Ocreas, & Magistri Crepidas & Socculos, quibus ex antiquo ritu uti tenentur, exuant.

20. Ut Cantabrigienses, vel alterius Academiae Studiosi eodem sint gradu & statu apud nos, quo apud suos sunt.

21. Ut Terminus prorogetur.

22. Pro necessaria Regentia.

Denique si quæ alia causa sit his consimilis; vel, in quâ, speciali aliquo Statuto, Venerabili Domui Congregationis Dispensandi potestas indulgeatur.

SECTIO V.

De Præsentationibus Graduandorum.

§. 1. De Circuitione & Visitatione, à Præsentandis obeunda.

Statutum est, quod, pro more antiquo, postquam Gratia concessa fuerit, quilibet Præsentandus, (impetrata prius per eundem venia, à Domino Vice-Cancellario, ut habeatur Congregatio) Præsentatorem suum Habitu Gradui competente indutum sequens; ipse etiam Habitu congruo, & nudato capite incedens, præeuntibus Bedellis vel eorum aliquo, primo Vice-Cancellarium, deinde Procuratorem Seniores, postea Procuratorem Juniores, ante Occasum Solis, in Hospitiis suis adeat. Quem, si inveniri possit, Præsentator sic alloquatur:

Supplicamus Dominationi vestræ, quatenus præesse dignetur crastinæ Congregationi, ut Scholaris vel Baccalaureus meus ad Gradum suum præsentetur.

Deinde si quis ipsorum ad Incipiendum in Artibus præsentandus fuerit, deponet penes Vice-Cancellarium pecuniariam cautionem 40^s, vel (si tenuioris conditionis fuerit) fidejussoriam, (duobus interpositis Sponsoribus, qui alicujus Collegii Socii sint,) quod proximis Comitibus incipiet; & statim post Comitibus ad Regentiam admittendum se curabit: In quorum alterutro si defecerit, Cautio protinus cedat Fisco Universitatis; Sin vero Inceperit, & ad Regendum admissus fuerit; Cautionem usque penes

se retineat Vice-Cancellarius, quoad Annus necessariae Regentiae completus fuerit; si quam ratione Inceptionis aut Regentiae multam incurrerit, inde subtrahere ut liceat; deinde in fine Anni residuum restituatur.

Procuratores vero, sic: *Supplicamus Reverentis vestris, ut crastinae Congregationi interesse dignemini, &c.* Quibus annuentibus, recedet.

Si vero Praesentandus cumlatus fuerit, praesentibus Stationario, i. e. Virgifero Universitatis, Bedellis omnibus, & Proto-Bibliothecario (vice Capellani Universitatis) adibit primo Procuratorem Juniorem; deinde cum illo, Procuratorem Seniores; & post, cum utroque Procuratore, Vice-Cancellarium; singulisque ut Congregationi intersint, rogatis, a Vice-Cancellario & Procuratoribus Domum deducetur.

Insuper in Artibus Baccal. qui Gradum Magistralem ambit, antequam praesentetur, habitu Gradui competente indutus, nudato capite per singula Colleg. & Aul. circumeundo, Magistros (non infra triennes, nec supra septennes) inquirere teneatur; illque quos invenerit, sub hac forma supplicare, *Magister, submitto me tuis oppositionibus, quatenus digneris interesse meis depositionibus.*

Quod si Magistrorum quivis (habito examine) praesentandum quemvis, quoad Eruditionem, Gradui suo imparem deprehenderit, eoque nomine eum ad Vice-Cancellarium vel Procuratores detulerit, oportebit Vice-Cancellarium vel Procuratores Praesentationem ipsius tantisper morari, donec (habito publico examine in Domino Congregationis) ulterius dispiciatur, utrum dignus

dignus sit Gradu quem ambit, necne. Alioqui non licebit Vice-Cancellario aut Procuratoribus, ex privata cujusvis suggestione aut interpellatione, cujusquam Præsentationem aut Admissionem impedire; nisi quid de novo admiserit post Gratiā impetratā; aliquidve fecisse manifesto probetur, quod repulsam mereatur, quodque prius latebat.

*§. 2. De solenni Processu Præsentandarum ad
Domum Congregationis.*

IN die Præsentationis, statim à pulsatione magnæ Campanæ, Præsentandus vel Præsentandi, si plures Candidati fuerint, nudis capitibus, juniore reliquis præcedente, omnes præeunte viatore sive Bedello, sequente Præsentatore & Collegii sive Aulæ Præfecto una cum Sociis vel Commensalibus universis, Habitibus Gradibus suis competentibus indutis, à Domo sua ad Apodyterium Domui Congregationis vicinum solenniter deducuntur.

Et si Cumulator fuerit, Vice-Cancellarius & Procuratores cum Protobibliothecario, omnibusque Bedellis & Stationario Universitatis comitabuntur.

Consuetudo autem est, quod Doctorem vel Baccalaur. in Medicina Præsentandum, omnes Medicinæ Doctores, Baccalaurei & quotquot huic Professioni nomina dederunt, in Universitate præsentés à domo sua ubicunque infra Universitatis Præinctum fuerit, una cum Bedello Facultatis suæ, ad Apodyterium Domui Congregationis vicinum solenniter deducant, & eo nomine Chirothecas singuli à Præsentando recipiant.

§. 3. *De subscriptione ante Præsentationem exigenda.*

CUM Præsentandus vel Præsentandi, ad Apodyterium Domui Congregationis vicinum devenerint, eorum quilibet Articulis Fidei & Religionis in Synodo Londini Anno Dom. 1564. editis & confirmatis (lectis prius, vel alio recitante, auditis in præsentia Præsentatoris sui) necnon tribus Articulis in 36. Canone comprehensis (lectis prius ibidem, & publice, coram Præsentatore, in præsentia Procuratorum) subscribet; Qui quidem tres Articuli descripti sunt Canone 36^o. Libri Constitutionum & Canonum Ecclesiasticorum, in Synodo Londini cœpta Anno Dom. 1603.

§. 4. *De Consuetudine quæ vocatur, nemo scit, ante Præsentationem Inceptoris in Jure Civili.*

Consuetudo est, quod Præsentandi ad Incipiendum in Jure Civili, statim à subscriptione, ab Apodyterio ad Scholam Juri Civili destinatam, cum Præsentatore & Deponentibus, præeunte Bedello, transeant; ibique seorsim singuli crumenam nummis refertam deponant.

Deinde Professore exigente, juramentum præstent, Unusquisque, crumenam suam, ultra summam sex librarum & tredecim solidorum & quatuor denariorum (partim ex auro partim ex argento) continere, seque justam totius summæ quantitatem ignorare; quodque si quid de cumulo deruatur, nec querentur, nec de eo verba facient.

Deinde

Deinde effusa pecunia, Professor ac Depo-
nentes (libata pro arbitrio summa) quod reli-
quum est, in crumenam repositum, cuique Præ-
sentando in manus tradunt; mox ad Domum
Congregationis procedunt.

§. 5. *Ceremoniæ, sive Ritus Præsentandorum.*

PERacta subscriptione, & Vice-Cancellario,
procuratoribus, & Magistris Regentibus in
Domo Congregationis confidentibus; Præsentato-
res cuiusque Facultatis (*secundum Dignitatem
Facultatis*, ubi fit Præsentatio ad eundem Gra-
dum in diversis Facultatibus; si unus è Præsen-
tandis fuerit Theologus: alioqui secundum Se-
nioritatem Præsentatoris; ubi vero Præsentatio
fit ad diversos Gradus; *secundum Dignitatem
Gradus*: & in eadem Facultate & Gradu, *se-
cundum Senioritatem Præsentatorum*) ad præ-
sentandum procedant. Et quisque (Bedello præ-
eunte, & Candidatis sive Præsentandis, prout
seniores fuerint, proxime sequentibus) Domum
Congregationis conscendet; & cum debita re-
verentia ad superiorem partem Domus proce-
dens, Præsentandos à dextro latere sistet; de-
inde Præsentandi cuiusque prout ordine sisti-
tur, manum dextram prehensens, coram Vice-
Cancellario producet; & ea qua par est, re-
verentia, sub peculiari formula, Vice-Cancellario
& procuratoribus præsentabit.

§. 6. *Pe-*

§. 6. Peculiares Formulæ præsentandi
ad singulos Gradus.

Ad Baccalaureatum in Artibus.

Insignissime Vice-Cancellarie, vosque Egregii Procuratores, præsentō vobis hunc meum Scholarem in Facultate Artium, ut admittatur ad Lectionem cujuslibet libri Logices Aristotelis, & earum insuper Artium, quas & quatenus per Statuta tenetur audivisse: Ad quam Admissionem, scio eum aptum, habilem, & idoneum, moribus & scientia; nec non in præsentia mea legisse (vel lectos audivisse) Articulos Fidei & Religionis, quibus modo subscripsit coram Procuratoribus; ac speciatim tres Articulos in Canone 36 comprehensos; fide mea data huic Universitati.

Ad Determinandum.

Insignissime &c. præsentō vobis hunc meum Baccalaureum Facultatis Artium, ut admittatur ad determinandum hac proxima Quadragesima; ad quam quidem Determinationem, scio eum habilem, aptum, & idoneum, moribus & scientia, fide mea data huic Universitati.

Ad Incipiendum in Artibus.

Insignissime &c. præsentō vobis hunc Baccalaureum in Facultate Artium, ut admittatur ad Incipiendum in eadem Facultate: ad quam Admissionem, &c.

Ad Baccalaureatum in Musica.

Insignissime &c. præsentō vobis hunc Scholarem in Facultate Musicæ, ut admittatur ad Lectionem cujuslibet libri Boethii; ad quam Admissionem

missionem eum aptum, habilem & idoneum esse, sub Chiographis hominum in Arte Musica peritissimorum abunde testatum accepistis.

Ad Incipiendum in Musica.

Insignissime &c. præsento vobis hunc Baccalaureum in Facultate Musicæ, ut admittatur ad Incipiendum in eadem Facultate : ad quam Admissionem, &c.

Ad Baccalaureatum in Medicina.

Insignissime &c. præsento vobis hunc Studium in Medicina, ut admittatur ad Lectionem cujuscunque libri Aphorismorum Hippocratis : ad quam &c.

Ad Incipiendum in Medicina.

Insignissime &c. præsento vobis hunc Baccalaureum in Medicina, ut admittatur ad Incipiendum in eadem Facultate, &c.

Ad Baccalaureatum Juris Civilis.

Insignissime &c. præsento vobis hunc Studium in Jure Civili, ut admittatur ad Lectionem cujuscunque libri Institutionum Imperialium, &c.

Ad Incipiendum in Jure Civili.

Insignissime &c. præsento vobis hunc Baccalaureum in Jure Civili, ut admittatur ad incipiendum in eadem Facultate, &c.

Ad Baccalaureatum in S. Theologia.

Insignissime &c. præsento vobis hunc Studium in S. Theologia, ut admittatur ad Lectionem cujuscunque Epistolarum B. Pauli, &c.

Ad Incipiendum in S. Theologia.

Insignissime &c. præsento vobis hunc Baccalaureum

laureum in S. Theologia, ut admittatur ad Incipiendum in eadem Facultate, &c.

Deinde peracta hujusmodi Præsentationis Formula, quilibet Præsentatus, prout præsentatur, ad alteram partem Domus Congregationis transibit: singulisque sic præsentatis, Procurator Senior eorum subscriptionem Articulis Fidei & Religionis sic testabitur; Nos Procuratores testamur A. B. C. D. T. omnibus Articulis Fidei & Religionis in hoc libro contentis (necnon tribus Articulis in 36. Canone comprehensis, prius in præsentia nostra lectis) subscripsisse.

§. 7. De Depositionibus pro Præsentandis.

PRæter Testimonium, quod à Præsentatore perhibetur Præsentandis in qualibet Facultate, requiruntur Depositiones aliorum de eadem Facultate, qui in eodem sunt Gradu, ad quem præsentati promovendi sunt.

Nimirum pro præsentando ad Gradum Baccalaurei in Artibus, Depositiones novem Baccalaureorum in Artibus, qui Determinationem Quadragesimalem compleverunt; qui in Apodyterio Domui Congregationis vicino, ipso die Præsentationis (antequam Vice-Cancellarius & Procuratores Domum Congregationis ingrediantur) coram Procuratoribus in genua procidentes, idem Juramentum præstabunt, quod ab aliis Deponentibus exigitur. Quod si novem Baccalaurei de certa scientia deposuerint, Præsentandum aptum esse & idoneum moribus & scientia, procedatur ad ipsius admissionem: sin minus; differatur in Annum.

Pro

Pro Præsentato ad Incipiendum in Artibus ; Depositiones novem Magistrorum in Artibus ; quorum oppositionibus Præsentatus se submisit.

Pro Præsentato ad Baccalaureatum in Jure Civili ; trium Baccalaureorum in eadem Facultate : qui, si in Artibus haud Inceperint, in Apodyterio Domui Congregationis vicino (antequam Vice-Cancellarius & Procuratores in Domum Congregationis ascendant) deponent, ad instar Deponentium in aliis Facultatibus in Domo Congregationis. Quia Baccalaureis in Jure Civili (nisi rexerint in Artibus) Domum Congregationis intrare non licet ad deponendum pro aliquo ; multo minus ad præsentandum quempiam.

Pro Præsentato ad Baccalaureatum in Medicina, trium Baccalaureorum in eadem Facultate : vel in defectu ipsorum, trium Magistrorum qui Medicinæ studiosi sunt.

Pro Præsentato ad Baccalaureatum in Sacra Theologia ; trium Baccalaureorum in Sacra Theologia.

Pro Præsentato ad Incipiendum in Musica, Medicina, Juris-prudentia, & S. Theologia ; trium Doctorum in qualibet istarum Facultatum : &, si desint Doctores in Musica, Medicina, Juris-prudentia, vel S. Theologia, tunc (ex permissu Congregationis) pro Inceptore in Musica trium Magistrorum in Artibus ; pro Inceptore in Juris-prudentia, Medicina, vel S. Theologia, trium Baccalaureorum in iisdem Facultatibus : qui in Juris-prudentia, etiam in Artibus Magistri sint, si tales obtineri possint, in Medicina vero (si desint Baccalaurei) eorum vice totidem Magistri in Artibus Medicinæ Studiosi.

Hi Deponentes, à Bedello Facultatis admoniti, & si opus fuerit, nominatim vocati, figillatim coram Vice-Cancellario inter Procuratores, in genua decumbentes, submissa voce, ne quis præterea exaudiat, hac juramenti formula onerabuntur.

“ (Do. Doctor, Magister, vel Domine) tu
“ dices fide tua data huic Universitati utrum
“ scias, credas, vel nescias, hunc, vel hos Præ-
“ sentatos, aptum vel aptos & idoneos esse Mo-
“ ribus & scientia, ad eum Gradum ad quem
“ præsentatur, sub Forma qua præsentantur.
Cui quilibet secreto respondebit per verbum,
“ *Scio, Nescio, vel Credo.*” Et quid quisque de
unoquoque respondeat, Procuratores in Schedulis adnotabunt, donec pro singulis Præsentatis justus numerus supradictus, eorum qui de scientia deposuerint, adimpleatur.

Peractis Depositionibus, Procuratores (sellas suas aliis Magistris relinquentes) seorsim coram Vice-Cancellario itidem in genua decumbentes, hujusmodi Sacramento obstringentur; *Magister, tu jurabis te fideliter in hoc scrutinio egisse.*

Et si ex relatione Procuratorum, per justum numerum de scientia Deponentium, idonei reperti fuerint, ad eorundem Admissionem procedetur: sin minus, in alterum Annum differrentur.

Tenentur etiam, cum Vice-Cancellarius & Procuratores, tum ipsi Deponentes nec iis, pro quibus deponitur, nec aliis quoquo modo quid quispiam deposuerit revelare; sub pœna 10^s toties quoties.

SECTIO VI.

De Juramentis Præsentandorum.

§. I. *Statuta, in quæ singulos Præsentatos Jurejurando adiget Junior Procurator. Et admonitio de Habitu Gradui competente.*

POst Depositiones finitas vel (ubi Depositiones fiunt extra Domum Congregationis) post absolutam Præsentationem, Procurator Junior à Seniore inter Præsentatos ad genua sua accedente, reliquis circumstantibus audientibusque, Juramentum exigit in hæc verba:

“(Dom. Doctor, Magister vel Domine) *tu dabis fidem* ad observandum Statuta, Privilegia, Consuetudines, & Libertates istius Universitatis. *Respond. Do.*

“*Furabis* etiam, quod pacem istius Universitatis per te non perturbabis, nec per alium vel alios qualitercunque perturbari procurabis; nec perturbatorem vel perturbatores aliquem vel aliquos, in perturbatione Pacis opere vel consilio juvabis; nec impedies per te, vel per alium, vel alios, quo minus de Pacis perturbatore vel perturbatoribus fiat Justitia; Et, si aliquem vel aliquos noveris de perturbatione Pacis probabiliter suspectum vel suspectos, ipsum vel ipsos Cancellario denunciabis. *Respond. Juro.*

Item specialiter tu *Furabis*, quod inter nulas Communitates, vel Personas istius Universitatis, impedies Pacem, concordiam & amorem. Et si aliqua dissensio inter aliquas Communitates vel Personas exorta fuerit, illam nullo modo

modo fovebis, vel accendes; nec Conventiculis interesse debes, nec eis tacite vel expresse consentire, sed ea potius, modis quibus poteris, impedire.

Jurabis etiam, quod in ista Facultate, alibi in Anglia quam hic & Cantabrigiæ, Lektionen tuas solenniter, Tanquam in Universitate, non resumes: Nec in aliqua Facultate, sicut in Universitate, solenniter Incipies, nec consenties, ut aliquis alibi in Anglia Incipiens, hic pro Magistro in illa Facultate habeatur.

Item tu *Jurabis*, quod non leges nec audies *Stanfordiæ*, tanquam in Universitate, studio, vel Collegio Generali.

Forma Juramenti admittendorum ad Publicam Bibliothecam.

TU etiam *promittes*, sancteque coram Deo Optimo Maximo recipies, quod quoties in publicam Academiae Bibliothecam venire te contigerit, animum ad studia per modestiam & silentium accommodabis; Libros, cæterumque cultum sic tractabis, ut supereffe quam diutissime possint. Item quod neque tu in persona tua, aliquem vel aliquos Libros surripies, permutabis, rades, deformabis, lacerabis, scindes, annotabis, interscribes, sponte corrumpes, obliterabis, contaminabis, aut alio quocunque modo detruncabis, abuteris, deteres, aut imminues; nec alii cuiquam author eris horum quidvis perpetrandi; sed quantum in te est, delinquentem, vel delinquentes impedies, ipsorumque maleficia Vice-Cancellario, ejusve Deputato, intra triduum postquam tibi innotuerint, denunciabis:

Tit. IX. *Magistrorum Regentium.* 117
nunciabis: *Ita te Deus adjuvet tactis sacrosanctis
Christi Evangeliiis.*

Lectis singulis Juris-jurandi Articulis, Procu-
rator Seniore inter Præsentatos Juramento hoc
modo onerabit :

“Hæc omnia prædicta te fideliter observa-
“turum *Promittes*, sicut Deus te adjuvet, per
“Jesum Christum hoc sacrosancto Evangelio an-
“nunciatum.

Deinde Librum deosculandum exhibebit ;
quæsitoque senioris nomine, si plures præsen-
tentur, quinque vel sex eorum manus simul Li-
bro imponentibus iisdem dicet :

“*Idem Furamentum*, quod præstitit A. B. in
“persona sua, vos præstabitis in personis ve-
“stris, & quilibet vestrum in persona sua, sicut
“Deus vos adjuvet, &c.

Admonitio pro habitu Gradui competente.

PRæstito demum à singulis Juramento, Procu-
rator singulis etiam sic denunciabit : *Item (tu
teneris) vel (vos tenemini) quod sis habiturus vel
“habituri*, intra quindenam, Habitum de pro-
“prio, Gradui competentem ; & ipsum vel si-
“milem servabis, quamdiu in Universitate con-
“tigerit te morari ; ad effectum, ut non so-
“lum in eo Actus Scholasticos possis exercere ;
“verum etiam Universitatem Matrem nostram,
“in Processionibus, & aliis Universitatis nego-
“tiis (cum vocatus & præmonitus fueris) cum
“eodem valeas honorare ; idque sub poenis in
“Statutis Universitatis limitatis.

§. 2. *Statuta, in quæ singulos Præsentatos Jurejurando adiget Senior Procurator.*

EXactis præstitisque coram Juniore Procure-tore Juramentis, Præsentati ad Seniore Procureto-rem se conferent; & Seniore inter Præsentatos eidem appropinquante, reliquis adstantibus, & attente auscultantibus, idem Procurator Senior Statuta, ad Gradus illos, ad quos præsentantur, pertinentia distincte recitabit.

Pro Baccalaureo in Artibus.

Quia casum appetere videtur, qui ad summi loci fastigia, postpositis Gradibus per abrupta quærit ascensum; Ordinatum est, quod Scholares in Facultate Artium liberalium, antequam ad Gradum Baccalaureatus in iisdem aspiraverint, quatuor Annos integros in studio earundem Artium in Universitate posuisse, (non in domo privata cujusquam, sed in Collegio vel Aula, absque dolo malo, hospitantes seu victitantes) publicosque Lectores, prout Statuta requirunt, diligenter audivisse teneantur: scilicet per primum annum Lectores Grammaticæ, & Rhetoricæ; per secundum Dialecticæ, & Moralis Philosophiæ; per tertium & quartum Dialecticæ, Moralis Philosophiæ, Geometriæ, & Linguae Græcæ; exceptis Filiis Baronum in superiori Parlamenti Domo jus suffragii habentium, & Baronetorum ac Equitum Auratorum Filiis natu maximis, quibus indulget Academia, ut integro triennio in Studiis Academicis

micis completo, præstitis exercitiis requisitis, ad Gradum promoveantur.

Sanxit etiam Universitas, quod omnes Scholares à primo anno completo ab adventu ad Academiam, donec tempus, quo ad Gradum Baccalaureatus in Artibus promoveri possint, compleverint, Disputationes in Parvifiis frequentare teneantur.

Statutum est etiam, quod Scholares in Facultate Artium, post duos demum Annos in Universitate completos, & non antea, ad Opponendum & Respondendum pro Forma in Parvifiis, admittantur. Quodque singuli, per tres ad minus Terminos, priusquam pro Gradu Baccalaureatus in Artibus supplicent, prioris Opponentis & Respondentis vices in iisdem Disputationibus subeant, & Generales creentur; & quod singulis postea Terminis donec ad Gradum Baccalaureatus promoti fuerint, semel ad minus in Parvifiis disputent.

Denique, præter illas Disputationes quæ in Parvifiis habendæ sunt, statutum est etiam, quod quilibet Scholaris, postquam quatuor Terminos in Dialecticæ studio posuerit, (& ante suam pro Gradu Baccalaureatus in Artibus supplicationem) sub Baccalaureo aliquo in Quadragesima Determinante, bis pro Forma de iisdem Quæstionibus, quas Baccalaureus ipse defendendas suscepit (singulis vicibus, per unam horam & alterius horæ dimidiam partem) respondeat.

Pro Inceptore in Facultate Artium.

CUM in nulla Facultate seu Scientia quisquam Magistrali censeatur honore digne potiri,

tiri, nisi (per tempus competens) aliquamdiu studiosus & diligens Discipulus præexstiterit in eadem; operæ pretium est, ut quisquam (apicem in eisdem solenniter scansurus) apta suam ad hoc Licentiationem sub apta temporis mora cunctas septem Artes liberales, tresque Philosophias efficaciter addiscendo, publica & doctrinalia sigillatim Gymnasia pertranseat Philosophorum. Itaque statutum est, ut à tempore Admissionis ad Gradum Baccalaurei, singuli in audiendis publicis Lecturis tres Annos integros (priusquam ad Incipiendum in Artibus admittantur) insumpisse teneantur: Viz. Annum primum in audiendo Geometriam, Metaphysicam, Historiam, Linguas, Græcam & Hebraicam: secundum item & tertium in audiendo Astronomiam, Naturalem Philosophiam, item Metaphysicam, Historiam, Linguas Græcam & Hebraicam.

Item statutum est, quod Baccalaureus Artium, post Gradum susceptum, (antequam pro Magistro, sive sua in Artibus Licentiatione supplicet) in Quadragesima solenniter Determinet, in Quodlibeticis Respondeat, in Augustinensibus Opponat vel Respondeat, quoties ad id legitime fuerit requisitus.

Item quilibet Baccalaureus, priusquam in Artibus Licentietur, binas Declamationes habuisse, sex solennes Lectiones (tres in Naturali Philosophia, tres in Philosophia Morali) in Scholis publicis legisse tenetur.

Pro Baccalaureo in Musica.

Statutum est, quod, qui Musicæ dat operam, antequam Gradum Baccalaurei in illa Facultate

cultate consequatur, septem Annos in studio vel praxi Musices ponat, & id ipsum sub Chirographis hominum fide dignorum testatum afferat.

Item statutum est, quod, qui ad Baccalaureatum in Musica promoveri cupit, priusquam pro Gratia sua supplicet, unum Canticum 5 partium componat, quod in Schola Musicæ alio quovis die, quam illo qui jam ad praxin Musicam designatus est, publice tam vocibus quam Instrumentis Musicis exhibeat; sed prius (valvis utriusque magnæ Portæ Scholarum ante tres dies affixo Programme) diem ac horam futuri speciminis significet.

Pro Inceptore in Musica.

Ordinatum etiam est, quod Baccalaureus Musicæ, priusquam ad Doctoratum promoveatur, quinque Annos post susceptum Gradum in studio Musices ponat, & id ipsum sub Chirographis hominum fide dignorum testatum afferat.

Ordinatum est etiam, quod Baccalaureus Musicæ, priusquam ad Incipiendum in eadem Facultate admittatur, unum Canticum 6 vel 8. partium componat; quod in Schola Musicæ tam Vocibus quam Instrumentis etiam Musicis (alio quovis die quam ad praxin Musicam designatus est) publice exhibeat; sed prius (valvis utriusque magnæ Portæ Scholarum, ante tres dies affixo Programme) diem ac horam futuri speciminis significet.

Ordinatum est etiam, quod Baccalaureus Musicæ, postquam ad Incipiendum in eadem Facultate admissus fuerit, unam vel alteram Cantilenam, 6 vel 8 partium, in ipsis Comitiiis, una
Q cum

cum vocum & instrumentorum Musicorum harmonia exhibeat.

Pro Baccalaureo in Jure Civili.

STatutum est, quod, qui Juri Civili studet, antequam Baccalaureatum in illa Facultate consequatur (si sit Magister Artium) per tres annos integros (si non sit Magister Artium) per quinquennium completum publicum Juris Civilis Prælectorem diligenter & attente audiat. Quodque per Biennium in Academia, Dialecticæ, Morali Philosophiæ, & Politicæ, aliisque Humanioribus Literis incubuerit, priusquam Quinquennium in studio Juris ponere inchoaverit; nisi per Statuta Collegii, in quo commoratur, citius ad Juris studium se convertere teneatur.

Ordinatum etiam est, quod is, qui ad Baccalaureatum in Jure Civili promoveri cupit, priusquam pro Gratia supplicet, bis in Disputationibus Juridicis pro Forma Opponentis Principalis (id est primo vel secundo loco Disputantis) munere fungatur; & semel per duas horas, à prima pomeridiana ad tertiam, in Schola Jurisprudentiæ pro Forma Respondeat; affixo ante septem dies, valvis utriusque magnæ Scholarum Portæ, ac insuper muris Collegii Omnium Animarum, necnon Coll. Oriel (qua Australis & Occidentalis parietes, Plateam versus in Angulos coeunt) Programmate; in quo, Quæstiones disceptandæ, cum nominibus Respondentis & Opponentium publicentur.

Denique Decretum est ex communi consensu Magistrorum Regentium, ut unusquisque ad Gradum Baccalaurei in Jurisprudentia promovendus

vendus, sine ulla recusatione facta, Domino Vice-Cancellario pro tempore existenti, similiter & Procuratoribus, suis Chirothecis, secundum Personarum dignitatem (quemadmodum Baccalau-
rei in Medicina) gratificentur.

Pro Inceptore in Jure Civili.

STatutum est, quod, qui ad Doctoratum in Jure Civili promoveri cupit, (si postquam in Artibus inceperit, Gradum Baccalaurei in Jure Civili susceperit) quatuor Annos integros publicum Prælectorem Juris Civilis audiet, priusquam ad Incipiendum in eadem Facultate admittatur. Alioqui, si Baccalaureus in Jure fuerit, antequam incipiat in Artibus, (sive Statutis Collegii sic exigentibus, sive sua ipsius optione factum fuerit) quinque annos integros, in audiendo publico Professore Juris Civilis ponere teneatur, priusquam ad Incipiendum admittatur.

Item statutum est, quod Baccalaurei Juris Civilis, priusquam ad Incipiendum in eadem Facultate admittantur, vel sex solennes Lectiones ab hora prima pomeridiana, usque ad secundam totidem diebus publice legant (in quibus quamcunque velint totius Corporis Juris Civilis partem explicant;) vel aliquem e Titulis de Judiciis & probationibus, sive de re Judicata in Digestis vel Codice (tribus ad minimum Lectionibus) cursorie exponant. Et priusquam vel solenniter vel cursorie legere inceperint, Programma (subjectum & tempus Legendi indicans) ante triduum curabunt affigi valvis utriusque exterioris Portæ Scholarum, necnon muris Collegii Omnium Animarum, & Oriel, qua Australis & Occidentalis parietes, Plateam versus in Angulos cœunt.

Pro Baccalaureo in Medicina.

STatutum est, quod, qui Medicinæ dat operam, (antequam Baccalaureatum in illa Facultate consequatur) Gradum Magistri in Artibus capeſſat; & postquam in illa Facultate Inceperit, publicum Medicinæ Professore per triennium integrum diligenter audivisse teneatur.

Item statutum est, quod is, qui ad Baccalaureatum in Medicina promoveri cupit, (priusquam Gratiam proponat) semel in duabus Quæſtionibus ab hora prima pomeridiana usque ad horam tertiam, in Schola Medicinæ designata, solenniter pro Forma Respondeat; semel item Opponat: Affixo ante septem dies, valvis utriusque exterioris Portæ Scholarum, necnon Muris Collegii Omnium Animarum, & Oriel, (qua Australis & Occidentalis parietes, Plateam versus, in Angulos coeunt) Programme, in quo Quæſtiones disceptandæ, cum Nominibus Respondentis & Opponentium publicentur.

Pro Inceptore in Medicina.

STatutum est, quod, qui ad Doctoratum in Medicina promoveri cupit, ex quo Baccalaureus in Medicina fuerit, quatuor annos integros publicum Medicinæ Professore audiet, priusquam ad Incipiendum in eadem Facultate admittatur.

Item statutum est, quod Baccalaureus Medicinæ (priusquam ad Incipiendum in eadem Facultate admittatur) vel sex solennes Lectiones, ab hora prima pomeridiana usque ad secundam, totidem diebus publice legat (in quibus quamcunque

cunque velit Galeni partem explicet;) vel aliquem ex his Galeni Libris, nimirum Librum unum de Temperamentis, de Differentiis Februm, de Usu partium, vel de Affectis locis (tribus ad minimum Lectionibus) cursorie exponat; Et priusquam vel solenniter vel cursorie legere exordiat, Programma (subjectum & tempus Legendi indicans) ante triduum curabit affigi valvis utriusque exterioris Portæ Scholarum; necnon Muris Coll. Omnium Animarum & Oriel, qua Australis & Occidentalis parietes, Plateam versus, in Angulos coeunt.

Pro Baccalaureo in S. Theologia.

Statutum est, quod, qui S. Theologiæ dat operam, antequam Baccalaureatum in illa Facultate consequatur, Gradum Magistri in Artibus capeſſat; & postquam in illa Facultate Inceperit, publicum S. Theologiæ Professore, per septennium completum audivisse teneatur.

Item statutum est, quod is, qui ad Gradum Baccalaurei in S. Theologia promoveri cupit, priusquam Gratiam proponat, bis in Disputationibus Theologicis pro Forma Opponentis Principalis (id est, primo vel secundo loco Disputantis) munere perfunctus fuerit; & semel per duas horas in Schola Theologica pro Forma responderit; Quodque ante huiusmodi Disputationes, Programma (Quæstiones disceptandas, una cum Nominibus Respondentis & Opponentium indicans) ante septem dies affigi curabit valvis utriusque exterioris Portæ Scholarum, necnon Muris Coll. Omnium Animarum & Oriel, qua Australis & Occidentalis parietes, Plateam versus, in Angulos coeunt.

Denique

Denique statutum est, quod unusquisque, antequam Gradum Baccalaureatus in S. Theologia capefferet, Concionem Latinam in Templo B. Virginis Mariæ, per se & non per alium, habere teneatur: Hac tamen cautione servata, ne quis ante completum quinquennium à suscepto Magistrali Gradu (isque non nisi Sacris Ordinibus initiatus) Concionem hujusmodi pro Forma habere permittatur. Cauto insuper, ne Concio Latina, habita vice alterius cujuscunque, cedat cuiquam pro Forma.

Pro Inceptore in S. Theologia.

Statutum est, quod, qui ad Doctoratum in S. Theologia aspirat; ex quo Baccalaureus fuerit, per quatuor Annos integros, publicum Sacræ Theologiæ Prælectorem audiat, priusquam ad Incipiendum in eadem Facultate admittatur.

Item statutum est, quod Baccalaureus S. Theologiæ, antequam ad Incipiendum in eadem Facultate admittatur, publice in Schola Theologica, ab hora prima usque ad secundam Latine sex solennes Lectiones solenniter legat, (in quibus explicet quamcunque velit S. Scripturæ partem; (vel aliquam ex istis, quæ sequuntur, Apostolicis Epistolis, scilicet ad Galatas, vel unam aliquam ad Timotheum vel ad Titum, vel unam S. Petri (tribus, ad minimum, Lectionibus) cursorie exponat. Et priusquam vel solenniter, vel cursorie legere exordiat, Programmata (subiectum & tempus Legendi indicans) ante triduum curabit affigi valvis utriusque exterioris Portæ Scholarum, necnon Muris Collegii Omnium Animarum & Oriel, qua Australis

stralis & Occidentalis parietes, Plateam versus, in Angulos coeunt.

Pro Cumulante Gradus in S. Theologia.

E Adem Statuta (quæ Baccalaureo & Inceptor in Theologia) legenda etiam sunt Cumulanti Gradus, excepto primo Articulo inter Statuta Legenda Inceptor in Theologia.

Ac insuper statutum est, si qui olim hujus Universitatis Alumni, Gradus in Theologia cumulare desiderent, quod per 15 aut 16 ann. spatium (ab admissione sua ad Regentiam computandum) Theologiæ operam navasse eos oporteat; & habitationem ipsorum ultra spatium 30 milliarium ab Universitate distare.

§. 3. *Communis Formula singulos Præsentatos juramento obstringendi; & de Juramento Primatus Regii, & Fidelitatis à singulis exigendo.*

PErlectis Statutis ad Gradum requisitis, Procurator Senior, inter Præsentatos Seniori Evangelium exhibebit, cui (manu à Præsentato imposita) ita dicet: "Omnia hæc modo prælecta & reliqua Statuta Gradum hunc quem capeffis, concernentia; ac speciatim Sectionem septimam Tit. 6. intra triduum proxime elapsum à te diligenter lecta (vel alio legente audita) te observasse quoad præterita, nisi aliter tecum dispensatum fuerit:

(Vel si in Comitiiis, Doctoribus responsurus, aut die Martis post Comitia Latine concionaturus sit.)

"Nisi quatenus in Comitiiis, Doctoribus re-
"sponsurus,

“sponsurus, aut die Martis post Comitia Latine
 “concionaturus sis; tu Jurabis per *Jesum Chri-*
 “*stum* hoc sacrosancto *Evangelio* annunciatum.

Et reliquis manus itidem Libro apponentibus,
 “*Idem Furamentum* quod præstitit A. B. in per-
 “sona sua &c.

Deinde ex Præsentatis Senior *Furamentum*
Primatus Regii, clara voce (ut ab omnibus aliis
 audiatur) publice leget; & *Evangelium* à Pro-
 curatore exporrectum osculabitur; & post eum
 alii quotquot eodem die præsentantur: Et po-
 stremo, eodem *Furamentum fidelitatis* sive alle-
 giantiæ præeunte distincte, alii omnes verbatim
 recitabunt; & in confirmationem *Furamenti*,
 omnes ordine Librum deosculabuntur.

SECTIO VII.

De Creatione & Licentiatione Præsentati
 per Vice-Cancellarium peragenda.

PRæstitis ab omnibus Præsentatis coram Se-
 niore Procuratore Juramentis, eorum quilibet
 (pro ordine senioritatis) ad pedes Vice-Cancel-
 larii, inter Procuratores in genua decumbet:
 Cui Dominus Vice-Cancellarius in aurem per scru-
 tinium dicet.

Tu dices fide tua data huic Universitati,
 utrum bona fide possis expendere 40l. Annuas
 de proprio ad terminum vitæ, extra Universita-
 tem (*quæ quidem summa quoad ministros benefi-*
ciatos, non attenditur penes verum & proprium
rei æstimatæ valorem, sed penes primitias & cen-
sum Regium, inde in Fisco Regio taxatas) Cui Præ-
 sentatus respondebit, *Possum*, vel, *non Possum*.
 Quod si respondeat se non posse; interrogabitur
 iterum,

iterum, an possit expendere de proprio quinque solidos? cui respondebit ut prius, & si fateatur se posse, solvet pro vino tantum.

Tum, si præsententur ad Gradum Baccalaurei in Artibus, omnibus ad Præsentatorem redeuntibus, & juxta ipsum consistentibus, eorum cujusque (pro ordine Senioritatis) manum dextram apprehendet, & eum coram Vice-Cancellario & Procuratoribus sistet, & (Bedello ejus prænomen recitante) Vice-Cancellarius dicet, *Domine A. B. Ego admitto Te ad Lectionem cujuslibet Libri Logices Aristotelis; & insuper earum Artium, quas & quatenus per Statuta audivisse teneris; insuper auctoritate mea & totius Universitatis, do tibi potestatem intrandi Scholas, Legendi, Disputandi, & reliqua omnia faciendi, quæ ad Gradum Baccalaurei in Artibus spectant.*

Si fuerit Baccalaureus Juris Civilis] Domine, vel Magister N. Ego admitto te ad Lectionem Institutionum Imperialium.

Si Medicinæ Baccalaureus fuerit] Magister N. Ego admitto te ad Lectionem Aphorismorum Hippocratis.

Si denique S. Theologiæ Baccalaureus fuerit] Magister N. Ego admitto te ad Lectionem Epistolarum B. Pauli.

Si vero præsententur ad Incipiendum in aliqua Facultate, iisdem in genua ad pedes Domini Vice-Cancellarii provolutis; & manus Libro admoventibus, Vice-Cancellarius dicet: “Domine Doctor, Magister, vel Domine, tu dabis, vel vos dabitis, fidem ad observandum Statuta, Privilegia, Consuetudines, & Libertates hujus Universitatis. *Respond. Do.*

R

Item

Item tu jurabis, quod Incipies realiter intra annum, nisi aliter tecum dispensatum fuerit.

Respond. Incipiam.

Item tu jurabis, quod non Incipies alibi quam hic. *Respond.* Non Incipiam.

Quod si quis post præstitum illud Juramentum (absque impetrata dispensatione) nihilominus haud Inceperit; privetur ipso facto, non solum Gradu, ad quem novissime præsentatus fuerat, sed & aliis omnibus, quos prius susceperat.

Deinde Vice-Cancellarius Librum capitibus ipsorum imponens dicet: "Ad honorem Domini nostri Jesu Christi, & ad profectum sacrosanctæ Matris Ecclesiæ & studii, Auctoritate mea & totius Universitatis, do tibi licentiam Incipiendi in Facultate *Artium* (vel Facultate *Juris, Medicinæ, Theologiæ*) Legendi, Disputandi, & cætera omnia faciendi, quæ ad statum Doctoris, seu Magistri, in eadem Facultate, pertinent, cum ea compleveris, quæ ad talem pertinent solennitatem: in nomine Domini Patris, & Filii, & Spiritus Sancti: *hæc postrema dum pronunciat, debita cum reverentia caput aperiendo.*

Denique Præsentati exsurgentes, deosculabuntur, primo Vice-Cancellarium, deinde Præsentatorem, tunc Procuratorem Seniores, & postremo Procuratorem Juniorem. Quibus sic peractis, & facta per Candidatos reverentia Domino Vice-Cancellario, Procuratoribus & Magistris Regentibus (Bedello & Præsentatore præeuntibus) eodem ordine domo egredientur, in quo ingressi sunt; & extra Cancellos domus, Habitum, competentem Gradui ad quem admissi sunt, induentes, illico (Bedello & Præsentatore præeuntibus) in domum redibunt; &

præstita Domino Vice-Cancellario, Procuratoribus, & Magistris Regentibus Reverentia debita, seniore reliquis præcedente (aliter atque accesserunt) discedent.

Quod si Præsentati ad Baccalaureatum in Artibus admittantur (præeunte Bedello & Præsentatore, reliquisque concomitantibus) ad Scholas Artium procedent: ubi Præsentator Cathedram conscendens, aperto capite, singulis tres Quæstiones proponet, & de singulis Quæstionibus versus recitabit: quibus à Baccalaureis perlectis, in singulis argumentum proponet; cui Baccalaurei singuli respondebunt sub hac Forma: *Respondet pro me Aristoteles proxima Quadragesima.* Et his peractis, una cum Præsentatore per Bedellum domum deducuntur.

SECTIO VIII.

De Licentiis concedendis.

§. I. *De Qualitate eorum, qui ad Concionandum per Universam Angliam Licentiandi sunt.*

CUM de Consuetudine antiqua, penes Universitatem Oxoniensem potestas fuerit concedendi Licentias Concionandi per Universam Angliam, eamque potestatem per Congregationem Magistrorum Regentium exercere consueverit: ad præcavendum abusus, qui circa hujusmodi Licentiationem contingere possunt; statutum est & decretum, quod nemini in posterum pro hujusmodi Gratia supplicare permittatur, qui non sit Magister Artium, Baccalaureus Juris, vel S. Theologiæ Baccalaureus; quorum quilibet septem annos in studio S. Theologiæ in Uni-

R 2 versitate

versitate posuerit, & semel saltem in Disputatione Theologica (in Theologica Schola, vel in Comitiiis) publice responderit; & quatuor Conciones laudabiles coram Universitate habuerit, sive in Ecclesia B. Mariæ Virginis, sive in alia aliqua Ecclesia Collegiata, sive in Templo S. Petri ad Orientem.

§. 2. *Formula petendi Licentiam ad Concionandum per Universam Angliam.*

STatutum est, quod Gratia pro Licentiatione ad Concionandum, prout aliæ Gratia in Venerabili Domo Congregationis proponuntur, sub hujusmodi formula:

Supplicat A. B. Magister Facultatis Artium è Colleg. M. quatenus septem Annos in studio Sacrae Theologiæ in Universitate posuerit, in Schola Theologica (vel in Comitiiis) responderit; quatuor Conciones coram Universitate habuerit; ut hæc ei sufficiant, quo admittatur ad annunciandum Dei verbum per Universam Angliam.

Quæ Gratia, cum concessa fuerit eodem modo quo aliæ, à Procuratore pronuntiabitur, & postea Literæ Testimoniales de eadem fient; quibus Authoritate & Decreto ejusdem Congregationis, sigillum publicum Universitatis appendetur.

§. 3. *Formula Literarum Testimonialium.*

Cancellarius, Magistri & Scholares Universitatis Oxon. Dilecto nobis in Christo A. B. S. Theologiæ Baccalaureo, & Coll. N. intra Universitatem

veritatem prædictam Socio, salutem in Domino sempiternam. Cum omnia nostra studia, consilia, & actiones ad Dei Gloriam & Fratrum salutem referri debeant; nos Cancellarius, Magistri & Scholares Universitatis prædictæ (pro ea opinione quam de Scientia Tua, vitæque & morum integritate habemus) liberam Tibi tenore præsentium concedimus facultatem & potestatem Prædicandi verbum Dei, juxta Talentum Tibi à Deo concreditum, in quibuscunque Ecclesiis Angliæ, & Conventibus publicis Ecclesiasticis ad hoc accommodatis, in perpetuum duraturam; modo nihil interim feceris aut prædicaveris, contra Ritus & Canones in Ecclesia publice receptos & approbatos; quo in casu, si quid tale admiseris, hanc nostram Licentiam statim irritam & cassam esse volumus. Teque serio admonemus, & in Domino obsecramus, ut juxta Gratiam à Deo Tibi datam, Auditores tuos præcipue excites, ut Dei tum præcepta, tum etiam exemplum, in verbo ipsius proposita, vere in omni vita, integritate & pietate exprimere conentur; adeoque glorificent coelestem Patrem, honorent Regiam Majestatem, & charitatem inter se colant Christianam. Nos igitur Cancellarius, Magistri & Scholares antedicti testamur, præfatum A. B. Juramentum de Primatu Regiæ Majestatis suscepisse, & subscripsisse tam omnibus Articulis Fidei & Religionis in Ecclesia Anglicana receptis & approbatis, quam tribus illis Articulis comprehensis in Canone 36^o Libri Constitutionum & Canonum Ecclesiasticorum, editorum in Synodo Londini cœpta 1603, & Regni Domini nostri Jacobi &c. primo; in quorum omnium majorem fidem & plenius testimonium, Sigillum Universitatis Oxon. commune,

nunc, quo hac in parte utimur, Præsentibus apponi fecimus. Datum in Domo nostræ Congregationis, &c.

§. 4. *De Qualitate eorum, qui ad Praxin in Medicina Licentiandi sunt.*

STatutum est, quod Doctor quilibet in Medicina, post inaugurationem seu admissionem suam praticare licite poterit in omni medicandi genere. Alius vero nemo in Medicina publice praticare Oxoniæ permittatur, nisi sit Magister Artium, & Gradum Baccalaurei in Medicina susceperit, & à Cancellario sive ejus Commissario, & Congregatione Magistrorum Regentium ad praticandum more consueto admissus fuerit. Chirurgiam vero nullus exerceat, intra præcinctum Universitatis, nisi Licentia à Cancellario sive Vice-Cancellario impetrata.

Quod si quis secus præsumserit, non solum ab ulteriore promotione repellatur, & privilegiis Universitatis privetur; sed etiam (si monitus non desistat) sicut Perturbator pacis puniatur.

§. 5. *Formula Petendi Licentiam ad Practicandum in Medicina.*

PRO qualitate Personæ supplicantis, in Gratia exprimantur, quæ ad hujusmodi Licentiam necessario requiruntur; sub hac formula: Supplicat, &c. A. B. è Coll. N. quatenus in hac Universitate Gradum Baccalaurei in Medicina susceperit, & Chirographo (vel Professoris & unius Alterius Doctoris in Medicina, vel trium quorumcunque Doctorum in Medicina, in Universitate

sitate residentium) approbatus fuerit; & reliqua præstiterit omnia, quæ per Statuta requiruntur, ut hæc sibi sufficiant ad Practicandum in eadem Facultate per Universam Angliam.

Qua Gratia concessa & pronunciata, prout aliæ solent, Literæ etiam Testimoniales de eadem fient, & (eodem modo quo Testimoniales Licentiæ ad Prædicandum in Domo Congregationis ratæ habeantur) Sigillo publico Universitatis munientur.

§. 6. *Formula Literarum Testimonialium.*

Cancellarius, Magistri & Scholares Universitatis Oxon. Dilecto nobis in Christo A. B. Artium Magistro è Coll. N. intra Universitatem prædictam, salutem in Domino sempiternam. Cum omnia nostra studia, consilia, & actiones ad Dei Gloriam & Fratrum salutem referri debeant; Cumque Medicina ad hæc inter reliquas Facultates, plurimum conferat; Hinc est, quod Nos Cancellarius, Magistri & Scholares antedicti (pro ea opinione, quam de scientia tua, vitæque ac morum integritate habemus) liberam tibi tenore præsentium concedimus potestatem & facultatem practicandi in Medicina, & ea omnia faciendi, quæ ad eam spectant Facultatem, ubivis per Universum Angliæ Regnum, in perpetuum duraturam. Nos etiam Cancellarius, Magistri & Scholares antedicti testamur præfatum A. B. Juramentum de Primatu Regiæ Majestatis suscepisse, &c. *prout supra, in forma Licentiæ ad publice Concionandum.*

§. 7. De Qualitate & Conditione Licentiandi
ad Praxin Chirurgiæ.

Formula Supplicandi.

STatutum est, quod ita demum Chirurgiæ Studiosus ad Praxin per Universam Angliam admittatur, si per septem annos integros in ea Arte se perite, probe, & honeste exercuerit; duas Anatomias diffecuerit; & tres ad minimum curationes præstiterit; & Chirographo (vel Professoris Regii in Medicina, & unius alterius Doctoris in eadem Facultate; vel trium quorumcunque Doctorum in Medicina, in Universitate residentium) approbatus fuerit; quodque hæc in forma Gratiæ recenseantur hoc modo:

Supplicat A. B. in Chirurgia Studiosus, quatenus septem Annos in studio & praxi Chirurgiæ posuerit, duas Anatomias administraverit, & tres curationes fecerit; & Chirographo (vel Professoris Regii in Medicina, & unius Alterius Doctoris in eadem Universitate residentium) approbatus fuerit, & reliqua præstiterit omnia, quæ per Statuta requiruntur; ut hæc sibi sufficiant, quo admittatur ad practicandum in Chirurgia per Universum Angliæ Regnum.

Cujusmodi Gratiæ concessio sic pronunciarí solet: Hæc Gratia concessa est, modo quatuor saltem pauperes, gratis & intuitu charitatis curet, cum ad hoc ab iis fuerit requisitus.

§. 8. *Formula Literarum Testimonialium.*

Cancellarius, Magistri & Scholares Universitatis Oxon. Dilecto nobis in Christo A. B. in Chirurgia *Studioſo* (vel *bene Exercitato*) salutem in Domino ſempiternam. Cum omnia noſtra ſtudia, conſilia, & actiones ad Dei Gloriam & Fratrum ſalutem referri debeant; Cumque Chirurgia ad hæc inter cæteras Artes plurimum conferat; Hinc eſt, quod Nos Cancellarius, Magiſtri & Scholares antediſti (pro ea opinione, quam de ſcientia tua, vitæque ac morum integritate habemus) liberam tibi tenore præſentium concedimus poteſtatem & facultatem præſtandi in Chirurgia, ubivis per Univerſum Angliæ Regnum, perpetuo duraturam; ſub conditionibus ſubſcriptis.

Primò, ſcil. quod quatuor ſaltem pauperes, gratis & intuitu charitatis (quamprimum ſeſe occaſio tulerit) cures; cum ad hoc ab iſtis fueris requiſitus.

Secundo, quod fines Artis Tuæ non excedas, aut Medicinam practices.

Tertio, quod nimium pro ſalario non exigas; aut curationem aliquam retardes, uberioris lucri intuitu: Quod ſi in harum quapiam deliqueris, Licentiam hanc noſtram, tibi ſuper præmiſſis factam, ipſo facto vacare intelliges.

Nos etiam Cancellarius, &c. *ut ſupra, de Licentiandis ad Praxin in Medicina.*

TITULUS X.

De Magna Congregatione, sive Convocatione Magistrorum Regentium & non Regentium.

SECTIO I.

De modo ad Magnam Convocationem Conveniendi.

POST monitionem à Bedello factam, singuli Doctores, Magistri Regentes & non Regentes in Universitate tunc præsentes, à propriis Collegiis & Aulis, (Habitum Gradui competente induti) hora constituta ad Domum Convocationis accedant: & præsente Vice-Cancellario, & uno è Bedellis proclamante (*Magistri intretis in Convocationem, per fidem intretis*) locum Convocationi destinatum ingrediantur; eodemque Habitu, nec non Pileis suis (sicut & in Congregationibus) induti, in locis illic sibi assignatis confideant.

Causa Convocationis per Vice-Cancellarium exposita, de negotiis propositis mature deliberent, & (pro natura negotii) vel scriptis per scrutinium; vel viva voce; vel in aurem Procuratoris; vel denique per secessionem ad alteram partem Domus, suffragia ferant.

Nihil autem pro decreto aut concessio habeatur, quod Cancellarius, sive ejus Vice-Cancellarius; vel ambo Procuratores, sive eorum Deputati; vel major pars Regentium & non Regentium negaverint. Præterquam in Electionibus quas liberas esse volumus, secundum an-

tiquam Consuetudinem, per maiorem partem omnium Suffragantium.

SECTIO II.

De Negotiis in Domo Convocationis tractandis.

§. I. *Enumeratio Negotiorum, quæ ad Domum Convocationis spectant.*

Quandoquidem negotia majoris momenti cum maiore deliberatione sunt tractanda; & quæ ad universam spectant Academiam, ab universis approbari congruum est; statutum est, ut in Convocatione Doctorum, Magistrorum Regentium & non Regentium (prout de antiquo fieri consuevit) de maioribus negotiis ac totum Universitatis corpus tangentibus deliberetur & determinetur.

Veluti de Legibus & Statutis rogandis, vel etiam abrogandis, interpretandis, moderandis; de Officiariorum Electionibus; de Delegatis ad certa negotia nominandis; de dispensationibus licitis concedendis; de Præsentationibus ad Beneficia; de Computis five Ratiociniis examinandis & approbandis; de Fundis five Prædiis Universitatis dimittendis five elocandis; de Literis ad Regiam Majestatem, Prælatos, Proceres, ac Iudices, five alios quoscunque conscribendis; de amovendis Academicæ dehonestamentis, & gradu privandis. Denique de quibuscunque ad Statum, Dignitatem, & Incolumitatem Universitatis spectantibus.

§. 2. De Statutis & Decretis in Domo Convocationis concedendis & interpretandis.

SI quando ex usu Academiae futurum videbitur, aliquid de novo statuere vel decernere, vel si quando circa Decreta & Statuta jam condita vel in posterum condenda, dubitatio aliqua emergat, unde ulterior eorundem explanatio requiratur (modo ne, sub explanandi obtentu, sensus statuto cuivis affigatur, omnem ipsius vim eludens aut enervans; neve hæc explanandi potestas ad Statuta Regia Auctoritate sancita vel confirmata extendatur, sine speciali ipsius Regis licentia) statutum est, quod priusquam Lex roganda, vel Statutum explanandum suffragiis Magistrorum Regentium & non Regentium permittatur, primo ad hebdomadalem consellum Præfectorum Collegiorum & Aularum per Vice-Cancellarium referatur Negotium.

Atque ubi re mature perpenſa, inter eos convenierit de verbis conceptis, sub quibus Lex sciſcenda, aut Statutum explanandum illis videbitur, sub iisdem terminis res ad Magistros Regentes in Domo Congregationis, per Procuratores referetur, triduo ante Convocationem habendam.

In Convocatione autem sequente, iisdem verbis, quibus in Congregatione proposita fuerat, per Registrarium, mandato Vice-Cancellarii, palam recitetur. Ac demum ubi Vice-Cancellarius, Procuratores, & major pars Regentium & non Regentium in terminos consenserint, sub quibus Lex sciſcenda, aut Statutum explanandum videbitur, sub iisdem terminis per Registrarium palam ibidem recitentur; & de iisdem Regen-

Regentium & non Regentium suffragia rogentur. Sub iisdem etiam terminis, in quos consensus fuerit, in Acta redigantur; nec ante diem trigesimum, immediate sequentem publicationem sive recitationem eorundem in Domo Convocationis, Vim aut Authoritatem Decretorum sive Statutorum fortiantur.

Si quid verò interim (dum suspenſa manet Statutorum Authoritas) contra quam iis cautum est, poena dignum committi contigerit; vel (in universum) si quod delictum inciderit, contra quod speciali nullo Statuto cautum fuerit; Vice-Cancellarius (assidentibus sibi Procuratoribus & Præfectis Aedium in Conventu Ordinario) pro arbitrio poenam irrogabit; donec speciali aliquo Statuto, contra huiusmodi delictum, provisum fuerit.

§. 3. *De Materia Dispensabili, in qua Convocationi dispensandi Potestas permissa est.*

CUM Statutorum rigorem, modo privatis hominum commoditatibus, modo necessitatibus ipsorum attemperari quandoque expediat; consuevit V. Domus Convocationis (penes quam est potestas Statuta & Decreta condendi) ex rationabili causa cum nonnullis dispensare.

Et primo, si à Statutis alicujus Collegii Statuta Universitatis in aliquo dissentiant, vel repugnent; Statuit Universitas & declarat, quod cum Præfectis, Sociis & Scholaribus quibuscunque huiusmodi Collegii, super observatione Statutorum Universitatis, à Collegii Statutis dissentientium, eisque repugnantium, absque ulteriore aliqua supplicatione sive petitione, ipso Jure dispensatum habeatur.

Deinde

Deinde, si quis, Lectiones vel Disputationes (ordinarias & non pro forma) per alium præstare, necessum habuerit.

Vel si qui, olim hujus Universitatis Alumni, perspectæ probitatis & eruditionis Viri; quique per 15 aut 16 Annorum spatium (computandum ab admissione sua ad Regendum) Theologiæ operam navarunt (iidemque ultra spatium 30 milliarium ab Universitate remoti) præstitis prius omnibus Exercitiis, Gradus accumulare, sive simul capeßere desiderent.

Vel, si qui propter interveniens impedimentum, vel causam fonticam (quo minus in proximis Comitibus realiter Incipere possint, vel potuerint) in Convocatione vel Congregatione creari & inaugurari desiderent.

Vel, si qui Prælati, Magnates, vel Nobiles, honoris causâ, Gradus Academicos intra Academiam suscipere cupiant.

Vel, si Universitati eosdem extra Academiam (missis qui Cancellarium, Procuratores, & Magistros Regentes repræsentent) iidem Gradibus ornare visum fuerit.

Et universim, si qui alii fuerint Casus, in quibus per Statuta Universitatis dispensare non negatum est, quique disciplinæ Academicæ non repugnant; in iis, ex necessario & perurgenti aliqua causâ (prius per Dominum Cancellarium, arbitrio Vice-Cancellarii, Procuratorum, & Præfectorum permissa, & per ipsos vel eorundem majorem partem approbata in Conventu ipsorum Hebdomadali) Dispensationes in Domo Convocationis proponi licebit, & pro concessis haberi, si Vice-Cancellarius, Procuratores, & major pars Regentium & non Regentium assensum præbuerint.

§. 5. *De Materia Indispensabili, in qua Convocationi dispensare non permittitur.*

Quia ex nimia Dispensandi Licentia grave incommodum Universitati antehac obortum est (nec aliter fieri potuit;) Statuit & Decrevit Universitas, ne in posterum Dispensationes ullatenus proponantur in casibus sequentibus. Et primo Statuit & Declarat, ne super aliquo Statuto vel Decreto (Authoritate Regia jubente vel monente) condito vel condendo, in toto vel in parte Dispensatio proponatur, nisi pari Authoritate Regia, ejusdem mutatio, vel aliqualis relaxatio, expresse mandata vel permissa fuerit.

Secundo, Statuit & Declarat, ne circa suppremas Benefactorum defunctorum Voluntates, aut Ordinationes eorum quasunque Universitati condemnatas, nec circa Conventiones vel Compositiones inter ipsos Benefactores (dum superstites essent) & Universitatem initas (absque speciali & expresso ipsorum consensu) nec circa Ordinationes aliquas Benefactorum voto vel rogatu, cum Universitatis consensu, editas vel edendas; aut literas alicujus ipsorum (super Lecturis aut Lectoribus suis) Patentes, quicquam postea immutetur, vel de eodem immutando petitiq; aliqua in V. Domo Convocationis fieri permittatur.

Tertio, ne pro defectu Temporis, aut Exercitiorum (ad aliquem Gradum Baccalaurei, Magistri, vel Doctoris in aliqua Facultate requisitorum,) nec pro Exercitiis (ad Gradum requisitis) post susceptum Gradum præstandis; Præcipue.

cipue, ne pro Concione Latina, post Gradum Baccalaureatus (ut olim) habenda, ullo modo Dispensatio proponatur.

Item, ne Dispensatio proponatur, ut quisquam Collegii Præfectus, Socius vel Capellanus, vel in Aula aliqua commorans, vel intra quinquaginta milliaria ab Universitate habitans, exceptis iis, qui in studio Theologiæ 15 vel 16 Annos posuerunt, quibuscum si ultra 30 milliaria ab Universitate habitent, pro Gradibus Cumulandis dispensare licebit, ad Cumulandos Gradus, vel ad Gradum Baccalaurei, & Magistri seu Doctoris, simul suscipiendum admittatur.

Denique Statutum est, ne in aliquo casu præmissio (vel alio de quo, speciali Statuto, ne super eo Dispensatio proponatur, cautum est) quisquam, sub poena Bannitionis, Dispensationem proponat; nisi Cancellarius Præfectorum arbitrio rem permiserit, ut de consilio maturo (in Conventu ipsorum ordinario prius habito, ex necessaria & perurgente aliqua causa (per Vice-Cancellarium, Collegiorum & Aularum Præfectos, & Procuratores, vel maiorem partem eorundem, approbando) huiusmodi Dispensationem in Domo Convocationis proponi permittant.

§. 6. *De Electionibus in Domo Convocationis habendis.*

CUM in locum alicujus Publici Prælectoris, aut Officarii, aut communis Ministri seu Servientis (defuncti, cedentis, vel amoti) alterius Electio; vel ad Beneficium aliquod vacans (ad quod Nominationis, sive Præsentationis jus Universitati competit) alicujus idonei Electio habenda

habenda fuerit; statutum est, quod ante Convocationem habendam, Negotium huiusmodi Electionis vel Nominationis, per Bedellos singulis Collegiorum & Aularum Præfectis, & per Præfectos Doctoribus & Magistris cuiusque Domus, die præcedente, denunciatur.

Quodque præter Electionem Burgenſium Parliamenti (quam viva voce, aut pedibus eundo in ſententiam, fieri oportere, occasione litis motæ ſuper ea re, Commiſſarii Parliamenti decrevere) omnis Electio ad Officia & publicas Lecturas, & Nominatio ad Officia fiat per ſcrutinium in ſcriptis, in quo (Vice-Cancellario præſidente) Procuratores ſcrutatores erunt. Insuper ſi in locum Lectoris, Officiarii aut Servientis munus ſuum reſignantis habenda ſit Electio; fiat Reſignatio ſimpliciter & abſolute, abſque ulla reſumendi conditione; & priuſquam ad Electionem procedatur, Candidatus quivis (exigente alterutro Procuratorum) Juramentum præſtabit ſe nec directe nec indirecſte, per ſe nec per alium, cum quoquam contraxiſſe, nec quicquam cuiquam vel dediſſe vel promiſiſſe, quo ad munus illud, quod jam capeſſit, aditum ſtrueret magis expeditum.

Juramentum Procuratorum.

1. Qui à Vice-Cancellario Juramento adſtringentur, quod fideliter ſe in illo ſcrutinio gerent.
2. Quodque Neminem, ad eligendum vel nominandum aliquem contra motum proprium, inducent.
3. Et quod eum pro Electo vel Nominato pronuntiabunt, in quem major pars Suffragantium conſenſerit.

T

4. Nec

4. Nec ante pronunciationem, quicquam de votis alicui (quoque modo, verbo, vel signo) revelabunt.

Deinde, ipse Vice-Cancellarius, & singuli Suffragaturi (Procuratoribus vel eorum Deputatis exigentibus) & Procuratores, eorumque Deputati, exigente Vice-Cancellario, ejusve Deputato) corporale præstabunt Juramentum, sub hac Forma:

“Tu jurabis, quod unum aliquem, & unum tantum semel (& non amplius) in hoc scrutinio scribes & nominabis.

“Item tu jurabis, quod neminem ad *hoc officium* (sive *publicam Lecturam* sive *Beneficium*) nominabis, nisi quem ad idem Officium, sive Beneficium habilem & idoneum certo sciveris, vel firmiter credideris; nec ulla conditione nec pacto, propter aliquam promissionem vel remunerationem (factam vel faciendam) aliquem ad hoc Officium sive Beneficium in hac Electione nominabis.

Quodque nemo in Electione aliqua (sub poena amissionis suffragii, & perpetuæ exclusionis à Domo Congregationis & Convocationis) suffragium ferre præsumat, priusquam hoc Juramentum, in eadem Electione, præstiterit.

In scrutinio vero, ubi Vice-Cancellarius & Procuratores suffragati fuerint, quisque Doctorum, Magistrorum Regentium & non Regentium, secundum ordinem Senioritatis, (quantum fieri potest) accedat: & (Procuratoribus à latere Vice-Cancellarii utrinque sedentibus, & eorum altero Schedulam, sic accedenti exhibente) votum suum simpliciter & absolute inscribat.

Nec Scrutatores prædicti, aut eorum alter, ante peractam Electionem (nisi ex causa necessitatis) discedant. Quo in casu, Scheda apud Vice-Cancellarium deposita, Vice-Cancellarius (aut alius ab ipso deputatus) ejusdem, dum abest, vices sustinebit.

Cum autem longius in Electione processum fuerit, defecerintque, qui suffragentur; priusquam Scrutatores Suffragiorum numerum ineant, superior Facultatis Artium Bedellus, per Domum Convocationis, ad suffragandum, alta voce, præconizabit: *Magistri ad suffragandum, prima vice*; deinde ex intervallo unius horæ quadrantis, *Magistri ad suffragandum, secunda vice*; & tertio post alium horæ quadrantem, *Magistri ad suffragandum, tertia vice*.

Tandem (postquam aliquamdiu accessuros expectaverint, nec quisquam accedat) prædicti. Scrutatores, eum, in quem, computatis suffragiis, majorem numero partem consensisse compererint (schedulis interim, quibus singulorum vota inscripta fuerint penitus abolitis, & igni traditis) pro Electo, palam pronuntiabunt.

Si duo vel plures, æqualem Suffragiorum numerum sortiti sint, si Graduati fuerint, eorum Senior, si Graduati non fuerint, tunc is in quem Cancellarius (vel Vice-Cancellarius pro tempore existens) consenserit, pro Electo habeatur; & ad Officium suum (peractis præstitisque singulis, quæ ad hujusmodi admissionem requiruntur) è vestigio, si præsens fuerit, admittatur.

Postremo cautum est, quod in omni Electione (antequam ad suffragandum accedatur) præsens Statutum, una cum Juramento prædicto, & Statuto Regni de Electionibus *Elizabethæ* 3^{to} le-

148 *De Magna Congreg. sive Convoc.* Tit. X.
gatur; & Juramentum ab omnibus ac singulis
Suffragaturis exigatur. Et præterea in ipso Do-
mus Convocationis introitu, aut alio quovis loco
conspicuo (unde omnibus de plano legi possit)
idem Juramentum, in pensili tabula, singulis suf-
fragantibus legendum palam proponatur.

§. 7. *De Delegatorum Nominatione & Movere.*

CUM Universitatis negotia, à paucis citius
& commodius, quam à pluribus, expedian-
tur; eoque nomine, selectis quibusdam Homi-
nibus per Domum Convocationis delegentur,
qui de iisdem deliberandi vel statuendi, cum
nuda relatione ad Domum, vel cum relatione
& approbatione simul, (prout prædictæ Do-
mui videbitur) potestatem habent; quos De-
legatos nominandi jus penes Procuratores esse
consuevit.

Ordinatum est, quod è singulis Facultatibus,
& ex Doctoribus, Magistris Regentibus, & non
Regentibus aliqui seligantur; qui impositum
sibi onus subire, & in Congregatione quavis,
diem Delegatorum Conventui destinatum an-
tecedente, Juramentum Corporale præstare te-
neantur.

1. "Quod legitime de die, hora, & loco præ-
"moniti, de tempore in tempus, in locum per
"Vice-Cancellarium destinatum convenient.
2. "Officium & munus Delegatorum, super
"negotiis sibi commissis, sedulo & diligenter
"exsequuntur.
3. "Non omnino aberunt, nisi ex causa per
"Vice-Cancellarium & Procuratores antea vel
"postea approbanda.

Quicquid

Quicquid vero Delegati omnes, vel major ipsorum pars, determinaverint, in negotiis delegatis, cum nuda relatione ad Domum, sine ulteriore disceptatione ratum est; in delegatis vero cum relatione ad Domum, & approbatione ejusdem, totius Domus suffragiis denuo permittitur.

Cum præter Delegatos ad expedienda Negotia intra Universitatem, opus sit nonnunquam delegari quosdam ad prosequenda Negotia extra Universitatis præinctum; statutum est, quod (quoties hoc usu venerit) ad mandatum Vice-Cancellarii, & Procuratorum, singuli ad hujusmodi negotia, pro virili, prosequenda (modo hoc fiat expensis Universitatis) paratos se præsentent.

Quoniam vero ad computandas rationes Vice-Cancellarii, Procuratorum, & aliorum, novos quotannis Delegatos pro arbitrio Procuratorum designari, haud è re Academiæ esse, usu comperitum est; Decretum est, quod in posterum statim Delegati per Vice-Cancellarium, & Procuratores, cum consensu Domus Convocationis, nominandi sint, qui singulas rationes Universitati reddendas accipient, præterquam quibus speciali Decreto aliter cautum fuerit.

Quorum si major pars in Universitate præsens non fuerit (quoties rationes quæcunque Universitati reddendæ fuerint) Procuratores, vel eorum alter, cum consensu Vice-Cancellarii, totidem in locum absentium ad præsens subrogabunt, quot ad majorem partem explendam suffecerint.

Quod si quos è statis hisce Delegatis satis concedere, vel alias Universitate excedere contingat; alii continuo in ipsorum locum, eadem auctoritate, subrogentur.

Hi autem Delegati, quamprimum nominati fuerint, in ipsa Convocatione (si præsentes fuerint) alioqui coram Vice-Cancellario, exigente Seniore Procuratore, singuli Juramentum præstabunt in hæc verba.

“Tu Jurabis, quod audies strictum & fidelem
 “computum, de omnibus & singulis computan-
 “dis per (&c. ---) nec allocabis nisi quæ allo-
 “canda sunt; sepositis dolo, fraude, amore, &
 “invidia. Ita Deus te adjuvet, & hæc Sacro-
 “sancta Christi Evangelia.

§. 8. *De Degradatione.*

CUM nonnulla sint delicta, quæ contra Statuta hujus Universitatis admitta, Graduum privatione plectuntur; alia vero, quæ (licet alibi commissa) tamen propter infame supplicii (quo vindicantur) genus, detrahi prius insignia Academica, & delinquentes exauthorari postulant; ne stigmata delinquentium Personis merito inurenda, simul Graduum Academicorum dignitati labeculam aspergant; unde aliqua ad ipsam Universitatem redundet infamia:

Statutum igitur est, quod quoties hujusmodi se tulerit occasio, si delinquens intra Universitatem præsens fuerit, Vice-Cancellarius (indicta prius Convocatione) ipsum Habitu Gradui competente indutum, in Domo Convocationis sistendum curet, ubi ipsum Vice-Cancellarius gravi ac severa Oratione increpabit, simulque atrocitatem criminis sui ei ob oculos ponet; deinde ipsius mandato, à Bedellis inferioribus unus, singula Gradus sui insignia, primo Pileum, mox Caputium, deinde Capam, postremo Togam detrahet; ac eum in modum, cunctis insignibus

signibus Academicis exutum & nudatum è Domo Convocationis proturbabit.

Quod si intra Universitatem præfens non fuerit, Vice-Cancellarius (indicta itidem Convocatione) ibidem delinquentis crimen, & pœnam Degradationis per Statuta (aut alias ex Decreto superioris Curiae vel ex congruo) irrogandam declarabit. Deinde, Doctorum, Magistrorum Regentium & non Regentium assensu rogato, Instrumentum publicum à Registrario palam recitari faciet, in quo Nomen, Gradus & Crimen delinquentis exponantur; & ipse, de consensu Doctorum & Magistrorum Regentium & non Regentium, Gradu omni Academico exutus & exauthoratus pronuncietur & declaretur. Mox idem Instrumentum, sigillo Officii sui munitum, Valvis Magnæ Scholarum Portæ appendendum curabit.

TITULUS

TITULUS XI.

De Congregationibus & Convocationibus Statuta generalia.

§. 1. *Congregationibus alii necessario, alii libere interfunt; Convocationibus singuli, rite moniti, tenentur per fidem interesse.*

STatutum est, quod singuli Doctores & Magistri necessario Regentes (quotquot intra ambitum Academiæ commorantur) statim à cessatione pulsationis solennis Campanæ, ad Congregationem accedent; cui à principio ad finem interfint, nec nisi venia à Cancellario aut Vice-Cancellario impetrata discedant: Regentes vero ad placitum, quoties specialiter requisiti fuerint, aut alias, pro arbitrio suo, interfint.

Si quis ex necessario Regentibus vel venire neglexerit, vel secus quam oportet discesserit, pro prima vice uno solido, pro secunda duobus, pro tertia tribus solidis per Cancellarium, vel Vice-Cancellarium mulctetur. Et si, debita præcedente monitione, ulterius in negligentia perseveraverit, à Domo Congregationis penitus excludatur.

Ad Magnam vero Convocationem singuli Doctores & Magistri Regentes & non Regentes, debite præmoniti, venire; ibique, dum negotia ad Universitatem spectantia tractantur, permanere (nisi justam absentiae causam, à Vice-Cancellario requisiti, ipsi approbaverint) noverint se fide data Universitati obligari.

§. 2. De

§. 2. De Ordine sedendi in Convocatione
& Congregatione.

STatuit Universitas & decrevit, quod in omnibus Congregationibus & Convocationibus Cancellarius vel Vice-Cancellarius, in Cathedra, locum teneat principalem in medio. Deinceps ex utraque parte Cancellarii vel Vice-Cancellarii, sedeant primo Doctores in S. Theologia: Deinde, ex utraque parte Theologorum, ad Dextram Doctores in Medicina, ad Sinistram Doctores Juris Civilis; salva tamen consuetudine, quæ hodie inter Juristas & Medicos obtinet, quod qui Senior est (id est Prius præsentatus ad eundem Gradum) in sua Facultate, Præ Juniore in altera loci seu dignitatis prærogativam vendicet, ac obtineat. Cui etiam Consuetudini ne quicquam eo nomine derogatum volumus, si forte in hisce Statutis vel Rubricis inter nominandas ex Ordine ambas Facultates, unam alteri sæpius præponi vel prænominari contigerit. Juxta vero Cancellarium vel Vice-Cancellarium, utrinque paulo inferius, locum consuetum habeant Procuratores; & ad latera utriusque Domus, Magistri Facultatis Artium absque anterioris loci vendicatione: præterquam quod Collegiorum & Aularum Præfectis, si qui sunt Magistri Artium duntaxat & non Doctores, præ aliis Magistris locus superior concedatur.

§. 3. In Domo Congregationis & Convocationis
Latino Idiomate utendum. Loquendi modus &
vices servandæ. A Contumeliis abstinendum.

STatutum est, quod quilibet verba facturus in Domo Congregationis & Convocationis, La-
U tino

tino utatur eloquio, nisi (negotio sic requirente) Cancellarius Lingua vernacula utendi Libertatem permiserit. Quodque omnes dum alii loquuntur, silentium præstent; nec quisquam de Loco ad locum migret; aut loquendi vices Seniori loquuturo præripiat; aut sæpius de eadem materia interstrepat; sed simulatque sententiam suam protulerit, aliorum Judicio ponderandam reliquat. Quodque à dicacitate, præsertim opprobriis, omnique indecenti verbo aut facto penitus abstineant; sub poena, quod, si quis in præmissis deliquerit, à Domo Congregationis vel Convocationis, judicio Cancellarii vel Vice-Cancellarii & Procuratorum, pro illo die, vel (si majori parti Domus videbitur) pro longiore tempore excludatur: Et insuper obnoxius esto poenis sancitis in Statuto de contumeliis compescendis.

TITULUS XII.

De Assimilationibus Parvis, seu Simile-primo.

Negotia huic Conventui permissa, item interdicta.

QUO negotia quædam minore Universitatis cum molestia expediantur, in more positum est & permixtum Vice-Cancellario, Conventum Magistrorum, qui *Simile-primo* appellatur, congregare, in quo ipsi cum duobus Procuratoribus, & Magistris Regentibus, & non Regentibus, quotquot voluerint interesse
(modo

(modo ne pauciores sint quam novem). ad parvæ Campanæ sonitum, qualibet hora tam in Vacatione, quam in Termino, in Domo Congregationis convenire licet.

Ubi iisdem fas erit, Literas ex Decreto Convocationis, ad Regiam Majestatem, Prælatos, Magnates, aut alios quoscunque, de Negotiis Universitatis publicis conscribendas, recitare, approbare & sigillare.

Item Literis Testimonialibus de Licentiis per Congregationem concessis, & quibuscunque aliis Instrumentis, vel Scriptis, ad Universitatis negotia spectantibus, ex Decreto Convocationis vel Congregationis, Sigillum Commune Universitatis apponere.

Et alia minora negotia, in quibus ulterior assensus Congregationis vel Convocationis, non requiritur, expedire.

Proviso semper quod (excepto *Simile-primo* habendo in die Vesperiarum) in hoc Confessu, nec Præsentationes habeantur, nec Gratiæ, Dispensationes, aut Licentiæ proponantur; nec quicquam aliud, quod ad Congregationem vel Convocationem pertinet, attentetur.

TITULUS XIII.

De Hebdomadali & Ordinario Conventu Præfectorum Collegiorum & Aularum.

QUO melius ea, quæ ad Regimen & Tranquillitatem Universitatis pertinent expediantur, & procurentur; secundum Ordinationem

dinationem Serenissimi Regis *CAROLI* ejus nominis primi, gratiose nuper ad Universitatem super ea re transmissam sancitum est, quod die Lunæ cujuslibet septimanæ per totum Annum, tam in Vacatione quam Terminorum temporibus, (præterquam in Principalibus & Solennibus Festis, aut ubi Vice-Cancellario videbitur, ex publica aliqua occasione, hujusmodi Congressum intermittere) hora prima Pomeridiana (& eeciam alias quândocunque Vice-Cancellario, ex urgente aliqua occasione, convocare videbitur) Dominus Vice-Cancellarius ejusve Deputatus, una cum Procuratoribus & singulis Collegiorum & Aularum Præfectis, tum in Universitate præsentibus, in loco certo & stato convenient, ibique de Privilegiis & Libertatibus Universitatis (prout occasio emerferit) tuendis deliberent; & de Statutis & Consuetudinibus Universitatis observandis, inter se tractent, inquirant & consilium ineant. Et, si quid super bono Regimine, profectu Scholastico, honestate, vel utilitate communi, & ex usu Academiæ, ipsi vel major pars eorum, deliberato opus esse duxerint, de eodem deliberandi potestatem habeant; quo melius & consultius post hujusmodi ipsorum deliberationem, in V. Domo Congregationis proponatur; & deinde, maturo cum consilio, in V. Domo Convocationis, de eodem statuatur, & decernatur. Si quis vero Præfectorum prædictorum in Universitate præsentium (cessante impedimento legitimo per Vice-Cancellarium approbando) ab hujusmodi Congressibus frequenter se absentaverit, nomen ejus, tanquam Personæ, bono Universitatis Regimini minus faventis, ad Cancellarium per Vice-Cancellarium deferatur,

TITU.

TITULUS XIV.

De Vestitu & Habitu Scholastico.

§. 1. *De Vestitu Præfectorum, Sociorum, & Scholarium Collegiorum; Et de modo in Vestibus servando à cæteris.*

Statutum est, quod omnes Præfecti, Collegiorum Socii & Scholares, necnon omnes Sacris Ordinibus initiati, prout Clericos decet, vestiantur; & ea observent, quæ Canonici Sanctionibus præcipiuntur.

Quodque alii omnes (exceptis filiis Baronum in Superiore Parlamenti Domo suffragii jus habentium) vestibus coloris nigri aut subfusci se assuefaciant; nec, quæ fastum aut luxum præ se ferunt, imitentur; sed ab iis procul absint.

Insuper ab absurdo illo & fastuoso, publice in ocreis ambulandi more, abstinere compellantur.

Etiam in capillitio modus esto; nec cincinnos, aut comam nimis promissam alant.

Si quis vero in præmissis deliquerit; si Graduatius fuerit, poena 6^s & 8^d, plectatur toties quoties. Si non Graduatius (si per ætatem conveniat) poena corporali; sin minus, arbitrio Vice-Cancellarii vel Procuratorum (ita ut summam præfatam non excedant) coerceatur. Quas mulctas, partim ad Universitatis, partim ad proprios usus exigendi, Procuratores potestatem habeant.

§. 2. *De*

§. 2. *De reprimendis & puniendis novos & insolitos Habitus invehentibus.*

STaturum est, quod si contingat aliquos in Vestitu novos & insolitos Habitus introducere, Vice-Cancellarius, & Præfecti Collegiorum & Aularum, habita inter se deliberatione, de eodem sententias suas in medium proferant.

Deinde Vice-Cancellarius Scissoribus sive Sartoribus vestiariis, hujusmodi vestes conficiendi potestate interdicat; & Præfecti suis singulis Scholaribus hujusmodi vestimentorum usu interdiciant.

Si majus remedio vitium invaluerit, nec poenis, quamvis severis (quas secundum qualitatem delicti pro arbitrio infliget Vice-Cancellarius) morbi pertinacia expugnari possit; post tres monitiones, vel poenas ordinarias ter inflictas, ad Bannitionem procedere licebit.

§. 3. *Habitus Academici, singulis Gradibus & Facultatibus competentes.*

STaturum est, quod non Graduati, quotquot alicujus Collegii Socii, Probationarii, Scholares, Capellani, Clerici, Choristæ, denique quotquot de Fundatione Collegii cujuscvis fuerint, Studentes insuper Ædis Christi, quoties in publicum in Universitate prodeunt, Togis laxemanicatis, & Pileis quadratis induti incedent.

Quotquot vero Commensales, Communarii, Batellarii, Servientes; quotquot denique de Fundatione Collegii alicujus haud fuerint, quoties in publicum in Universitate prodeunt, Togis talaribus & Pileis rotundis induti incedent.

Graduati

Tit. XIV. *De Vestitu & Habitu Scholast.* 159

Graduati omnes, Togas Gradui & Facultati competentes, etiam Epomidas, & Pileos quadratos, aut rotundos (Juristæ scilicet & Medici) gestabunt; præcipue in Concionibus, Ordinariis Prælectionibus, & Disputationibus publicis.

In Concionibus vero solennibus, & singulis diebus Dominicis intra Terminum ante meridiem in Templo B. V. Mariæ, etiam in Æde Christi, & in XLa, & in Dominica Paschatis post meridiem ad S. Petri in Oriente, Capis & Caputiis, sive è Serico sive è Minuto-Vario, obversis, Concionibus intersint.

Concionatores itidem Habitu Gradui suo competente induti (pro ratione temporis, prout ceciderit intra vel extra Terminum) ad Ecclesiam accedant, & eodem induti Conciones suas habeant, sub poena 6s 8d.

Lectores etiam & Professores publici, in Lectionibus suis ordinariis, Togis Gradui vel Facultati suæ competentibus, Epomide, & Pileo induti, ad Scholas accedant, & eodem Habitu induti legant, ac iterum à Scholis recedant. In solennibus autem Lectionibus in Vesperis, Pileis, Capis, & Caputiis, Gradui vel Facultati suæ competentibus induti ad Scholas accedant, legant, ac iterum recedant.

Quoties vero ad Congregationes, Convocationes, Preces publicas & Conciones ad Clerum accedent, omnes præter Togas, etiam Capas, vel clausas vel apertas, & Caputia Gradui congrua adhibeant.

Doctores singulis diebus Dominicis intra Terminum, ante meridiem, in Ecclesia B. Virg. Mariæ; & in Quadragesima, & in Dominica Paschatis post meridiem in Ecclesia S. Petri in Oriente,

Oriente, Capa, & Caputio coccineo induti Concionibus intersint.

Si quis vero in præmissis delinquere deprehensus fuerit, si non Graduatus fuerit, pro arbitrio Vice-Cancellarii castigetur (corporaliter, si per ætatem congruat;) Si Graduatus, pro prima vice qua deliquerit, 20^d, pro secunda 3^s 4^d, pro tertia 5^s, pro quarta 6^s 8^d, & sic toties quoties. Si quis vero ad Congregationem vel Convocationem accesserit, Habitu competente destitutus, præter mulctam prædictam, nullam omnino suffragandi potestatem ea vice habeat. Quas mulctas ad usum Universitatis exigendi, non solum Vice-Cancellarius, sed & Procuratores potestatem habeant. Procuratores etiam ad poenas con-
similes, si in exigendo negligentes fuerint, teneantur.

TITULUS XV.

De Moribus Conformandis.

§. I. De Reverentia Juniorum erga Seniores.

STatutum est, quod Juniores Senioribus, id est, nondum Graduati Baccalaureis, Baccalaurei Artium Magistris; Magistri itidem Doctoribus, debitam & congruam Reverentiam, tum in privato, tum in publico exhibeant: scilicet, ubi convenerint, locum potiorum cedendo; ubi obvii venerint, de via decedendo, & ad justum intervallum caput aperiendo; atque etiam reverenter salutando & compellando. Insuper quilibet Baccalaureus in Jure (qui non etiam inceperit in Artibus) cui-
libet

libet Magistro in Artibus ejusdem Anni cedere debet intra Universitatem, locumque dare.

Quodque omnes cujuscunque conditionis (exceptis Procerum & Baronum, in superiori Parlamento Domo suffragii jus habentium, filiis) qui nondum Gradum Magistri in Artibus, Baccalaurei in S. Theologia, Jurisprudentia, vel Medicina adepti sunt, quando (sive in Templis inter Concionandum; sive in Scholis publicis inter Prælegendum, audiendum, ac Disputandum; & in omnibus denique Actibus Scholasticis, præsertim coram publicis Universitatis Officiariis, Doctoribus, Magistris, vel Baccalau-
reis in Facultatibus prædictis) præsentibus cum præsentibus affuerint, nudatis capitibus adstent, humiliterque & modeste se gerant. Vice-Cancellario autem & Procuratoribus omni cura & ope annitendum est, ut hoc Statutum debite observetur, puniendo ad arbitrium Juniores, si non præstiterint; Magistros, si non exegerint debitum obsequium.

Provisio tamen, quod licebit Facultatis Artium Baccalaureis, Habitu Gradui competere indutis, in Scholis Artium vel Philosophiæ, Pileos etiam in Præsentia Magistrorum & aliorum induere.

Si vero aliqui secus se gesserint (si Juniores fuerint, & qui nondum Gradum aliquem adepti sunt) à Vice-Cancellario & Procuratoribus pro arbitrio, castigentur; vel poena corporali (si per ætatem congruat;) vel suspendantur à Gradu per unum Terminum, toties quoties; & Libro nigro, sive Registro Procuratorum, inferantur nomina ipsorum. Si Graduati fuerint, 3^s & 4^d singuli mulctentur. Et si contumaces persistiterint, Incarcerentur; ac insuper, si quando
X ulterio-rem

ulteriore Gradum ambient, suspendantur à Gradu per unum Terminum, toties quoties; & in Libro Nigro Procuratorum Nomina ipsorum inferantur.

§. 2. *De coercendis otiosis & male feriatis Scholaribus in Civitate oberrantibus.*

Statutum est, quod Scholares (præsertim Juniores & non Graduati) per Civitatem ejusve suburbia otiosi non obambulent; neque in Plateis, aut publico Foro seu in Quadrivio (apud *Penniless Bench*, ut vulgo vocant) aut apud Operidatorum seu Artificum officinas, stantes aut commorantes (quales vetera Academiæ nostræ Statuta Scurrivagos, & Trutannos vocant) conspiciantur.

Si quis absque rationabili causa, à Procuratoribus vel Vice-Cancellario approbanda, hac in parte delinquens deprehensus fuerit; si non Graduatus fuerit, pro arbitrio Vice-Cancellarii vel Procuratorum corripiatur, vel castigetur. Si Graduatus fuerit, 2^s Universitati mulctetur. Et, si in contumacia persistiterit, Incarceretur.

§. 3. *Quod Scholares Conventibus Juridicis, qui Sessiones & Assissæ vocantur, non intersint.*

Statutum est, quod nullus Scholaris cujuscunque conditionis ad publicos & generales Conventus Juridicos, vel Civitatis, vel Comitatus Oxon. (qui Sessiones aut Assissæ vocantur) nisi ex causa rationabili, per Vice-Cancellarium approbanda, accedat, vel iisdem interesse præsumat, sub poena 10^s, unicuique ibidem deprehenso

henso infligenda; & Incarcerationis etiam omnibus & singulis per Vice-Cancellarium vel Procuratores inde recedere iussis, nec obtemperantibus: Cui adeundi carceris mandato, (quia grassanti incommodo alias commode occurri non potest) omnes & singuli, virtute juramenti Universitati præstiti, obedire teneantur.

Juniores autem, Tyrones, & alii non Graduati (qui illuc spectatum maxime confluere solent) ibidem deprehensi, pro arbitrio Vice-Cancellarii aut Procuratorum, poenas dare teneantur.

§. 4. *De Domibus Oppidanorum non frequentandis.*

STATUTUM est, quod Scholares & Graduati cujuscunque generis à domibus & officinis Oppidanorum, de die, & præsertim de nocte, abstineant. Præcipue vero ab ædibus infames seu suspectas Mulieres vel Meretrices alentibus, aut recipientibus; quarum consortio Scholaribus quibuscunque, sive in privatis Cameris, sive in Ædibus oppidanorum, prorsus interdictum est. Et si quis de die in iisdem, vel earum aliqua deprehensus fuerit (nisi rationabilem accessus sui moræve causam reddiderit) si non Graduatus sit, pro arbitrio Vice-Cancellarii, vel Procuratorum, qui deprehenderint, castigetur. Si vero Graduatus fuerit, 3^s 4^d, pro qualibet vice Universitati mulctetur. Quod si quis ibidem de nocte interesse deprehensus fuerit, poenis Noctivagorum omnino subjiciatur. Quem in finem (in subsidium Vice-Cancellarii & Procuratorum) potestas sit Præfectis Ædium Domos Oppidanorum intrandi; ut explorent, an aliqui è suis illic versentur de die vel de nocte. Si quis

vero Magistratui vel Præfecto Domus, de nocte post clausas Fores ostium pulsanti, Fores sine mora vel tergiversatione non recluserit, pro prima vice mulctetur 20; secunda vero, commercio cum Privilegiatis (si Oppidanus fuerit) alias Privilegio ipsi interdicatur.

§. 5. *De Oenopoliis, sive Tabernis Vinariis, Popinis & Diversoriis non frequentandis.*

STatutum est, quod Scholares cujuscunque conditionis, à Diversoriis, Cauponis, Oenopoliis, ac domibus quibuscunque intra Civitatem, vel Præcinctum Universitatis, in quibus vinum, aut quivis alius potus, aut herba Nicotiana sive Tobacco, ordinariè venditur, abstineant: nisi ex causâ necessariâ & urgenti, per Vice-Cancellarium aut Procuratores approbanda. Quodque, si quis secus fecerit, octodecim Annis minor, nec Graduatus, publice castigetur: major autem Annis octodecim, vel Graduatus, pro prima & secunda vice sex solidis & octo Denariis Universitati mulctetur. Pro tertia autem vice, per spatium unius mensis incarceretur; vel, si Gradum aliquem ambiat, à tempore alias completo, unum alium integrum Annum expectet antequam ad supplicandum pro Gradu illo admittatur. Si quis vero sic deprehensus, Tutor fuerit, Vice-Cancellarius ipsi Tutoris munere prorsus interdicat. Pro quartâ vero vice ab Universitate expellatur.

Insuper Oppidani (sive Privilegiati fuerint, sive non) qui contra formam hujus Statuti, Scholares in illum finem, in domus vel loca hujusmodi receperint, pro prima vice decem Solidos, pro secunda viginti Solidos, Universi-

tati

tati numerent: Si tertio deliquerint, per duos Menses, si quarto, per totum Annum commercium iis cum Scholaribus & Personis Privilegiatis interdicitur; vel Privilegium, si fuerint Privilegiati.

§. 6. *De Nocturna Vagatione reprimenda.*

Statutum est, quod omnes Scholares cujuscunque conditionis, quos occasione quacunque extra Collegia sua vel Aulas Vesperis agere contigerit, ante nonam horam (quæ pulsatione magnæ Campanæ Collegii Ædis Christi denunciari solet) ad Collegia & Aulas proprias se recipiant; & quod statim à pulsatione ejusdem magnæ Campanæ, singulorum Collegiorum & Aularum portæ occludantur & obserentur. Quibus occlusis explorabunt nonnunquam Ædium Præfecti, perlustratis singulorum cubiculis (ex præscripto *S. Regis Jacobi*) utrum è suis aliqui extra Collegium vel Aulam suam pernotent seu vagentur. Quodque si quis postea extra Collegium proprium vel Aulam, in Domo quacunque vel Platea, vel alibi intra Præcinctum Universitatis repertus fuerit (nisi causam rationabilem ostenderit, per Vice-Cancellarium & Procuratores approbandam) si non Graduat^{us} fuerit, pro arbitrio Vice-Cancellarii vel Procuratorum puniatur, vel castigetur poena Corporali, si per ætatem congruat; alioqui Quadraginta Solidis mulctetur. Si vero Graduat^{us}, Quadraginta Solidis mulctetur: Quas multas à quibuscunque deprehensis exigere, & ipsarum semissem in Fiscum Universitatis redigere tenentur Procuratores fide sua data Universitati. Et, nisi fuerit Magister Artium vel Baccalaureus

laureus Juris, à Procuratore, qualiscunque vero conditionis, à Vice-Cancellario (si propter contumaciam, suspicionem fugæ, vel alia de causa mereri videbitur) incarceretur, & ut perturbator Pacis habeatur. Si vero alius quis deprehendatur, siue Persona Privilegiata, siue non, similiter puniatur.

§. 7. De Ludis Prohibitis.

Statutum est, quod Scholares, cujusunque conditionis, abstineant ab omni lusus genere, in quo de pecunia concertatur; veluti à lusu Talorum, Alearum, & Chartarum Pictarum, nec non à lusu Globorum, in privatis Oppidanorum areis hortisque; nec hujusmodi publicis lusbis, per *Statuta Regni* prohibitis, intersint. Quodque nemo intra Universitatem hujusmodi Ludis se exercentes excipiat. Sub poena castigationis corporalis non Graduatibus (quibus per ætatem congruit;) aliis vero, & Graduatis, 6^s & 8^d (præter restitutionem ejus quod lusu illicito lucrati sunt,) singulis qui in his deliquerint, irroganda; & 20^s iis, qui hujusmodi lusus exercentes exceperint; & sub poena Incarcerationis, donec de hujusmodi ludentibus ulterius non excipiendis, cautionem interposuerint. Et in his omnibus, toties quoties.

Item quod abstineant ab omni genere lusus vel exercitii, ex quo aliis periculum, injuria, vel incommodum creatur; veluti à Venatione ferarum (ut damarum, leporum, & cuniculorum) cum Canibus cujusunque generis, Viveris, Retibus, aut Plagis; necnon ab omni apparatu & gestatione Bombardarum, & Arcubalistarum; siue etiam accipitrum usu ad aucupium: sub

Pœna

Pœna castigationis corporalis non Graduatis (quibus per ætatem congruit;) aliis vero & Graduatibus sex solidorum & octo denariorum, sic delinquentibus, toties quoties, imponenda, præter suspendium Canum, & forisfacturam sive amissionem Retium, Bombardarum, Arcu-Balistarum, & hujusmodi instrumentorum, quæ in usum Universitatis venundentur.

Item quod, intra Universitatem Oxon. aut ejus præcinctum, absque speciali venia Vice-Cancellarii, nec Funambuli nec Histriones (qui quæstus causa in Scenam prodeunt) nec Gladiatorum certamina sive spectacula permittantur; nec Academici aut Scholares eisdem interfint. Histriones vero, Funambuli, & Gladiatores contravenientes incarcerentur. Et Scholares (si qui ad hujusmodi spectacula confluentes deprehensi fuerint) non Graduati, arbitrio Vice-Cancellarii, vel Procuratorum puniantur vel castigentur: Graduati autem, sex solidos & octo denarios Universitatis fisco singuli pendant, toties quoties.

Item, quod Scholares cujuscunque conditionis, (præsertim vero Graduati) ludum pilæ pedalis, intra Universitatem ejusve præcinctum, (maxime vero in publicis Urbis Vicis & Plateis) sive soli inter se, sive cum Oppidanis intermixti, omnino non exerceant; nec rudibus, inter se aut cum Oppidanis, batuant (vulgo *Cudgell-play*;) unde periculosissimæ contentiones sæpe numero exardescunt; aut hujusmodi ludorum spectatores se præbeant. Quod si aut ipsi lusisse, aut vanis hujusmodi ludis (ut spectatores) ultro interfuisse convicti fuerint; Juniores quidem non Graduati & infra Annos octodecim, palam castigentur corporaliter; Graduati autem, vel

vel octodecim Annis majores, ut perturbatores Pacis, puniantur ad arbitrium Vice-Cancellarii vel Procuratorum. Clerici denique & Sacris Ordinibus initiati (si qui tales in prædictis deliquerint) ab Universitate expellantur.

§. 8. *De famosis Libellis cohibendis.*

SI quis aliquid scripto composuerit, unde alicujus existimatio & fama lædi possit, vel aliquid ejusmodi ab alio compositum exscripserit; aut à se lectum, vel ab alio recitante auditum, ad Vice-Cancellarium protinus haud detulerit; vel quoquo modo in vulgus sparserit aut disseminaverit, tanquam Pacis perturbator banniat. c
a
ri
ft
q
q
v

al
ri
tu
Si
m
pt
au
au
ce
fio
Ar
dij

qu
cia
per
fio
cul
dep
nor
arm

§. 9. *De Contumeliis compescendis.*

STatutum est, quod si quis verbis contumeliosis quenkum impetiverit, vel si quis in Concione, Oratione, Fabula, vel alio quocunque modo, quicquam Publice protulerit vel ediderit, in quo Doctoris cujusquam, Magistri, vel honestæ conditionis studiosi existimatio & fama lædi possit; vel persona derisui seu ludibrio exponi; tanquam Pacis Universitatis perturbator coram Vice-Cancellario conveniatur; & exemplar Concionis, Orationis, sive Fabulæ exhibere, vel (si nullum habere se exemplar præ se ferat) virtute Juramenti ad objecta respondere teneatur. Et, si judicio Vice-Cancellarii convictus super horum aliquo fuerit, pro qualitate delicti (quæ ex circumstantiis & personis, tum proferentibus, tum in quas convitia prolata sunt, censenda est) Incarceratione, vel Recantatione publica, vel Bannitione (pro arbitrio Vice-Cancellarii)

Cancellarii) præter satisfactionem Parti læsæ exhibendam, puniatur.

§. 10. *De vi & injuria prohibenda.*

STratutum est, quod si quis studiosus, aut alius cujuscunque conditionis, alteri de damno corporali inferendo minatus fuerit; vel alium ad pugnam provocaverit; aut capite vel humeris impulerit quempiam, seu arietaverit, aut vestimenta alterius laceraverit, disciderit, aut quoquo modo corruperit; mulctetur Universitati quatuor solidis. Si quis cubito, palma, pugno, vel pede percusserit, quinque.

Si quis baculo, lapide, clavi, vel consimili, aliquem percusserit, vel fenestras alicujus fregerit, 6s 8d. Incarceretur insuper, & repellatur à Gradu per duos Terminos ad minimum. Si quis alium ad pugnam (in qua vitæ discrimen adeatur) laceffiverit, vel laceffitus acceptaverit, vel cultellum, pugionem, gladium, aut aliquod aliud genus teli, aut distrinxerit, aut intentaverit cum minis (aut ita, ut conjicere liceat, animo lædendi factum) 20s, suspensione à Gradu (si quem ambiat) per integrum Annum ad minimum; & incarceratione, quamdiu Vice-Cancellario videbitur.

Si quis Cultello, Pugione, Gladio, vel aliquo alio telo, seu instrumento aliquem ita fauciverit, ut inde proveniat debilitatio (diu aut perpetuo duratura) ex copiosa sanguinis effusione, aut mutilatio totius Membri vel Articuli alicujus, unde ipse Articulus vel usus ejus deperditur; aut periculum vitæ (etiamsi mors non sequatur,) banniatur. Et similiter, si quis armatos congregat, aut pro impedimento Justitiæ;

tiæ; aut ut damnum aliquod, sive corporale sive non, alicui inferat. Eadem esto poena, si quis (sciens volensque) in Templo aut Cœmeterio, quemquam pugno, vola, aut calce percusserit, vel capite, humero, cubitove quemquam impulerit, seu arietaverit.

Insuper in his omnibus poenæ Gradibus, Pars peccans satisfacere Parti læsæ teneatur (pro ratione damni illati) arbitrio Vice-Cancellarii: & præterea, si per ætatem & Gradum liceat, puniatur corporaliter, publice in Domo Congregationis.

§. II. De Armis non gestandis.

Statutum est, quod nullus studiosus, aut alius, intra Universitatis ambitum, sive offensiva sive defensiva Arma (veluti Gladios, Pugiones, Pugiunculos (vulgo *Stilletroes*) Sicas, Arcus & Sagittas, Bombardas) vel tela aut instrumenta bellica, de die vel de nocte gestet, nisi cum ad loca remota proficisci, vel à remotis reverti eum contigerit; exceptis, qui honestæ recreationis causa, arcus cum sagittis portaverint. Et si quis secus fecerit (etsi nulli insultum fecerit) tanquam Pacis perturbatæ suspectus incarceretur, donec itidem de Pace conservanda fide-jusserit; & præter amissionem Armorum (quæ à Vice-Cancellario vel Procuratoribus, ut forisfacta, capiantur) duobus solidis Universitati mulctetur.

Quod si alteri insultum vel injuriam fecerit, puniatur ut supra §. præcedente.

§. 12. De Conventiculis illicitis reprimendis.

Statutum est, quod nullus cujuscunque Gradus, sive Status, Conventicula illicita intra Univer-

sitatis

fitatis præcinctum instituat, aut iis quovismodo intersit, aut in domo vel hospitio suo haberi permittat. Qualia censenda sunt, in quibus contra Pacem publicam, Doctrinam vel Disciplinam Ecclesiæ, vel regimen & tranquillitatem Universitatis quicquam deliberatum vel gestum fuerit: vel in quibus homines (secus quam Statutis Regni, Canonibus Ecclesiæ, vel Ordinationibus Universitatis permittitur) vel palam, vel occulte conveniunt.

Insuper, nequis confederationes sive conspirationes ineat, unde Cancellarius, Procuratores seu alii Ministri Universitatis in executione Officiorum suorum secundum Statuta & Ordinationes ejusdem, impediri vel perturbari possint. Neve quis hujusmodi conventicula ineuntes (sibi notos aut probabiliter suspectos) celet; quin ipsos Vice-Cancellario protinus denunciet & revelet; sub poena expulsionis, & forisfacturæ sive amissionis omnium bonorum, juxta Chartam Regis *Richardi secundi*.

§. 13. *De Auctoribus & Fautoribus Dissensionis puniendis.*

Statutum est, quod nullus Studiosus, cujuscunque conditionis, Pacem vel Concordiam impediat; aut (siqua inter aliquos diuensio exorta fuerit, (occasione Nationis, aut Patriæ, aut Facultatis, vel quacunque alia de causa) eam foveat vel accendat; aut alteri Partium opem aut consilium præbeat. Cujus criminis qui suspectus fuerit, ut perturbator pacis conveniatur; &, si convictus fuerit, eisdem poenis, quibus pacis Perturbatores, subijciatur.

§. 14. *De Oppugnatoribus & Violatoribus publicæ Auctoritatis, & Manutinentibus coercendis.*

Statutum est, quod nullus Studiosus, aut alius, cuivis causæ ad alium pertinenti se immisceat coram Vice-Cancellario vel Procuratoribus, nisi fuerit alterius partis in Judicium vocatæ Tutor, Procurator, Advocatus, Assignatus, Testis necessarius, Creditor, Fide-jussor, Sponsor, Exsecutor, Judex, Impar, aut Arbitrator in quacunque causa electus, vel alias, ex honesta aliqua causa, conjuncta persona.

Nec in causa propria vel aliena, contra Vice-Cancellarium, vel Procuratores eorumque Deputatos, verba injuriosa vel opprobriosa proferat, aut quicquam quod eosdem in executione Officiorum suorum quoquomodo (in judicio aut extra) impediatur, aut inquietetur, agatur, aut conetur.

Quorum criminum qui rei fuerint (sive per convictionem, sive evidentiam facti) ut Pacis perturbatores tractentur. Et qui se alienis causis & negotiis immiscet, 13^s & 4^d. Qui autem verba contumeliosa (in Judicio vel extra) protulisse, vel publicos Officiarios præfatos in executione Officiorum suorum impedivisse convictus fuerit, 40 solidos Universitati solvere teneatur; incarceretur insuper, & veniam flexis genibus in Domo Convocationis petat; ac demum à Gradu (si quem ambiat) per integrum annum repellatur. Quod si Privilegiatus fuerit aut Oppidanus, pro arbitrio Vice-Cancellarii & quantitate delicti ad tempus Privilegio, aut Commercio cum Privilegiatis ei interdicitur.

Si quis vero eo audaciæ proruperit, ut in Cancellarium,

Cancellarium, seu Vice-Cancellarium, Procuratores vel eorum Deputatos, five Locum tenentes manus violentas injecerit, vel injicere tentaverit, vel minatus fuerit, eo ipso Universitatis finibus perpetuo expellatur, si Studiosus fuerit; alias Privilegio vel Commercio cum Privilegiatis respective, ipsi interdicatur.

TITULUS XVI.

De Concionibus.

§. I. *De Concionibus ante Meridiem, diebus Dominicis intra Terminum, habendis.*

Statutum est, quod quolibet die Dominico intra Terminum ante Meridiem Concio Anglice habeatur per Collegiorum Praefectos, per Decanum & Praebendarios Aedis Christi, per duos Theologiae Professores, & per Hebraicae Linguae Professore; ita ut singuli, per se vel per idoneos substitutos, ordine sequenti concionentur, viz.

{ Ecclesiae Christi.
Coll. Magdal.
Coll. Novi.

{ Ecclesiae Christi.
Coll. Corp. Christi.
Coll. Regina.

{ Ecclesiae Christi.
Coll. Omnium Anim.
Coll. Merton.

{ Ecclesiae Christi.
Coll. S. Jo. Bapt.
Coll. Trinit.

Ecclesiae

{ Ecclesia Christi.
Coll. Ænei-Nes.
Coll. Oriel.

{ Ecclesia Christi.
Coll. Baliol.
Coll. Jesu.

{ Ecclesia Christi.
Coll. Wadham.
Coll. Lincoln.

{ Ecclesia Christi.
Coll. Pemb.
Reg. Profes. Theol.

{ Ecclesia Christi.
Coll. Univers.
Coll. Exon.

{ Ecclesia Christi.
Margaretæ Profess.
Profess. Ling. Hebr.

Insuper placuit Universitati, quod hæ Con-
ciones in Ecclesia B. Mariæ Virginis habeantur:
præterquam quod, quoties Decano vel
Præbendario Ædis Christi concionandum est,
iis, aut etiam alijs ipsorum vices suppleantibus,
nec non solennes Conciones habentibus in Na-
tali Domini, in die Passionis Dominicæ, & in
festo Ascensionis Domini, in Ecclesia Cathedra-
li Ædis Christi concionari sit permissum. Si
quis secus fecerit, poenam conciones omitten-
tium incurrat.

§. 2. De Concionibus habendis ante Meridiem,
diebus Dominicis extra Terminum, & diebus
Festis ante Meridiem, ac Dominicis post Meri-
diem per totum Annum.

Statum est, quod extra terminum, in quo-
libet die Dominica ante Meridiem (præter-
quam in Dominica Paschatis, quando in singu-
lis Collegiis conciones ante Sacram Synaxin sunt
habende) & in quolibet die Dominica post Me-
ridiem per totum annum (excepto tempore qua-
dragesimali, & Dominica Paschatis) & in quo-
libet die Festo per totum annum, in Ecclesia
B. Ma-

B. Mariæ Virginis, Concio vernaculo sermone habeatur, quam seriatim peragere tenebuntur, per se vel substitutos suos (eiusdem etiam conditionis, quam præfens Statutum exigit) S. Theologię Doctores, & S. Theologię Baccalaurei: Juris Civilis Doctores & Baccalaurei, ac Artium Magistri (sive in Theologia, sive in Jure Civili studentes) quotquot Presbyteri vel Diaconi fuerint; Magistri non ante quatuor annos ab Inceptione sua; Baccalaurei autem Juris post sex annos completos à suscepto gradu: ita ut, cum ad simpliciter Juniorem Theologum deventum fuerit, ad Sacrę Theologię Doctores concionandi vices denuo revertantur.

Provisio quod Vice-Cancellarius & Procuratores pro tempore existentes, ab his vicibus seriatim obeundis excusentur.

§. 3. *De Concionibus Quadragesimalibus ad Divi Petri in Oriente.*

Statutum est, quod, prout antiquitus fieri consuevit, in quolibet Die Dominico durante Quadragesima, nec non in Dominica Paschatis post Meridiem, ad Divi Petri in Oriente, solennis Concio Lingua vernacula habeatur; ad quas quidem Conciones habendas, viros idoneos nominandi ac designandi potestas, penes Dominum Vice-Cancellarium sit: ita tamen ut eorum ratio imprimis habeatur, qui per Statuta Collegiorum suorum, aliquam ex istis Concionibus in propriis personis habere adstringuntur. Quodque quemlibet ita Concionaturum, Præfectus, reliquusque Collegii, Aulae Coetus, habitu gradu competentem induti, à Collegio vel Aula ad Ecclesiam deducant.

Et

Et postremo, quod nomina hujusmodi Concionatorum, quos privata Collegiorum suorum Statuta ad has Conciones adstringunt, Academiae Registro inferantur, prout antiquitus obtinuit.

§. 4. *De Concionibus quibusdam extraordinariis, ad Ecclesiam B. Mariæ.*

Statutum est, quod (præter illas Conciones quæ in diebus Dominicis & Festis à Collegiorum Præfectis, Doctoribus & Baccalaureis S. Theologiæ, & Magistris Artium, & Baccalaureis Juris, ut præfertur, seriatim præstandæ sunt,) aliæ quoque extra ordinem, certis & statis temporibus in Ecclesia Beatæ Virginis Mariæ habeantur. Nimirum in Festo Inaugurationis Regiæ, & quinto Novembris pro communi liberatione totius Reip. à Proditione Sulphurea. Quas conciones, præmissis publicis Supplicationibus & sacra Synaxi subsequente, aliquis ad id muneris à Vice-Cancellario assignatus, habebit. Nec non in duabus Feriis Dominicam Paschatis proxime sequentibus, duæ Conciones ante Meridiem lingua vernacula habendæ sunt, per aliquos ad id muneris à Vice-Cancellario specialiter deputatos. Item in die Dominico Comitiorum, cum ante, tum post Meridiem, & in die Martis proxime post Comititia; & in utroque Conventu Comitatus, qui assisæ vocantur, ad quas aliqui per Vice-Cancellarium specialiter sunt designandi. Provisio semper quoad eum quem ad Concionem Latinam die Martis post Comititia habendam à Vice-Cancellario designari contigerit (si Theologiæ Baccalaureus non fuerit, & tempus ad illum gradum per Statuta requisitum compleverit,) quod ante habitam Concionem ad Gradum Baccalaurei in Sacra Theologia

citra

citra ullam dispensationem eo nomine petendam, admitti ipsum licebit. Et in initio cujusque Terminii ac die cineris in capite Jejunii, coram Baccalaureis Determinaturis, Caputia (obverso Rhenone, seu pelle agnina) gestantibus, & pro more in Scamnis Magistrorum sedentibus, Concio Latina habeatur, quam seriatim obire tenentur S. Theologiæ Professores, & alii in Theologia Graduati, sacris Ordinibus initiati; aut vice illorum alii, (ejusdem conditionis, quam Statutum requirit) per Vice-Cancellarium approbandi.

§. 5. *De Concionibus Anniversariis habendis extra Templum Beatæ Mariæ.*

CUM Collegiorum quorundam Statuta, & cum Benefactoribus conventiones requirant, ut in quibusdam Collegiis, Conciones publice coram Universitate habeantur; Statutum est, quod prout fieri consuevit, in Collegiis hic nominatis, statis quibusdam diebus Conciones publicæ habeantur.

Nimirum in Ecclesia Cathedrali Ædis Christi, in Natali Domini, in die Passionis Dominicæ, & in Festo Ascensionis Dominicæ.

In Collegio Beatæ Mariæ Magdalænæ, in Festo S. Marci Evangelistæ, & in Festo S. Joannis Baptistæ.

In Collegio Novo, in Festo Annunciationis Beatæ Mariæ Virginis, & in Dominica Trinitatis.

In Collegio Mertonensi, in Festo Sanctorum Philippi & Jacobi, & in Dominica prima mensis Augusti.

In Ecclesia S. Petri in Oriente, in Festo Sanctorum Simonis & Judæ, per aliquem è Collegio Universitatis.

§. 6. De Concionatoribus approbandis.

STatutum est, quod in Ecclesia Beatæ Virginis Mariæ, aut alibi coram Universitate, vel intra præcinctum ejusdem, nemo Concionari præsumat, nisi qui saltem Magister in Artibus ante quatuor annos, aut Baccalaureus Juris ante sex annos fuerit, sacris insuper Ordinibus initiatus; quique judicio Vice-Cancellarii aliquando approbatus, sub *Chirographo* ipsius idipsum testatum habeat.

Si quis secus fecerit, mulctetur toties quoties *viginti solidis*.

§. 7. De præmonendis Concionaturis, & paucorum qui deficiunt.

STatutum est, quod Concionaturi Anglice, ante sex septimanas; Latine vero, ante tres menses præmoneantur, per Bedellum superiorem S. Theologiæ, si in Universitate præsentibus fuerint: sin minus; schedula, Tempus, quo quis Concionaturus sit, indicans, penes Præfectum Aedis, ejusve Deputatum relinquatur. Ad has autem Conciones seriatim habendas teneantur non solum ii qui actu in Universitate commorantur, verum etiam quotquot nomina sua in promptuarii Libro Collegii cujusvis vel Aulae inscripta habent. Quod si præmonendo quempiam (sive absentem sive præsentem) ad tempus præstitutum non affuturum, vicibusve suis non functurum quoquomodo resciverit Bedellus, id ipsum sub poena x^s teneatur Vice-Cancellario protinus renunciare, qui, ne Concio tempore destinato habenda

benda intercidat, proximo debite præmonito sub eadem poena Concionandi necessitatem imponet; Quod ut commodius fiat, Bedellus aliquot dierum spatio ante tempus monendis Concionaturis assignatum teneatur, sub eadem poena conditionem cujusque proxime monendi explorare, utrum scilicet ad tempus præstitutum affuturus, partesve suas impleturus videatur.

Si quis sic præmonitus defecerit, & nec per se nec per alium, Concionem habuerit, Quadraginta solidis Universitati mulctetur. Et insuper alias per Vice-Cancellarium debite præmonitus, Concionem habere per se vel per alium teneatur, sub poena dupli.

Quam poenam similiter incurrat Bedellus prædictus, si quem culpa illius, (prout oportuit, non præmonentis) deficere contingat.

§. 8. *De Commemoratione publicorum Universitatis Benefactorum, præ Concionibus solennibus intra Universitatem habendis.*

Statutum est, quod in Precatione ante Conciones Latinas cujusque Termini initiales; iterum in Concionibus ante & post meridiem in Comitiis; etiam in Festivitate Inaugurationis Regiæ, & coram Judicibus sive Justitiariis Assisarum; per quemcunque Universitatis nostræ OXON. Concionaturum, expressa & grata fiat Commemoratio publicorum Universitatis OXON. Benefactorum; scilicet, illustrissimi Principis *Humfredi Glocestriæ Ducis, Johannis Kempe Cantuariensis Archiepiscopi, Thomæ Kempe Londinensis Episcopi, Margareta Comitissæ Richmondæ, Henrici 7^{mi} & Elizabe-*

thæ Uxor ejus, Richardi Lichsfeld Archidiaconi Middlesexiæ, Thomæ Woolsey Cardinalis & Archiepiscopi Eboracensis, Henrici Octavi, Mariæ Reginæ, Elizabethæ Reginæ, Jacobi Regis, Thomæ Bodleii Militis, Henrici Savilii Militis, Gulielmi Sidley Militis, Nicolai Kempe Militis, Thomæ White S. Theologiæ Doctoris, Gulielmi Cambdeni Armigeri, Caroli primi Regis & Martyris, Gulielmi Laud & Gilberti Sheldæon Archiep. Cantuar.

§. 9. *De Offensionis & Defensionis materia in Concionibus evitanda.*

STatutum est, quod si quis pro Concione aliqua, intra Universitatem ejusve præcinctum habitæ, quicquam Doctrinæ vel Disciplinæ Ecclesiæ Anglicanæ publice receptæ dissonum aut contrarium; aut publica autoritate, ad tempus vel aliter, prohibutum, protulerit, siue protulisse ab ipso Vice-Cancellario suspectus, vel ab alio aliquo rationabilem suspicionis causam afferente, delatus fuerit; Quod postulanti Vice-Cancellario, siue ejus Deputato, Concionis suæ verum exemplar, eisdem terminis conscriptum, virtute juramenti tradet; vel, si prætendat se exemplar non habere, de iis de quibus suspectus vel delatus fuit, directe virtute juramenti respondebit.

Deinde vero Vice-Cancellarius, siue ejus Deputatus, verbis sensive eorum, quæ in quætionem vocantur, in medium prolatis, & rite perpenſis, adhibito consilio sex aliorum S. Theologiæ Doctorum, (quorum unus sit S. Theologiæ Professor Regius, si Concioni interfuerit) si quem criminis objecti reum invenerit, eum pro arbitrio,

arbitrio, vel à munere prædicandi intra præcinctum Universitatis suspendet; vel ad ea, quæ protulit, recantandum adiget. Sin verba ad seditionem aliquam in Universitate, vel Societate, five Communitate aliqua excitandam, Vice-Cancellario tendere videantur, ipse solus Vice-Cancellarius, adscito sibi uno aliquo S. Theologiæ Doctore, qui interfuit, Incarceratione, multa Pecuniaria, vel recognitione publica (prout ipsi videbitur) puniat: & prædictorum criminum suspectus, perturbatæ pacis reus habeatur.

§. 10. *De officiis Divinis, seu Precibus solennibus juxta Liturgiam Ecclesiæ Anglicanæ, & Concionibus publicis frequentandis.*

STatutum est, quod ad Officia Divina, five Preces solennes juxta Liturgiam Ecclesiæ Anglicanæ, & Conciones publice coram Universitate habendas, omnes Doctores, Magistri, Graduati & Scholares, diligenter accedant, & eisdem debita cum reverentia & attentione, quoad peractæ fuerint, à principio usque ad finem intersint.

Nec quisquam, dum ejusmodi Divina Officia, & Conciones coram Universitate habentur, ad aliam Ecclesiam, vel Ecclesias, divagari permittatur: sub poena castigationis corporalis Junioribus, quibus per gradum & ætatem convenit; vel alias 3^s & 4^d infligenda.

Ad Latinas autem Conciones Pro initiis Terminorum, singuli Collegiorum & Aularum Præfecti, universo Studiosorum suorum cœtu, Habitu Scholastico & gradui competente indutorum, concomitati accedant.

Quod

Quod idem, quotiescunque alicui ex prædictis Præfectis, ante Meridiem in Dominica quavis intra Terminum, Concionandum fuerit, præstari atque observari præcipimus.

TITULUS XVII.

De Officiariis Universitatis.

SECTIO V.

De Electione & Officio Magistrorum Scholarum.

CUM Procuratoribus ipsis juxta antiquas Consuetudines Academiae, competat Scholis ac Disputationibus Artistarum præesse; ad eosdem quoque de Jure pertinet, statim à prima ipsorum ad Munus Procuratorium Admissionem, ex Magistris, quatuor annorum ad minimum, duos Scholarum Magistros, qui illorum in Scholis vices suppleant, nominare, & Scholarum curam eisdem pro illo Anno demandare.

Illorum igitur Munus est, primum Disputationibus Augustinenfibus Seniorum Baccalaureorum, in Schola Naturalis Philosophiæ, alternis vicibus, per se & non per alium (nisi de consensu Vice-Cancellarii & Procuratorum substituendum, in casu ægritudinis aut extremæ alicujus necessitatis) in pleno Terminò, sub pœna decem Solidorum, Habitu Gradui competente indutos, præesse: Et ut Baccalaurei Facultatis Artium, coad Disputandum per Collectores (scilicet duos alios è numero Baccalaureorum, per Procurato-

res,

res, ad hoc Munus deputatos) præmoniti, vi-
ces suas in Disputando suppleant, curare; ac de-
linquentes hac in parte, ipsis Procuratoribus de-
nuntiare. Disputationes atque ipsos Disputantes
moderari, corripere, sententiam suam de Quæ-
stione proposita declarare, ac demum concludere.

Item in Parvitiis & Quadragesimalibus Bacca-
laureorum Determinantium Disputationibus, in
Scholis Artium interesse ac intendere; Et ne in
aliquo, vel circa Quæstiones ipsas, vel Dispu-
tandi Formam, vel contra Bonos Mores aut Pa-
cem Universitatis, inter Disputandum peccetur,
quantum in ipsis est, providere. Speciatim ve-
ro, quoad Parvitiis cujuslibet Respondendi Quæstio-
nes examinare; id ipsum & diem Respondendi
sub Chirographo suo testari; in defectu Respon-
dentium pro Forma Bedellis edicere, ut alios
moneant secundum Statuta pro Terminis Dispu-
tatos; quo nomine à singulis (præterquam
pro Terminis Respondentibus) sex denarios re-
cipiant.

Denique, in absentia Procuratorum, in omni-
bus Disputationibus Facultatis Artium, non so-
lum quoad potestatem mutandi Quæstiones, sed
etiam quoad delinquentes puniendos, Procura-
toriam habent Potestatem.

SECTIO VI.

De Magistris Vicorum designandis, &
eorum Officio.

Præter internos Regentiæ actus, quos Magi-
stri necessario Regentes intra Domum Con-
gregationis (ut præfertur) exercent, iidem etiam,
tanquam Anni Universitatis Officarii, alios ex-
ternos

ternos Regentiæ suæ actus, foris & extra Domum Congregationis, exercere tenentur. Consuetudo enim est, quod, incipiente Termino Michaelis, Procuratores universum Municipii Oxon. & Suburbiorum ejusdem Circuitum, in quosdam Vicos seu Plateas distributum, inter aliquot Regentes partiantur, Qui Magistri Vicorum nuncupantur. Quorum est, Pacem Domini Regis & Universitatis in eisdem Vicis (si qua tulerit occasio) custodire; Munditiæ Vicorum, & ne quid incommodi aut detrimenti, ex communibus nocumentis, fordibus & fimis illic congestis oriatur, prospicere: eosque, quorum interest, hujus rei admonere; & negligentes sive non curantes, modis quibus poterint, ad remedium adhibendum cogere.

Juniores Scholares, in iisdem Vicis otiose, & abique Habitu sibi competente, obambulantes, aut commorantes, aut immodeste se gerentes, aut debitam reverentiam Senioribus non exhibentes corripere & increpare, eosque, ut ad Aulas & Collegia sua se recipiant, cogere.

Recusantes autem & inobedientes, tum Vice-Cancellario & Procuratoribus, denuntiare; tum à Gradibus Scholasticis impedire & prohibere, secundum Statuta prius posita, & non aliter.

TITULUS XIX.

De Feudis ad Universitatem, Officiarios, & Servientes pertinentibus.

Quoniam varia ac multiplicia Feuda, pro diversa Personarum & Graduum conditione, multis nominibus exigenda veniunt;

veniunt; quæ omnibus nota & perspecta esse, illorum interest, tum quibus, tum à quibus debentur (horum siquidem ignoratio, & hos fraudi magis opportunos, & illos iniquis suspicionibus magis obnoxios reddit) Statutum est, quod *Feuda* ad Universitatem, Officiarios, & Servientes quoscunque spectantia, severe ac diligenter examinata, & in *Tabulas pensiles* redacta, in Apodyterio Domui Congregationis vicino, palam omnibus spectanda & legenda proponantur; Nec ultra *Feuda* illic præstituta, quisquam à quovis, Feudi nomine, quicquam exigere præsumat, sub pœna pro arbitrio Cancellarii irroganda. Sed nec *Feuda* sibi debita quisquam per se & immediate à quovis recipiat, sed Bedellorum opera & ministerio in colligendis Feudis sibi debitis utatur.

Illud ante omnia cavendum districte præcipimus, ne *Feuda* expressa in *Tabulis Archetypis* (sigillo Honoratissimi Cancellarii Gulielmi Archiepiscopi Cantuar. signatis, & una cum Authentico Statutorum exemplari in Chartarum ac Munimentorum Abaco repositis) quovis prætextu aut colore posthæc augeantur seu amplificentur; Neve quis de amplificandis Feudis hisce, aut eorum quocunque, supplicationem ullam in *Domo Convocationis* proponere præsumat, sub pœna *Bannitionis* ipso facto incurrendæ, nisi prius *Cancellarius* Præfectorum arbitrio rem permiserit, iique in Conventu ipsorum ordinario Supplicationis æquitate rite pensata, dignam censuerint, quæ ad Venerabilem *Domum Convocationis* referatur.

TITULUS XX.

De Bonis & Locis publicis
Universitatis.§. 6. *De Platearum Regimine.*

QUoniam indecorum juxta & insalubre est, Plateas aut Antiportus intra præcinctum Universitatis, (illa præcipue, quæ ad Loca publica ducunt, & vulgo pedibus hominum teruntur) neglectas jacere, fimo ac sordibus oppletas; alibi, omnino non stratas; alibi, extrito & comminuto pavimento salebrosas; Statutum est, quod deinceps singuli præ foribus suis pavimentum lapidibus sterni, & complanari curabunt. Si quis autem à Vice-Cancellario monitus, intra tempus præstitutum, sternendum non curaverit, poena esto pro arbitrio Vice-Cancellarii: quod si in contumacia sua perstiterit, si Privilegiatus, Privilegio, Si Oppidanus, commercio cum Privilegiatis ipsi interdicatur.

Item quod nemo sordes, retrimenta, vel ruderæ, imbris tempore in Plateam projiciat, pluviae beneficio pro Fimigerulo usus; sub poena 20s, legitime super hoc convicto, toties quoties, per Vice-Cancellarium infligenda.

Item quod nemo præ foribus suis fimetum aut sterquilinum congerat; sed intra domesticos parietes contineat, quicquid sordium aut fimi egerendum habet, quoad Fimigerulus (vulgo *Sca-venger* dictus) cum plastro fimum omnem avecturus accesserit, sub mulcta 3s, 4d, toties quoties, irroganda.

Quem in finem Statutum est, quod Universitas ad hoc Fimigeruli munus, semper honestæ conditionis aliquem sub Sigillo suo deputatum habeat, qui juxta conditiones, & pacta conventa inter ipsum & Universitatem, hoc munus sedulo exsequetur, & pactam mercedem, pro rata cujusque Domus, recipiet.

Quod si quis pro rata ad hunc usum contribuere reculaverit, præter multam arbitrio Vice-Cancellarii irrogandam; si Privilegiatus fuerit, Privilegio; si Oppidanus, commercio cum Privilegiatis ipsi interdicatur.

Insuper ne tempore Hiberno, cum illunes fuerint noctes, cæci in tenebris palpare necesse habeant, quos Urbem vesperi obambulare cogunt aliquando negotia: Statutum est, quod deinceps, singulis Annis, à Festo Omnium Sanctorum usque ad Festum Purificationis B. Virginis, ab hora sexta vespertina usque ad nonam, lucernæ præ foribus singulorum Collegiorum ac Aularum, necnon privatarum Ædium suspendentur, sub poena 12^d, omittentibus, toties quoties, per Vice-Cancellarium infligenda.

TITULUS XXI.

De Judiciis.

§. I. De Jurisdictione Universitatis tuenda.

CUM non solum juxta Privilegia, à Serenissimis Regibus Inclyti hujus Regni, & Prælati (Studioforum tranquillitati gratiose consulentibus) concessa & indulta; verum

etiam secundum diuturnam Consuetudinem, quæ memoriam Hominum excedit, potestas cognoscendi ac terminandi omnes Causas, Scholares aliasque Personas Privilegiatas quoquo modo concernentes (exceptis Causis Liberi Tenementi, Mahemii, Feloniæ & Proditionis,) ad Cancellarii Universitatis Jurisdictionem spectet & pertineat: Statutum est, quod nullus Scholaris vel Persona Privilegiata, de quacunque Causa in Universitate terminabili, quempiam in Curia aliqua extra Universitatem (nisi ordine Appellationis servato) conveniat. Nec cujusquam alterius Curiae Jurisdictioni ultro se submittat; sed alibi impetitus, Cancellarium vel Vice-Cancellarium, quamprimum poterit, de Lite sibi intentata certio-rem faciat; & modis quibus poterit, Privilegi-orum Universitatis hac in parte conservationem sollicitè curet; sub poena, quod, si quis Scholaris vel Persona Privilegiata secus fecerit, ut Perturbator Pacis incarceretur & mulctetur; &, si in contumacia perstiterit, Privilegiis Universitatis exuatur. Persona vero non Privilegiata, vel Op- pidanus, qui Scholari vel Personæ Privilegiatæ extra Universitatem, in hujusmodi Causis litem intentaverit, commercio cum Scholaribus & Per- sonis Privilegiatis interdicto, donec satisfecerit, coerceatur: Extraneus vero, tanquam Jurisdictionis Universitatis contemptor, si apprehendi poterit, incarceretur. Cancellarius etiam, & Vice- Cancellarius omnesque alii, pro sua cujusque au- thoritate ac potestate, quominus in hac parte Universitatis Privilegia violentur, se, virtute Juramenti Universitati præstiti, teneri & obli- gari noverint

§. II. De Incarceratione, Custodiæ causa.

SI quis de perturbata Pace, vel gravi aliquo Crimine Vice-Cancellario delatus, vel suspectus, vel ab ipso deprehensus fuerit; Statutum est, quod Carceri custodiæ causa committatur. Et, si Studiosus cujuscunque Gradus vel Persona Privilegiata, aut etiam Oppidanus, (dummodo in causa cognitionem *Cancellarii* spectante, altera pars exstiterit) jussus à Vice-Cancellario, vel, ejusdem Mandato, à Bedello requisitus fuerit in Carcerem se conferre, statim obtemperare teneatur; vel si recusaverit, ab Universitate penitus expellatur. Quod si Privilegiatus fuerit vel Oppidanus, Privilegio, aut Commercio cum Privilegiatis, respective, ipsi interdicator. Proviso tamen, quod, (si Fidejussores idoneos, de comparando in *Judicio*, & usque ad Sententiam permanendo, interposuerit) à Carcere liberetur. Quod si Fidejussores dare non poterit, Vice-Cancellarius, vel is qui detulit, intra duos dies, crimen in *Judicium* deducat; & quamprimum fieri potest, examinato Negotio, de eodem secundum *Juris* exigentiam statuatur.

§. 13. De Reis, Majorum Criminum Convictis.

SI quis perturbatæ *Pacis*, vel gravis alicujus *Criminis Reus* (etiãsi intra privatum Collegium quodcunque vel Aulam perpetrati; si privata Statuta hujusmodi *Crimini* pœnam nullam ponant; aut Parti læsæ intra privatos parietes satisfieri non possit) per Probationes legitimas & sufficientes convictus fuerit, aut deprehensus
in

in ipso facto, (Actu desuper, à Registrario, confecto) in pœnis juxta *Juris & Statutorum* exigentiam, condemnatur; & quoad satisfecit, vel de satisfaciendo, & Pace conservanda, & honeste se gerendo Cautionem sufficientem (scilicet Fide-jussoriam) interposuerit, incarceretur: ejusque nomen, crimen, condemnatio, & cautio, & quota vice sic deliquerit, in Registro Vice-Cancellarii ad hoc specialiter designato, Registratur. Et, si quis quarto, in perturbatione Pacis, vel in eodem gravioris alicujus *Criminis* genere deliquisse convictus fuerit, in perpetuum ab Universitate expellatur.

§. 14. *De iis qui de se Fustitiam fieri non permittunt.*

SI quis de Crimine aliquo accusatus vel suspectus, fugam fecerit; vel si quis in Plateis, vel Domibus, viso Vice-Cancellario vel Procuratoribus, ut culpæ conscius (scilicet galero vel ocreis indutus) in fugam se conjecerit; vel post Citationis Schedulam ostio Cameræ vel Domus in qua morari consuevit, affixam, die ac tempore præstituto coram Vice-Cancellario ejusve Deputato non comparuerit; vel comparens cum numero supra tres vel quatuor se stiterit; vel de se *Fustitiam* fieri non permiserit (utpote, jussus à Vice-Cancellario Carcerem adire recusaverit, vel Incarceratus, priusquam legitime solutus vel liberatus sit, exierit) Bannitus statim denunciatur, ejusque nomen in Registro Vice-Cancellarii Registratur. Et si *Clericus* fuerit, qui ad locum aliquem extra Universitatem se receperit (nisi intra mensem à tempore quo requisitus fuerit, se submiserit) illius nomen, simul cum delicto, de quo

quo notatus vel convictus fuerit, *Diaecesano* Locum in quo moratur, sub Sigillo communi Universitatis transmittatur, ut contra ipsum per *Diaecesanum* procedatur.

Quod si quis, Mandato Vice-Cancellarii, per Bedellorum aliquem arrestandus, Bedello, *Warrantum* Vice-Cancellarii monstranti, vel manus injicienti protinus sese haud dediderit, in Carcerem, vel Custodiam alicubi compingendum; quin potius fuga se subducere, aut vi è manibus Bedelli eluctari paraverit; ipso facto, si Persona Privilegiata fuerit, Privilegiis Universitatis exuatur; si Scholaris fuerit, Banniat, & si Graduat, Gradu privetur.

§. 15. *De Iis, qui Universitatis Juribus ac Privilegiis adversantur, Discommunicandis, vel Disprivilegiandis.*

Quoniam Oppidani, Academicis plerumque infesti & adversi, Privilegia Universitatis oppugnandi nullam non occasionem captant; quin & Privilegiati nonnunquam, publicam utilitatem privato commodo posthabentes, Privilegiis Universitatis adversantur: Statutum est, quod, ad compescendam hujusmodi insolentiam sive vecordiam, siqui super hoc convicti fuerint, Privilegiatis, Privilegiis Universitatis; Oppidanis vero commercio cum Privilegiatis, interdicatur.

§. 16. *De Perturbatoribus Pacis, sive Iis quorum Appellationes recipiendae non sunt.*

CUM, de Jure Communi, *Appellationis* beneficium quibusdam denegandum sit; nonnunquam præ odio delictorum quae commissa sunt; nonnunquam

nonnunquam ad compescendam eorum insolentiam, qui in mediis tumultibus (quando silent leges; ac imperio utendum est, ubi Lege agi non potest) Juris obtentu se contra Legum ac Magistratum *Authoritatem* muniunt: Statutum est, quod *perturbatæ Pacis*, sive quorundam Criminum inferius enumeratorum *Reis* (hoc est, vel probabiliter suspectis, vel convictis) omni prorsus *Appellandi* potestate interdictum sit: cujuscumodi sunt:

Primo, qui ad aliorum existimationem minuentiam, *Libellos famosos condiderunt*, seu in vulgus *sparserunt*; aut etiam recitando, vel transcribendo, publicarunt; quive ab aliis recitados vel lectos *audiverint*, nec protinus ad Vice-Cancellarium Recitantis aut Legentis nomen *detulerint*; Vel, qui, sive in Exercitiis publicis, sive in Scena publice, ad alicujus contumeliam & infamiam *quicquam protulerunt*; vel, qui de damno alicui referendo *minati sunt*.

Secundo, qui aliis *vim intulerunt*, aut inferentibus opem præbuerunt; scilicet impellendo, percutiendo, verberando, vulnerando, aut simile aliquid committendo.

Tertio, qui *Arma*, secus quam Statutis Universitatis permissum est, portaverunt; & qui, de *nocte vagati* sunt, & qui *Ebrietatis*, *Perjurii*, *Fornicationis*, vel *Adulterii*, & his similia Crimina perpetrarunt, vel horum participes fuerunt.

Quarto, qui coram *Domino Cancellario*, ejusve Commissario, aut ipsius Deputato, legitime moniti sive citati, *comparere recusarunt*; vel comparentes, cum multitudine accesserunt; vel in eundem verba opprobriosa conjecerunt: vel Carcerem adire jussi, non obtemperarunt, aut inde injussi se proripuerunt: vel qui de se, aut aliis, *justitiam*

justitiam fieri non permiserunt, vel post tres conformes sententias, non acquieverunt.

Quinto, qui privatim, *Conventicula* sive Conspiraciones & Confoederationes, vel publice turbas Hominum Congregaverunt, vel eisdem ultro interfuerunt: Quive, pro Concionibus, quicquam ad seditionem aut factionem in Universitate, vel Collegio aliquo Aulave, alendam, aut excitandam, vel, quod Doctrinæ, aut Disciplinæ Ecclesiæ Anglicanæ deroget aut dissentiat, disseminaverunt; aut qui exemplar Concionis, aut Orationis alicujus publice habitæ, à *Cancellario* vel ejus Commissario requisiti exhibere recusaverunt, aut, Concionis exemplar non habere se prætendentes, de iis de quibus suspecti seu delati fuerint; virtute *Juramenti* directe respondere abnuerint.

Decretum est denique, quod, qui *Rei* peraguntur horum *Criminum*, vel alicujus illorum, cui *Statuto* aliquo jam edito, vel in posterum edendo, *Appellationis* remedium interdicitur, quodve in aliquo *Statuto* inter *Crimina perturbatæ Pacis* numerentur: Quive ab hominibus fide dignis delati, vel Judicio *Domini Cancellarii*, ejusdemve Commissarii, sive Vice-Cancellarii, aut Deputati sui, de iis probabiliter suspecti fuerint; nec à Decreto aliquo Interlocutorio, prætextu gravaminis, nec à Sententia Definitiva, prætextu injustitiæ, appellare possint: Sed, quacunque *Appellatione* non obstante, ejusdem Decreto sive Sententiæ obtemperare teneantur; modo gravio-rem poenam, quam quæ per *Statuta* irrogatur, (ubi aliqua irrogatur) alicui non imponat.

Appendix Statutorum.

STATUTA BIBLIOTHECÆ

BODLEIANÆ,

Promulgata & confirmata in Domo Convocationis, *Anno Dom. 1620.*

§. 6. *De modo studendi: Necnon de Libris in Quarto & Octavo.*

Quemadmodum omnibus *Bibliothecam* frequentaturis liberum licitumque esse volumus (si ad eum modum habiles fuerint, quem modo explicabimus) cuncta *Volumina* Pluteis per Catenulas alligata perlustrare, dum ea confibulare, adstrigmenta in nodum colligere, implexas eorum Catenulas extricare, suis quæque locis digesta (sic ut offenderunt) reponere meminerint (si secus fecerint, ære negligentiam suam, pro arbitrio Vice-Cancellarii, luituri:)

Ita, minoris formæ *Volumina* in Quarto & Octavo, quæque in Clathris, & sub Custodia *Bibliothecarii* folias continentur, ne contrectatione nimia, & pervolutione corrumpantur (quando ob antiquitatem, raritatem, pretium, speciem, aut aliam denique præstantiorem ob notam magni æstimanda fuerint) hac lege visendi cupidis exhibeantur. In manus cuique & numerato tradantur; coram evolvantur; ante discessum reddantur: Qui hanc Legem violaverit,

in duplum cujusque Libri valorem (quem sic retinuerit aut celaverit) condemnetur, &, si destinata animi improbitate id factum comprobetur, è *Bibliotheca* in perpetuum ejiciatur. Porro, quoad *Manuscripta Volumina* (quæ promiscue singulis in Bibliothecam admissis sine discrimine utenda exponi, non potest periculo carere) Statutum est, quod præter volumina dudum Archivis inclusa, & MSS. Codices H. H. C. C. *Guil. Comitis Pembrockiæ*, & *Guilielmi Archiepiscopi Cantuariensis* peculiaribus Clathris conclusos) reliqua etiam *Volumina* MSS. sparsim nunc collocata, in unum colligantur, & sub Clathris seu Cancellis conclusa teneantur, nec cuiquam, qui non sit actu Membrum Universitatis, utenda permittantur, nisi qui in Artibus Magistrum aut saltem in Jure Civili Baccalaureum adduxerit, sibi adstiturum vel assessurum quamdiu codice quovis MS. utetur, quique de libro indemni, & illæso redhibendo spondeat.

Anno Dom. 1613.

§. 3. Statuimus, quod Artium Baccalaurei, qui à die Præsentationis biennium integrum non compleverint, non permittantur frui beneficio publicæ *Bibliothecæ*, nisi ab Aulis & Collegiis suis singuli venerint ad *Bibliothecam*, vestiti Habitu seu Capa, Caputio, sive Cucullo, & Pileo; Quæ non prius exuent, quam à *Bibliotheca* reversi fuerint: si quis secus facere præsumserit, sciat se privatum fore omni beneficio ejusdem *Bibliothecæ*, per spatium trium mensium proxime sequentium. Curabit autem diligenter *Bibliothecarius*, & (in absentia ejus) inferior *Bibliothecarius*, sub virtute Juramenti, ut hoc Statutum (quantum in illis est) debitæ executioni demandetur.

detur. Proviso, quod hoc Statutum non præjudicabit ullo modo filiis Magnatum, & Procerum, aut Dominorum in Parlamento Suffragii jus habentium, aut inferiori Bibliothecario, qui Libris distribuendis occupatus, commode ita vestitus incedere non potest.

§. 4. Statuimus, ut Baccalaurei Artium, & omnes alii non Graduati in posterum à Lectione Librorum Studiis suis minime competentium abstineant; Quod si quis deliquerit contra formam hujus Statuti, & admonitus per *Bibliothecarium* vel ejus deputatum non resipuerit, tradetur statim nomen ejus per custodem *Bibliothecæ* sive ejus Deputatum, Vice-Cancellario & Procuratoribus, ut debita poena ab eisdem puniatur.

§. 5. Statuimus, ut non-Graduati, Facultatis Artium Baccalaurei, & minoris denique ordinis Graduati omnes, senioribus debitum obsequium & reverentiam præstent (quam primum eos viderint ad Scamnum, sive Pluteum, in quo fuerint, accedentes) loco cedendo; vel aliter, Librum, quo prius usi fuerant, tradendo, si res ita tulerit: Quod si querela aliqua, eaque justa contra aliquem pervenerit ad aures Pro-Cancellarii, sive Procuratorum, beneficium unius Terminii in Gratia sua deinceps proponenda pars delinquens amittet, aut aliter per Vice-Cancellarium punietur, & Registrarius Academicus delictum hoc in Registro suo fidelissime annotabit.

§. 6. Quia multi, Statutum de non introducendis Extraneis, aut injuratis in Bibliothecam publicam studendi causa penitus ignorantes, aut non satis attendentes, poenam incurrunt gravissimam: si quis in posterum deliquerit in hoc genere, sciat se incarcerationem, præter poenam pecuniariam

pecuniariam arbitrio ac judicio Vice-Cancellarii delinquenti infligendam.

§. 7. Statutum est, quod nullus, sub poenâ trium solidorum & quatuor denariorum, legendo in aliquem Librum incumbat; Charta sive libello aliquo chartaceo aut membranaceo proposito, super Librum aliquem scribat: nam hoc modo vel atramenti suffusione, vel foliorum replicatione, vel fordibus contractis contaminabitur, in non modicum detrimentum Librorum tam insignium! Postremo curabit diligenter unusquisque Studiosus, ut Libri è manibus suis depositi, ac repositi in locum suum, utramque fasciam, sive fibulam, aut omnes (si plures fuerint) firmiter nectat, atque colligat in nodum: delinquentes contra hoc Statutum solvent (toties quoties) duodecim denarios, nomine poenæ.

§. 8. Statuimus insuper, si quis à *Bibliothecario*, vel ejus Deputato, aut aliquo Officiario Bibliothecæ, (interrogatus de nomine suo, & Collegio sive Aula) non responderit statim juxta rei veritatem; quod ipso facto à *Bibliotheca* publica amovebitur, quousque per Congregationem Regentium, Gratia secundo proposita & concessa, idoneus censëbitur.

§. 9. Statuimus, idque sub Poenâ *perjurii*, si cui jurato probe constiterit, aliquem injuratum, aut non admissum juxta statutorum exigentiam in *Bibliotheca* commorari studendi ergo; quod statim revelet nomen ejus *Bibliothecario* aut ipsius Deputato, ut ab iisdem mature prospiciatur, ne quid *Bibliotheca* detrimenti capiat.

Anno Dom. 1615.

§. 5. Pro Explanatione cujusdam Statuti controversi (quo cavetur, quod Baccalaurei Artium,
&

& omnes alii non-Graduati, abstineant in posterum à lectione Librorum, studiis suis minime competentium;) Decretum est, quod Baccalauræi & non-Graduati non vagabuntur de loco ad locum; sed in ea parte *Bibliothecæ* sedulo studiis suis incumbant, in qua Libri Facultatis Artium (iique soli) continentur. Provisio semper, ne Exteris & Peregrinis, vel Juris aut Medicinæ Studiosis fraudi sit, quin Libris Facultatis suæ respective frui liceat.

Anno Dom. 1621.

---- Tertio, quod omnes & singuli Studiosi, admittendi ad studendum in Bibliotheca, teneantur emere Catalogum Librorum ejusdem Bibliothecæ, quandocunque eum denuo Typis vulgari, usus ac utilitas studentium postulabit.

Catalogo vero pretium, in singulos Libros, statuent Vice-Cancellarius & Curatores.

ΕΠΙΝΟΜΙΣ,

Seu Explanatio Juramenti, quod de observandis Statutis Universitatis à singulis præstari solet: Quatenus scilicet seu quousque obligare jurantes censendum sit.

Quoniam aliis restrictior & morosior, aliis contra laxior & disinctior est Conscientia; Illi levissimos quosque lapsus suos calumniari nati sunt, & sese non sapius immorigeros, quam perjuros esse arbitrantur; Hi quosunque Legum nexus, jurisjurandi Religionem, conscientiae laqueos, strophis suis eludere satagunt, & ipsi sibi Palpum obtrudunt: Non abs re fore visum est explicare, quatenus seu quousque jurisjurandi, de Statutis Universitatis observandis præstiti, Religione teneri seu obligari singulos censendum sit; in eoque tale temperamentum sequi, ne vel durius interpretando, illis crucem figere; vel benignius, his fibulam laxare videamur.

Qua in re, hoc imprimis intendendum est, verbis Statutorum, in quæ jurejurando quis adigitur, sensum genuinum, ut & obligationi sive vinculo Juramenti modum ac mensuram præstitui seu præscribi, à mente & intentione, non præstantis, sed exigentis juramentum; scilicet ipsius Legislatoris. Neque enim si quis inter jurandum, verbis in quæ jurejurando adigitur, sensum affingat alienum ab eo quem Legislatori propositum fuisse, ipsi juranti persuasum aliasve verisimile est, hoc est, hujusmodi sensum qui desidiæ vel socordiæ faveat, quive Disciplinæ Academicæ

demice aut morum honestati repugnet) eo ipso *ἀποκρίν* illum, aut Statutis vel Jurisjurandi Religioni satisfacere putandum est: nedum jurisjurandi religione exsolutum ut putet se quis, si ad jurandum animum afferat non obligandi seipsum, sed in nudo verborum cortice sistendi: neque enim Poeticum illud *δυσωπίας* remedium, seu verius coludium --- Lingua juravi, mentem injuratam gero --- homini Christiano satisfacere aut potest aut debet, eo ipso à perjurii crimine excusatum reputare se ut debeat. Quoniam igitur mensura obligationis sive vinculi Juramenti ab intentione Legislatoris præcipue pendet, operæ pretium utique fuerit, singulos mentem ac intentionem Legislatoris perspectam & exploratam habere; Qualis scilicet qualiumque Statutorum transgressio, juratos ad omnia Statuta promiscue observanda perjurio involvat.

Intenditur igitur perjurio se obligare,

Primo, delinquentes contra Statuta sub pœna perjurii sancita, aut contra Statuta ad quæ speciatim observanda fide sua data Universitati obstringuntur; ut in Juramentis assertoriis, affirmantes se aliquid per Statuta requisitum fecisse, quod non fecerint, vel scire credereve, quod non scriverint crediderintve.

Secundo, delinquentes contra Statuta quæcunque, nec submittentés se pœnis per statuta infligendis, aut (ubi nullæ appositæ sunt) arbitrio Cancellarii vel Vice-Cancellarii irrogandis, ex potestate ipsis permessa. Siquidem omnis vera lex, etiam citra ullius jurisjurandi religionem, (ac multo magis juramento firmata) resolvitur necessario in aliquam conscientiæ obligationem, ad actum præceptum aut prohibitum, vel simpliciter vel sub disjunctione;

ita

justitiam fieri non permiserunt, vel post tres conformes sententias, non acquieverunt.

Quinto, qui privatim, *Conventicula* sive Conspirationes & Confoederationes, vel publice turbas Hominum Congregaverunt, vel eisdem ultro interfuerunt: Quive, pro Concionibus, quicquam ad seditionem aut factionem in Universitate, vel Collegio aliquo Aulave, alendam, aut excitandam, vel, quod Doctrinæ, aut Disciplinæ Ecclesiæ Anglicanæ deroget aut dissentiat, disseminaverunt; aut qui exemplar Concionis, aut Orationis alicujus publice habitæ, à *Cancellario* vel ejus Commissario requisiti exhibere recusaverunt, aut, Concionis exemplar non habere se prætendentes, de iis de quibus suspecti seu delati fuerint, virtute *Juramenti* directe respondere abnuerint.

Decretum est denique, quod, qui *Rei* peraguntur horum *Criminum*, vel alicujus illorum, cui *Statuto* aliquo jam edito, vel in posterum edendo, *Appellationis* remedium interdicitur, quodve in aliquo *Statuto* inter *Crimina perturbatae Pacis* numerentur: Quive ab hominibus fide dignis delati, vel Judicio *Domini Cancellarii*, ejusdemve Commissarii, sive Vice-Cancellarii, aut Deputati sui, de iis probabiliter suspecti fuerint; nec à Decreto aliquo Interlocutorio, prætextu gravaminis, nec à Sententia Definitiva, prætextu injustitiæ, appellare possint: Sed, quacunque *Appellatione* non obstante, ejusdem Decreto sive Sententiæ obtemperare teneantur; modo gravio-rem pœnam, quam quæ per *Statuta* irrogatur, (ubi aliqua irrogatur) alicui non imponat.

Appendix Statutorum.

STATUTA BIBLIOTHECÆ
BODLEIANÆ,

Promulgata & confirmata in Domo Convocationis, Anno Dom. 1620.

§. 6. De modo studendi: Necnon de Libris
in Quarto & Octavo.

Quemadmodum omnibus *Bibliothecam* frequentaturis liberum licitumque esse volumus (si ad eum modum habiles fuerint, quem modo explicabimus) cuncta *Volumina* Pluteis per Catenulas alligata perlustrare, dum ea confbulare, adstrigmenta in nodum colligere, implexas eorum Catenulas extricare, suis quæque locis digesta (sic ut offenderunt) reponere meminerint (si secus fecerint, ære negligentiam suam, pro arbitrio Vice-Cancellarii, luituri:)

Ita, minoris formæ *Volumina* in Quarto & Octavo, quæque in Clathris, & sub Custodia *Bibliothecarii* solius continentur, ne contrectatione nimia, & pervolutione corrumpantur (quando ob antiquitatem, raritatem, pretium, speciem, aut aliam denique præstantiorem ob notam magni æstimanda fuerint) hac lege visendi cupidis exhibeantur. In manus cuique & numerato tradantur; coram evolvantur; ante discessum reddantur: Qui hanc Legem violaverit,

in duplum cujusque Libri valorem (quem sic retinuerit aut celaverit) condemnetur, & si destinata animi improbitate id factum comprobetur, è *Bibliotheca* in perpetuum ejiciatur. Porro, quoad *Manuscripta Volumina* (quæ promiscue singulis in Bibliothecam admissis sine discrimine utenda exponi, non potest periculo carere) Statutum est, quod præter volumina dudum Archivis inclusa, & MSS. Codices H. H. C. C. *Guil. Comitæ Pembrockiæ*, & *Guilielmi Archiepiscopi Cantuariensis* peculiaribus Clathris conclusos) reliqua etiam *Volumina* MSS. sparsim nunc collocata, in unum colligantur, & sub Clathris seu Cancellis conclusa teneantur, nec cuiquam, qui non sit actu Membrum Universitatis, utenda permittantur, nisi qui in Artibus Magistrum aut saltem in Jure Civili Baccalaureum adduxerit, sibi adstiturum vel assessurum quamdiu codice quovis MS. utetur, quique de libro indemni, & illæso redhibendo spondeat.

Anno Dom. 1613.

§. 3. Statuimus, quod Artium Baccalaurei, qui à die Præsentationis biennium integrum non compleverint, non permittantur frui beneficio publicæ *Bibliothecæ*, nisi ab Aulis & Collegiis suis singuli venerint ad *Bibliothecam*, vestiti Habitu seu Capa, Caputio, sive Cucullo, & Pileo; Quæ non prius exuent, quam à *Bibliotheca* reversi fuerint: si quis secus facere præsumserit, sciat se privatum fore omni beneficio ejusdem *Bibliothecæ*, per spatium trium mensium proxime sequentium. Curabit autem diligenter *Bibliothecarius*, & (in absentia ejus) inferior *Bibliothecarius*, sub virtute Juramenti, ut hoc Statutum (quantum in illis est) debitæ executioni demandetur.

detur. Provisio, quod hoc Statutum non præjudicabit ullo modo filiis Magnatum, & Procerum, aut Dominorum in Parlamento Suffragii jus habentium, aut inferiori Bibliothecario, qui Libris distribuendis occupatus, commode ita vestitus incedere non potest.

§. 4. Statuimus, ut Baccalaurei Artium, & omnes alii non Graduati in posterum à Lectione Librorum Studiis suis minime competentium abstineant; Quod si quis deliquerit contra formam hujus Statuti, & admonitus per *Bibliothecarium* vel ejus deputatum non resipuerit, tradetur statim nomen ejus per custodem *Bibliothecæ* sive ejus Deputatum, Vice-Cancellario & Procuratoribus, ut debita poena ab eisdem puniatur.

§. 5. Statuimus, ut non-Graduati, Facultatis Artium Baccalaurei, & minoris denique ordinis Graduati omnes, senioribus debitum obsequium & reverentiam præstent (quam primum eos viderint ad Scamnum, sive Pluteum, in quo fuerint, accedentes) loco cedendo; vel aliter, Librum, quo prius usi fuerant, tradendo, si res ita tulerit: Quod si querela aliqua, eaque justa contra aliquem pervenerit ad aures Pro-Cancellarii, sive Procuratorum, beneficium unius Terminii in Gratia sua deinceps proponenda pars delinquens amittet, aut aliter per Vice-Cancellarium punietur, & Registrarius Academicus delictum hoc in Registro suo fidelissime annotabit.

§. 6. Quia multi, Statutum de non introducendis Extraneis, aut injuratis in Bibliothecam publicam studendi causa penitus ignorantes, aut non satis attendentes, poenam incurrunt gravissimam: si quis in posterum deliquerit in hoc genere, sciat se incarcerandum, præter poenam pecuniariam

pecuniariam arbitrio ac judicio Vice-Cancellarii delinquenti infligendam.

§. 7. Statutum est, quod nullus, sub poena trium solidorum & quatuor denariorum, legendo in aliquem Librum incumbat; Charta sive libello aliquo chartaceo aut membranaceo proposito, super Librum aliquem scribat: nam hoc modo vel atramenti suffusione, vel foliorum replicatione, vel fordibus contractis contaminabitur, in non modicum detrimentum Librorum tam insignium: Postremo curabit diligenter unusquisque Studiosus, ut Libri è manibus suis depositi, ac repositi in locum suum, utramque fasciam, sive fibulam, aut omnes (si plures fuerint) firmiter nectat, atque colligat in nodum: delinquentes contra hoc Statutum solvent (toties quoties) duodecim denarios, nomine poenæ.

§. 8. Statuimus insuper, si quis à *Bibliothecario*, vel ejus Deputato, aut aliquo Officiario Bibliothecæ, (interrogatus de nomine suo, & Collegio sive Aula) non responderit statim juxta rei veritatem; quod ipso facto à *Bibliotheca* publica amovebitur, quousque per Congregationem Regentium, Gratia secundo proposita & concessa, idoneus censebitur.

§. 9. Statuimus, idque sub Poena perjurii, si cui jurato probe constiterit, aliquem injuratum, aut non admissum juxta statutorum exigentiam in *Bibliotheca* commorari studendi ergò; quod statim revelet nomen ejus *Bibliothecario* aut ipsius Deputato, ut ab iisdem mature prospiciatur, ne quid *Bibliotheca* detrimenti capiat.

Anno Dom. 1615.

§. 5. Pro Explanatione cujusdam Statuti controversi (quo cavetur, quod Baccalaurei Artium,
&

& omnes alii non-Graduati, abstineant in posterum à lectione Librorum, studiis suis minime competentium;) Decretum est, quod Baccalaurei & non-Graduati non vagabuntur de loco ad locum; sed in ea parte *Bibliothecæ* sedulo studiis suis incumbent, in qua Libri Facultatis Artium (iique soli) continentur. Proviso semper, ne Exteris & Peregrinis, vel Juris aut Medicinæ Studiosis fraudi sit, quin Libris Facultatis suæ respectivè frui liceat.

Anno Dom. 1621.

----Tertio, quod omnes & singuli Studiosi, admittendi ad studendum in Bibliotheca, teneantur emere Catalogum Librorum ejusdem Bibliothecæ, quandocunque eum denuo Typis vulgari, usus ac utilitas studentium postulabit.

Catalogo vero pretium, in singulos Libros, statuent Vice-Cancellarius & Curatores.

ΕΠΙΝΟΜΙΣ,

Seu Explanatio Juramenti, quod de observandis Statutis Universitatis à singulis præstari solet: Quatenus scilicet seu quousque obligare jurantes censendum sit.

QUoniam aliis restrictior & morosior, aliis contra laxior & disinctior est Conscientia; Illi levissimos quosque lapsus suos calumniari nati sunt, & sese non sæpius immorigeros, quam perjuros esse arbitrantur; Hi quoscunque Legum nexus, jurisjurandi Religionem, conscientię laqueos, strophis suis eludere satagunt, & ipsi sibi Palpum obtrudunt: Non abs re fore visum est explicare, quatenus seu quousque jurisjurandi, de Statutis Universitatis observandis præstiti, Religione teneri seu obligari singulos censendum sit; in eoque tale temperamentum sequi, ne vel durius interpretando, illis crucem figere; vel benignius, his fibulam laxare videamur.

Qua in re, hoc imprimis intendendum est, verbis Statutorum, in quæ jurejurando quis adigitur, sensum genuinum, ut & obligationi sive vinculo Juramenti modum ac mensuram præstitui seu præscribi, à mente & intentione, non præstantis, sed exigentis juramentum; scilicet ipsius Legislatoris. Neque enim si quis inter jurandum, verbis in quæ jurejurando adigitur, sensum affingat alienum ab eo quem Legislatori propositum fuisse, ipsi juranti persuasum aliasve verisimile est, hoc est, hujusmodi sensum qui desidiæ vel socordiæ faveat, quive Disciplinæ Academicæ

demicae aut morum honestati repugnet) eo ipso *vincitur* illum, aut Statutis vel Jurisjurandi Religioni satisfacere putandum est: nedum jurisjurandi religione exsolutum ut putet se quis, si ad jurandum animum asserat non obligandi seipsum, sed in nudo verborum cortice sistendi: neque enim Poeticum illud *duopius* remedium, seu verius colludium --- Lingua juravi, mentem injuratam gero --- homini Christiano satisfacere aut potest aut debet, eo ipso à perjurii crimine excusatum reputare se ut debeat. Quoniam igitur mensura obligationis sive vinculi Juramenti ab intentione Legislatoris praeipue pendet, opera pretium utique fuerit, singulos mentem ac intentionem Legislatoris perspectam & exploratam habere; Qualis scilicet qualiumque Statutorum transgressio, juratos ad omnia Statuta promiscue observanda perjurio involvat.

Intenditur igitur perjurio se obligare,

Primo, delinquentes contra Statuta sub pœna perjurii sancita, aut contra Statuta ad quæ speciatim observanda fide sua data Universitati obstringuntur; ut in Juramentis assertoriis, affirmantes se aliquid per Statuta requisitum fecisse, quod non fecerint, vel scire credereve, quod non scrverint crediderintve.

Secundo, delinquentes contra Statuta quæcunque, nec submittentes se pœnis per statuta infligendis, aut (ubi nullæ appositæ sunt) arbitrio Cancellarii vel Vice-Cancellarii irrogandis, ex potestate ipsis permissa. Siquidem omnis vera lex, etiam citra ullius jurisjurandi religionem, (ac multo magis juramento firmata) resolvitur necessario in aliquam conscientiae obligationem, ad actum præceptum aut prohibitum, vel simpliciter vel sub disjunctione;

ita

ita scilicet ut in Conscientia obligentur singuli, aut hoc facere vel omittere, aut illud pati.

Tertio, qui, non obstante incapacitate quacunque, ex transgressione alicujus Statuti contracta, se nihilominus actibus ratione illius incapacitatis interdictis ingerunt. Duplex autem est hæc incapacitas: una, quæ dispensationis beneficio removeri potest; alia, cui tali remedio subveniri non potest, in materia scilicet indispensabili.

Quod vero hujusmodi incapacitatem ex aliquibus delictis contrahi intendant Statuta, ex eo patet, quod Statuta passim supponant dispensationes quoad præterita; Dispensatio autem in actus præteritos minime cadit seu operatur (quasi scilicet ipsos retrahere, aut factum infectum reddere valeret) sed in pœnam delinquentibus irrogatam, ipsam remittendo vel relaxando. Clausula enim illa, in formula Juramenti quo singulos præsentatos obstringit Senior Procurator (Nisi aliter tecum dispensatum fuerit) præter multas ordinarias secundum Statuta irrogatas, supponit, ratione delictorum contra illa Statuta, adhuc remanere aliquam obligationem ad pœnam, dispensationis beneficio dissolvendam; quæ quidem pœna non alia esse potest, quam incapacitas Gradus capeffendi, ex hujusmodi delictis contracta.

Qui igitur non obstante hujusmodi incapacitate, citra dispensationis beneficium Gradus capeffunt, perjurium incurrunt, ac multo magis illi, qui incapacitatem contraxerunt, cui dispensationis remedio subveniri non potest.

Quoad alia vero delicta; si Statutorum pœnarumve contemptus, & crassa obstinataque negligentia absuerit, delinquentes, si pœnis per Statuta sancitis, aliasve arbitrariis se submiserint, Jurisjurandi Religionem temerasse minime censendi sunt.

Magistratibus denique, prout major eis debetur reverentia, quam ut pœnis passim intentatis coerceri ipsos & in ordinem cogi par sit, ita major conscientia obligatio incumbit; utpote qui non solum ea quæ sui muneris sunt fideliter administrare; verum etiam, ut alii omnes suis officiis fungantur, sedulo curare tenentur. Neque tamen eos, ubicunque officiis suis defuerint, perjurii protinus se obligare intenditur. Verum quoniam ipsorum fidei Statutorum custodia & tutela concredita est, si (quod absit) per negligentiam aut socordiam suam Statuta quæcunque inusu ac desuetudine exolescere, & tacite quasi abrogari patiantur, ipsos etiam fidei violatæ ac perjurii teneri decernimus.

CAROLUS

CAROLUS R.

ORDO *sive series electionis Procura-*
torum in singulis Coll. Academiae Oxo-
nienfis secundum vices infra scriptas per Sta-
tuta Sereniffimi Regis Caroli &c. in Domo
Convocationis ibidem stabilita & confirma-
ta &c. quotannis faciendae.

1	{ Eccl. Christi. Coll. Joh. Bapt.	{ 1629. 1652. 1675. 1698.
2	{ Coll. S. Ma. Mag. Coll. Novum.	{ 1630. 1653. 1676. 1699.
3	{ Coll. Mert. Coll. Aenei-nasi	{ 1631. 1654. 1677. 1700.
4	{ Eccl. Christi. Coll. Omn. Anim.	{ 1632. 1655. 1678. 1701.
5	{ Coll. Cor. Christi. Coll. Exoniense.	{ 1633. 1656. 1679. 1702.
6	{ Coll. S. Ma. Mag. Coll. Wadham.	{ 1634. 1657. 1680. 1703.
7	{ Coll. S. Joh. Bapt. Coll. Regin.	{ 1635. 1658. 1681. 1704.
8	{ Eccl. Christi. Coll. Novum.	{ 1636. 1659. 1682. 1705.
9	{ Coll. S. Trinitat. Coll. Orielenfe.	{ 1637. 1660. 1683. 1706.
10	{ Coll. S. Ma. Mag. Coll. Mert.	{ 1638. 1661. 1684. 1707.
11	{ Eccl. Christi. Coll. Aenei-nasi.	{ 1639. 1662. 1685. 1708.
12	{ Coll. Omn. Anim. Coll. Lincoln.	{ 1640. 1663. 1686. 1709.
13	{ Coll. Exoniense. Coll. Vniverf.	{ 1641. 1664. 1687. 1710.
14	{ Coll. Novum. Coll. Wad.	{ 1642. 1665. 1688. 1711.

15	{ Coll. S. Ma. Mag. Eccl. Christi. }	1643. 1666. 1689. 1712.
16	{ Coll. S. Joh. Bapt. Coll. Merton. }	1644. 1667. 1690. 1713.
17	{ Coll. Cor. Christi. Coll. Baliolense. }	1645. 1668. 1691. 1714.
18	{ Coll. Anei-nasi. Coll. Oriolense. Eccl. Christi. }	1646. 1669. 1692. 1715.
19	{ Coll. S. Ma. Mag. Coll. Novum. }	1647. 1670. 1693. 1716.
20	{ Coll. Om. Anim. Coll. Exoniense. }	1648. 1671. 1694. 1717.
21	{ Coll. Reginense. Coll. S. Trinitat. }	1649. 1672. 1695. 1718.
22	{ Coll. Wadhams. Coll. Jesu. }	1650. 1673. 1696. 1719.
23	{ Coll. Pembr. }	1651. 1674. 1697. 1720.

*Quolibet anno quarto teneatur Junior Procura-
tor designare Seniore in Comitibus Magistrum
ex Aula aliqua.*

*Quolibet anno quinto Senior Procurator similiter
teneatur Magistrum ex Aularum aliqua Scho-
lis præficere.*

*Inchoanda est hæc Computatio Anni quarti &
quinti ab Anno Domini Millesimo sexcentesimo
vicesimo nono inclusive.*

STATUTA

STATUTA CAROLINA

De Cyclo Procuratorio, Edita Auctoritate Serenissimi Regis CAROLI Primi, confirmata in Domo Convocationis, A. D. MDCXXVIII.

Schedula five Repertorium seriei & circuitus prædicti Electionis Procuratorum in singulis Collegiis Academiæ Oxoniensis, manu propria Cancellarii, Vice-Cancellarii, & Collegii cuiusque & Aulæ Præfecti consignata, in Archivis Universitatis (una cum alijs Munimentis) reponatur; habeantque singula Collegia Exemplar authenticum, unde vices suas certo possint dignoscere.

2. Neminem ad muneris Procuratorii Dignitatem admitti fas esto, priusquam quatuor Annos à suscepto Magisterii Gradu (hoc est, à die creationis suæ in Comitibus publicis) compleverit; vel postquam annum decimum exceßerit, ab eodem die terminando Decennium.

3. Nullus Gradu aliquo in Theologia, vel Jure, vel Medicina, insignitus, Procuratoris Munus obibit; nec (nisi Officio deposito) ad Gradum aliquem Procurator quivis eodem anno promoveatur.

4. Die Mercurii, post primam Dominicam in Quadragesima, in singulis Collegiis, secundum ordinem

ordinem præscriptum, quotannis Procuratorum fiat electio.

5. Die Mercurii, Hebdomadem Paschatis proxime sequente, tempore pomeridiano, in Domo Convocationis, eorundem peragatur Admissio; quo loco & tempore, Procuratores Anni superioris Insignia Officii sui deponant, cum Oratiuncula (ut solet;) & deinde statim Novi in Domo Convocationis (secundum formam jam olim usitatam) per Vice-Cancellarium admittantur.

6. Procuratoribus vero, sic (ut præfertur) per Vice-Cancellarium adsumendis, præfecti Collegiorum eligentium, una cum cæteris eorundem Alumnis (singuli ornamentis gradui suo competentibus ornati) comitatum, ad Domum Convocationis eundo, exhibeant personalem; qui quidem Præfecti & Deputati Procuratores respective suos (secundum ritum antiquum) admittendos Vice-Cancellario præsentabunt: In senioris Procuratoris locum assumetur, qui in serie Magistrorum eisdem Comitibus creatorum, secundum dispositionem Procuratorum (ut moris est) ordine prior collocatur.

7. In Electione Procuratorum in Collegiis facienda, Doctoribus tantum & Magistris in Artibus actualiter creatis, ejusdem Collegii, suffragandi jus competat. Quod si privata cujusvis Collegii statuta, aliam Electionis Domesticæ formam præfiniverint, cujus observationi Juramenti vinculo arctius adstringuntur, in hoc casu (nec alias unquam) ad evitandum perjurii periculum, præscriptam Electionis formam immutandi potestatem facimus.

Nullus Convictor, sive Commensalis, in hac Electione suffragandi privilegio gaudebit, qui non

STATUTA CAROLINA. 207

non à primo ad Academiam adventu in Collegium, Procuratorem ea vice nominaturum, admissus (non noviter ascitus) fuerit; in eo-que educatus, Electionis hujus tempore ibidem residet & commoratur. Residentes vero interpretamur, omnes Collegiorum Socios, Scholares, Clericos, Capellanos, seu quocunque alio vocabulo in Charta Foundationis ejusdem nominati, & dotati inveniuntur. Convictores non item; nisi per sex menses, in Anno Electionem hujusmodi immediate præcedente, in eodem personaliter resederint.

8. Procuratorem in unoquoque Collegio (prout Vices postulant) rite & legitime Electum decernimus, quem major pars omnium Suffragantium nominabit. Quod si duo, pari uterque numero suffragiorum, nominentur; ille pro electo habeatur, quem Præfectus vel (eo absente, seu Sede vacante) ejus vicem gerens nominabit. Sin plures nominentur, nec unus aliquis majorem partem omnium Suffragiorum retulerit, nec eodem die eam ad causam Electionis absoluta fuerit, & ante horam nonam vespertinam Vice-Cancellario renunciata; Collegium istud Jus Præsentandi ista vice amittet, & ad Vice-Cancellarium spectabit nominatio; qui intra biduum aptam Personam, & secundum Conditiones superius assignatas habilem, ex Aularum aliqua assumendam, in Procuratorem cooptabit.

9. Si nullus, in Collegio Procuratorem designaturo, habilis reperiatur, qui possit & velit istud Munus subire, tunc Collegii istius Præfectus, vel (eo absente, aut vacante Sede) ejus vicem gerens, Die Electionis constituto, alium (quem voluerit) habilem, in Aularum aliqua de-

gentem, nominabit; qui deinde in Procuratorem assumetur.

10. Si Procuratorum aliquem mori contigerit, vel quavis de causa ante Anni sui expirationem Officio suo cedere, Locum ejus supplebit alius, ejusdem Collegii, habilis & idoneus, per Præfectum, seu (eo absente, aut vacante Sede) ejus vicem gerentem, intra Septimanam post mortem vel cessionem nominandus: Quod si talis non exstiterit, tunc Vice-Cancellarius, aliquemabilem, in Aula quacunque commorantem, in Procuratorem substituet, ut supra.

11. Nemini Procuratoris absentis vices ad quamcunque Muneris istius expeditionem, supplere licebit, qui tres annos à suscepto Magistri Gradu non compleverit.

12. Ut etiam Aularum (quæ in Procuratorum nominatione nullas vices obtinent) ratio aliqua habeatur; Volumus, ut (quarto quolibet Anno) qui Procuratoris Junioris locum sortitur, primum opponentem in Comitibus, Inceptorem in Artibus ejusdem anni, Aulæ alicujus Alumnus designet. Procurator vero senior, quolibet quinquennio, Magistrum etiam in Aularum aliqua degentem, Scholis præficiat.

13. Si ambiguitas aliqua, vel dubium aliquod, (præter prænominata) occurrat circa Electionem, modo præfinito, in Collegiis faciendam, (ne gliscente inter partes discordia, scandalum exinde oriatur) per Vice-Cancellarium, Doctorem in Theologia seniore (modo sit Præfectus Collegii alicujus) Tempore Electionis Domi præsentem, & Præfectum Collegii in Electione, tunc temporis interesse habentem,
vel

STATUTA CAROLINA. 209

vel horum duos, (quorum Collegii Præfectum unum esse volumus) controversia ejusmodi terminetur. Quod si Præfectus Collegii antedictus, tunc temporis Vice-Cancellarii Locum obtinuerit; tum in Theologia Doctores duos maxime seniores (sed Collegiorum, ut præfertur, Præfectos) sibi assumat, quibuscum Causæ istius cognitionem habeat.

Atque, hæc Statuta, singulasque eorundem particulas (nulli Dispensationi, quavis de causa, sub prætextu quovismodo obnoxia) perpetuo inviolata manere volumus.

DE ARTI.

ARTICULI,

De quibus convenit inter Archiepiscopos, & Episcopos utriusque Provinciæ, & Clerum Universum in Synodo *Londini*, An. 1563. secundum computationem Ecclesiæ *Anglicanæ*, ad tollendam opinionum dissentionem, & consensum in vera Religione firmandum, editi auctoritate Serenissimæ Reginæ.

De fide in sacro-sanctam Trinitatem.

I. **U**Nus est vivus, & verus Deus, æternus, incorporeus, impartibilis, impassibilis, immensæ potentiae, sapientiae ac bonitatis, Creator & Conservator omnium, tum visibilium, tum invisibilium. Et in unitate hujus divinæ naturæ, tres sunt Personæ, ejusdem essentiae, potentiae ac æternitatis, Pater, Filius, & Spiritus Sanctus.

De Verbo, sive Filio Dei, qui verus homo factus est.

II. **F**ilius, qui est verbum Patris, ab æterno à Patre genitus, verus & æternus Deus ac Patri consubstantialis, & in utero beatæ Virginis, ex illius substantia naturam humanam assumpsit: ita ut duæ naturæ, divina & humana, integre atque perfecte in unitate personæ fuerint inseparabiliter conjunctæ, ex quibus est unus
Christus,

Christus, verus Deus, & verus homo, qui vere passus est, crucifixus, mortuus, & sepultus, ut Patrem nobis reconciliaret, essetque hostia, non tantum pro culpa Originis, verum etiam pro omnibus Actualibus hominum peccatis.

De descensu Christi ad Inferos.

III. **Q**uemadmodum Christus pro nobis mortuus est, & sepultus; ita est etiam credendus ad inferos descendisse.

De Resurrectione Christi.

IV. **C**hristus vere à mortuis resurrexit, suumque corpus cum carne, ossibus, omnibusque ad integritatem humanæ naturæ pertinentibus, recepit: cum quibus in cœlum ascendit, ibique residet, quoad extremo die ad judicandos homines reversurus sit.

De Spiritu sancto.

V. **S**piritus sanctus à Patre & Filio procedens ejusdem est cum Patre, & Filio essentiae, majestatis, & gloriæ, verus, ac æternus Deus.

De Divinis Scripturis, quod sufficiant ad Salutem.

VI. **S**criptura sacra continet omnia, quæ ad salutem sunt necessaria, ita ut quicquid in ea nec legitur, neque inde probari potest, non sit à quoquam exigendum, ut tanquam Articulus fidei credatur, aut ad salutis necessitatem requiri putetur.

Sacræ Scripturæ nomine, eos Canonicos libros veteris, & novi testamenti intelligimus, de quorum auctoritate, in Ecclesia nunquam dubitatum est.

*De nominibus, & numero librorum sacrae Canonicae
Scripturae veteris Testamenti.*

Genesis.	Secundus liber Paralipomen.
Exodus.	Primus liber Esdræ.
Leviticus.	Secundus liber Esdræ.
Numeri.	Liber Hester.
Deuteron.	Liber Job.
Josuez.	Psalmi.
Judicum.	Proverbia.
Ruth.	Ecclesiastes, vel Concionator.
Prior liber Samuelis.	Cantica Solomonis.
Secundus liber Samuelis.	4. Prophetæ Majores.
Prior liber Regum.	12. Prophetæ Minores.
Secundus liber Regum.	
Prior liber Paralipom.	

Alios autem libros (ut ait Hieronymus) legit quidem Ecclesia, ad exempla vitæ, & formandos mores: illos tamen ad dogmata confirmanda non adhibet, ut sunt,

Tertius liber Esdræ.	Canticum trium Puero- rum.
Quartus liber Esdræ.	Historia Susannæ.
Liber Tobia.	De Bel & Dracone.
Liber Judith.	Oratio Manassis.
Reliquum libri Hester.	Prior liber Maccab.
Liber Sapientia.	Secundus liber Macca- bæorum.
Liber Jesu filii Sirach.	
Baruch Propheta.	

Novi Testamenti omnes libros (ut vulgo recepti sunt) recipimus, & habemus pro Canonicis.

De Veteri Testamento.

VII. **T**estamentum Vetus Novo contrarium non est, quandoquidem tam in Veteri, quam in Novo per Christum, qui unicus est mediator Dei & hominum, Deus & homo, æterna vita humano generi est proposita. Quare male sentiunt, qui veteres tantum in promissiones temporarias sperasse confingunt. Quanquam lex à Deo data per Moysen (quoad Ceremonias & ritus) Christianos non astringat, neque civilia ejus præcepta in aliqua republica necessario recipi debeant, nihilominus tamen ab obedientia mandatorum (quæ moralia vocantur) nullus (quantumvis Christianus) est solutus.

De tribus Symbolis.

VIII. **S**ymbola tria, Nicænum, Athanasii, & quod vulgo Apostolorum appellatur, omnino recipienda sunt, & credenda; nam firmissimis Scripturarum testimoniis probari possunt.

De Peccato Originali.

IX. **P**eccatum Originis non est (ut fabulantur Pelagiani) in imitatione Adami situm, sed est vitium, & depravatio naturæ, cujuslibet hominis ex Adamo naturaliter propagati: qua fit, ut ab originali justitia quam longissime distet, ad malum sua natura propendeat, & caro semper adversus spiritum concupiscat, unde in unoquoque nascentium, iram Dei atque damnationem mereatur. Manet etiam in renatis hæc naturæ depravatio. Qua fit, ut affectus, Græce *φρονεμα σαρκος* (quod alii

alii sapientiam, alii sensum, alii affectum, alii studium carnis interpretantur,) legi Dei non subijciatur. Et quanquam renatis & credentibus, nulla propter Christum est condemnatio, peccati tamen in sese rationem habere concupiscentiam, fatetur Apostolus.

De libero Arbitrio.

X. **E**A est hominis post lapsum Adæ conditio, ut sese naturalibus suis viribus, & bonis operibus, ad fidem & invocationem Dei convertere, ac præparare non possit. Quare absque gratia Dei (quæ per Christum est) nos præveniente, ut velimus; & cooperante, dum volumus, ad pietatis opera facienda, quæ Deo grata sunt, & accepta, nihil valemus.

De hominis Justificatione.

XI. **T**antum propter meritum Domini ac Servatoris nostri Jesu Christi, per fidem, non propter opera, & merita nostra, justi coram Deo reputamur. Quare sola fide nos justificari, doctrina est saluberrima, ac consolationis plenissima, ut in Homilia de Justificatione hominis, fusius explicatur.

De bonis Operibus.

XII. **B**ona opera, quæ sunt fructus fidei, & justificatos sequuntur, quanquam peccata nostra expiare, & divini judicii severitatem ferre non possunt: Deo tamen grata sunt, & accepta in Christo, atque ex vera & viva fide necessario profluunt, ut plane ex illis, æque

æque fides viva cognosci possit, atque arbos ex fructu judicari.

De Operibus ante Justificationem.

XIII. **O**pera quæ sunt ante gratiam Christi, & spiritus ejus afflatum, cum ex fide Jesu Christi non prodeant, minime Deo grata sunt, neque gratiam (ut multi vocant) de congruo merentur. Immo cum non sunt facta, ut Deus illa fieri voluit & præcepit, peccati rationem habere non dubitamus.

De Operibus supererogationis.

XIV. **O**pera quæ supererogationis appellant, non possunt sine arrogantia & impietate prædicari. Nam illis declarant homines, non tantum se Deo reddere, quæ tenentur, sed plus in ejus gratiam facere, quam deberent; cum aperte Christus dicat: Cum feceritis omnia quæcunque præcepta sunt vobis, dicite, servi inutiles sumus.

De Christo, qui solus est sine peccato.

XV. **C**hristus in nostræ naturæ veritate, per omnia similis factus est nobis, excepto peccato, à quo prorsus erat immunis, tum in carne, tum in spiritu. Venit ut agnus, absque macula, qui mundi peccata per immolationem sui semel factam tolleret, & peccatum (ut inquit Johannes) in eo non erat: sed nos reliqui etiam baptizati, & in Christo regenerati, in multis tamen offendimus omnes. Et si dixerimus, quod peccatum non habemus, nos ipsos seducimus, & veritas in nobis non est.

De Peccato post Baptismum.

XVI. **N**ON omne peccatum mortale post Baptismum voluntarie perpetratum est peccatum in Spiritum sanctum, & irremissibile. Proinde lapsis à Baptismo in peccata, locus pœnitentiæ non est negandus; post acceptum Spiritum Sanctum possumus à gratia data recedere, atque peccare, denuoque per gratiam Dei resurgere, ac resipiscere: ideoque illi damnandi sunt, qui se quamdiu hic vivant, amplius non posse peccare affirmant, aut vere resipiscitibus, veniæ locum denegant.

De Prædestinatione, & Electione.

XVII. **P**Rædestinatio ad vitam, est æternum Dei propositum, quo ante jacta mundi fundamenta, suo consilio, nobis quidem occulto, constanter decrevit, eos quos in Christo elegit ex hominum genere, à maledicto & exitio liberare, atque (ut vasa in honorem efficta) per Christum, ad æternam salutem abducere. Unde qui tam præclaro Dei beneficio sunt donati, illi Spiritu ejus, opportuno tempore operante, secundum propositum ejus vocantur, vocationi per gratiam parent, justificantur gratis, adoptantur in filios Dei, unigeniti ejus filii Jesu Christi imagini efficiuntur conformes, in bonis operibus sancte ambulant, & demum ex Dei misericordia pertinent ad sempiternam felicitatem.

Quemadmodum prædestinationis & electionis nostræ in Christo pia consideratio, dulcis, suavis, & ineffabilis consolationis plena est, vere piis, & his qui sentiunt in se vim Spiritus Christi,

sti, facta carnis, & membra, quæ adhuc sunt super terram, mortificantem, animumque ad celestia & superna rapientem. Tum quia fidem nostram de æterna salute consequenda per Christum plurimum stabilit atque confirmat, tum quia amorem nostrum in Deum vehementer accendit. Ita hominibus curiosis, carnalibus, & Spiritu Christi destitutis, ob oculos perpetuo versari prædestinationis Dei sententiam, perniciosissimum est præcipitium, unde illos diabolus protrudit, vel in desperationem, vel in æque perniciosam imparissimæ vitæ securitatem; deinde promissiones divinas sic amplecti oportet, ut nobis in Sacris literis generaliter propositæ sunt, & Dei voluntas in nostris actionibus ea sequenda est, quam in verbo Dei habemus diserte revelatam.

De speranda æterna salute tantum

in nomine Christi.

XVIII. **S**unt & illi anathematizandi, qui dicere audent unumquemque in lege, aut secta quam profiteretur, esse servandum, modo juxta illam & lumen naturæ accurate vixerit: cum Sacre Literæ tantum Jesu Christi nomen prædicent, in quo salvos fieri homines oporteat.

De Ecclesia.

XIX. **E**cclēsia Christi visibilis est coetus fidelium, in quo verbum Dei purum prædicatur, & Sacramenta, quoad ea quæ necessario exigantur, juxta Christi institutum recte administrantur. Sicut erravit Ecclesia Hierosolymitana, Alexandrina, & Antiochena; ita & erravit Ecclesia Romana, non solum quoad agen-

da,

E c

da,

da, & ceremoniarum ritus, verum in his etiam quæ credenda sunt.

De Ecclesie Auctoritate.

XX. **H**abet Ecclesia Ritus sive Ceremonias statuendi jus, & in fidei controversiis auctoritatem; quamvis Ecclesie non licet quicquam instituire, quod verbo Dei scripto adversetur, nec unum Scripturæ locum sic exponere potest, ut alteri contradicat. Quare licet Ecclesia sit divinorum Librorum testis & conservatrix, attamen ut adversus eos nihil decernere, ita præter illos, nihil credendum de necessitate salutis debet obtrudere.

De Auctoritate Conciliorum Generalium.

XXI. **G**eneralia Concilia, sine jussu, & voluntate Principum congregari non possunt, & ubi convenerint, quia ex hominibus constant, qui non omnes Spiritu, & verbo Dei reguntur, & errare possunt, & interdum errarunt, etiam in his quæ ad Deum pertinent: ideoque quæ ab illis constituuntur, ut ad salutem necessaria, neque robur habent, neque auctoritatem, nisi ostendi possint è sacris Literis esse desumpta.

De Purgatorio.

XXII. **D**octrina Romanensium de Purgatorio, de Indulgentiis, de Veneratione, & Adoratione, tum Imaginum, tum Reliquiarum, nec non de Invocatione Sanctorum, res est inutilis, inaniter conficta, & nullis Scripturarum

pturarum Testimoniis inaitur: immo verbo Dei contradicit.

De Ministrando in Ecclesia.

XXIII. **N**ON licet cuiquam sumere sibi munus publice prædicandi, aut administrandi Sacramenta in Ecclesia, nisi prius fuerit ad hæc obeunda legitime vocatus & missus. Atque illos legitime vocatos & missos existimare debemus, qui per homines, quibus potestas vocandi ministros, atque mittendi in vineam Domini, publice concessa est in Ecclesia, cooptati fuerint, & adsciti in hoc opus.

De loquendo in Ecclesia lingua, quam Populus intelligit.

XXIV. **L**ingua Populo non intellecta, publicas in Ecclesia preces peragere aut Sacramenta administrare, verbo Dei, & primitivæ Ecclesiæ consuetudini plane repugnat.

De Sacramentis.

XXV. **S**acramenta à Christo instituta, non tantum sunt notæ professionis Christianorum, sed certa quædam potius testimonia, & efficacia signa gratiæ, atque bonæ in nos voluntatis Dei, per quæ invisibiliter ipse in nos operatur, nostramque fidem in se non solum excitat, verum etiam confirmat.

Duo à Christo Domino nostro in Evangelio instituta sunt Sacramenta, scilicet Baptismus & Cæna Domini.

Quinque illa vulgò nominata Sacramenta: scilicet

licet Confirmatio, Pœnitentia, Ordo, Matrimonium, & Extrema Unctio, pro Sacramentis Evangelicis habenda non sunt, ut quæ, partim à prava Apostolorum imitatione proflexerunt, partim vitæ status sunt in Scripturis quidem probati: sed Sacramentorum eandem cum Baptismo & Coena Domini rationem non habentes, ut quæ signum aliquod visibile, seu ceremoniam, à Deo institutam non habeant.

Sacramenta non in hoc instituta sunt à Christo, ut spectarentur, aut circumferrentur, sed ut rite illis uterentur, & in his duntaxat qui digne percipiunt, salutarem habent effectum: Qui vero indigne percipiunt, damnationem (ut inquit Paulus) sibi ipsis acquirunt.

De vi Institutionum divinarum, quod eam non tollat malitia Ministrorum.

XXVI. **Q**Uamvis in Ecclesia visibili, bonis mali semper sunt admixti, atque interdum ministerio Verbi & Sacramentorum administrationi præsent; tamen cum non suo, sed Christi nomine agant, ejusque mandato, & auctoritate ministrent, illorum ministerio uti licet, cum in verbo Dei audiendo, tum in Sacramentis percipiendis. Neque per illorum malitiam effectus institutorum Christi tollitur, aut gratia donorum Dei minuitur, quoad eos qui fide, & rite sibi oblata percipiunt, quæ propter institutionem Christi, & promissionem efficacia sunt, licet per malos administrentur.

Ad Ecclesiæ tamen disciplinam pertinet, ut in malos ministros inquiratur, accusenturque ab his, qui eorum flagitia noverint; atque tandem justo convicti judicio deponantur.

De

De Baptismo.

XXVII. **B**aptismus non est tantum professionis signum, ac discriminis nota, qua Christiani à non Christianis discernantur, sed etiam est signum regenerationis, per quod, tanquam per instrumentum, recte Baptismum suscipientes, Ecclesiae inseruntur, promissiones de remissione peccatorum, atque adoptione nostrae in filios Dei per Spiritum sanctum visibiliter obsignantur, fides confirmatur, & vi divinae invocationis gratia augetur.

Baptismus parvulorum omnino in Ecclesia retinendus est, ut qui cum Christi institutione optime congruat.

De Coena Domini.

XXVIII. **C**oena Domini non est tantum signum mutuae benevolentiae Christianorum inter sese, verum potius est Sacramentum nostrae per mortem Christi redemptionis.

Atque adeo, rite, digne, & cum fide sumentibus, panis quem frangimus, est communicatio corporis Christi: similiter poculum benedictionis, est communicatio sanguinis Christi.

Panis & Vini Transubstantiatio in Eucharistia, ex sacris Literis probari non potest. Sed apertis Scripturae verbis adversatur, Sacramenti naturam evertit, & multarum superstitionum dedit occasionem.

Corpus Christi datur, accipitur, & manducatur in Coena, tantum coelesti & spiritali ratione, Medium autem quo corpus Christi accipitur, & manducatur in Coena, fides est.

Sacramen-

Sacramentum Eucharistiæ, ex institutione Christi non servabatur, circumferebatur, elevabatur, nec adorabatur.

De manducatione corporis Christi, & impios illud non manducare.

XXIX. **I**mpii, & fide viva destituti, licet carnaliter, & visibiliter (ut Augustinus loquitur) corporis, & sanguinis Christi Sacramentum dentibus premant, nullo tamen modo Christi participes efficiuntur. Sed potius tantæ rei Sacramentum, seu Symbolum, ad iudicium sibi manducant, & bibunt.

De utraque Specie.

XXX. **C**alix Domini laicis non est denegandus, utraque enim pars Domini Sacramenti, ex Christi institutione, & præcepto, omnibus Christianis, ex æquo administrari debet.

De unica Christi Oblatione ic Cruce perfecta.

XXXI. **O**blatio Christi semel facta, perfecta est redemptio, propitiatio, & satisfactio pro omnibus peccatis totius mundi, tam originalibus, quam actualibus. Neque præter illam unicam, est ulla alia pro peccatis expiatio; unde missarum sacrificia, quibus, vulgo dicebatur, sacerdotem offerre Christum in remissionem poenæ, aut culpæ, pro vivis & defunctis, blasphemata figmenta sunt, & perniciosæ imposturæ.

De

De Conjugio Sacerdotum.

XXXII. **E** piscopis, Presbyteris, & Diaconis nullo mandato divino præceptum est, ut aut coelibatum voveant, aut à matrimonio abstineant. Licet igitur etiam illis, ut cæteris omnibus Christianis, ubi hoc ad Pietatem magis facere judicaverint, pro suo arbitratu matrimonium contrahere.

De Excommunicatis vitandis.

XXXIII. **Q**UI per publicam Ecclesiæ denunciationem rite ab unitate Ecclesiæ præcisus est & excommunicatus, is ab universa fidelium multitudine (donec per poenitentiam publice reconciliatus fuerit arbitrio Judicis competentis) habendus est tanquam Ethnicus & Publicanus.

De Traditionibus Ecclesiasticis.

XXXIV. **T**raditiones atque Cere monias easdem, non omnino necessarium est esse ubique, aut prorsus consimiles. Nam ut variaz semper fuerunt, & mutari possunt, pro Regionum, temporum, & morum diversitate, modo nihil contra verbum Dei instituat.

Traditiones, & Cere monias Ecclesiasticas quæ cum verbo Dei non pugnant, & sunt auctoritate publica institutz, atque probatz, quisquis privato consilio volens, & data opera, publice violaverit, is, ut qui peccat in publicum ordinem Ecclesiæ, quique lædit auctoritatem Magistratus, & qui infirmorum fratrum conscientias

tias vulnerat, publice, ut cæteri timeant, arguendus est.

Quælibet Ecclesia particularis, five Nationalis, auctoritatem habet instituendi, mutandi, aut abrogandi Ceremonias, aut Ritus Ecclesiasticos, humana tantum auctoritate institutos, modo omnia ad ædificationem fiant.

De Homiliis.

XXXV. **T**OMUS secundus Homiliarum, quarum singulos titulos huic articulo subjunximus, continet piam & salutarem doctrinam, & his temporibus necessariam, non minus quam prior Tomus Homiliarum quæ editæ sunt tempore Edwardi Sexti. Itaque eas in Ecclesiis per ministros diligenter & clare, ut à populo intelligi possint, recitandas esse judicavimus.

De nominibus Homiliarum.

Of the right use of the Church.

Against Peril of Idolatry.

Of repairing and keeping clean of Churches.

Of Good works.

First of Fasting.

Against Gluttony and Drunkenness.

Against Excess in Apparel.

Of Prayer.

Of the Place and Time of Prayer.

That Common Prayers and Sacraments ought to be ministered in a known Tongue.

Of the reverent Estimation of Gods word.

Of Almes doing.

Of the Nativity of Christ.

Of the Passion of Christ.

Of the Resurrection of Christ.

Of the worthy Receiving of the Sacrament
of the Body and Blood of Christ.

Of the Gifts of the Holy Ghost.

Of the Rogation-days.

Of the State of Matrimony.

Of Repentance.

Against Idleness.

Against Rebellion.

De Episcoporum & Ministrorum Consecratione.

XXXVI. **L**ibellus de Consecratione Archiepiscoporum, & Episcoporum, & de Ordinatione Presbyterorum & Diaconorum, editus nuper temporibus Edvardi VI. & auctoritate Parliamenti illis ipsis temporibus confirmatus, omnia ad ejusmodi Consecrationem, & Ordinationem necessaria continet, & nihil habet, quod ex se sit, aut superstitiosum, aut impium: itaque quicumque juxta ritus illius libri consecrati, aut ordinati sunt, ab anno secundo prædicti Regis Edvardi, usque ad hoc tempus, aut in posterum juxta eosdem ritus consecrabuntur, aut ordinabuntur, rite atque ordine, atque legitime statuimus esse, & fore consecratos & ordinatos.

De Civilibus Magistratibus.

XXXVII. **R**egia Majestas in hoc Angliæ Regno, ac cæteris ejus Dominiis, summam habet potestatem, ad quam omnium statuum hujus Regni, sive illi Ecclesiastici sunt, sive Civiles, in omnibus causis, suprema gubernatio pertinet, & nulli externæ jurisdictioni est subjecta, nec esse debet.

Cum Regiæ Majestati summam gubernationem

nem tribuimus, quibus titulis intelligimus, animos quorundam calumniatorum offendi, non damus Regibus nostris, aut Verbi Dei, aut Sacramentorum administrationem, quod etiam injunctiones ab Elizabetha Regina nostra, nuper editæ apertissime testantur, sed eam tantum prærogativam, quam in Sacris Scripturis à Deo ipso, omnibus piis Principibus, videmus semper fuisse attributam, hoc est, ut omnes status, atque ordines fidei suæ à Deo commissos, sive illi Ecclesiastici sint, sive Civiles, in officio contineant, & contumaces ac delinquentes gladio civili coerceant.

Romanus Pontifex nullam habet jurisdictionem in hoc Regno Angliæ.

Leges Regni possunt Christianos propter capitalia, & gravia crimina, morte punire.

Christianis licet, ex mandato Magistratus, arma portare, & justa bella administrare.

De illicita bonorum Communicatione.

XXXVIII. **F**acultates & bona Christianorum non sunt communia, quoad jus & possessionem (ut quidam Anabaptistæ jactant) debet tamen quisque de his quæ possidet, pro facultatum ratione, pauperibus eleemosynas benigne distribuere.

De Furejurando.

XXXIX. **Q**uemadmodum juramentum vanum & temerarium à Domino nostro Jesu Christo, & Apostolo ejus Jacobo, Christianis hominibus interdictum esse fatemur: ita Christianorum Religionem minime prohibere censemus,

mus, quin jubente Magistratu in causa fidei & charitatis jurare liceat, modo id fiat juxta Prophetæ doctrinam, in justitia, in judicio, & veritate.

Confirmatio Articulorum.

HIC liber antedictorum Articulorum jam denuo approbatus est, per assensum & consensum Serenissimæ Reginæ Elizabethæ Dominæ nostræ, Dei gratia Angliæ, Franciæ, & Hiberniæ Reginæ, Defensoris Fidei &c. retinendus, & per totum Regnum Angliæ exsequendus. Qui Articuli, & lecti sunt, & denuo confirmati, subscriptione D. Archiepiscopi & Episcoporum superioris Domus, & totius Cleri inferioris Domus in Convocatione, A. D. 1571.

Three Articles in the 36th Canon.

I. **T**Hat the Queen's Majesty under God, is the only Supream Governour of this Realm, and of all other her Highness Dominions and Countreys, as well in all Spiritual or Ecclesiastical things or causes, as Temporal; and that no Foreign Prince, Person, Prelate, State or Potentate, hath or ought to have any Jurisdiction, Power, Superiority, Preheminence or Authority, Ecclesiastical or Spiritual, within Her Majesty's said Realms, Dominions and Countreys.

II. That the Book of Common Prayer, and of Ordering of Bishops, Priests and Deacons, containeth in it nothing contrary to the word of God, and that it may lawfully so be used, and

that I my self will use the Form in the said Book prescribed in publick Prayer, and Administration of the Sacraments, and none other.

III. That I allow the Book of Articles of Religion agreed upon by the Archbishops and Bishops of both Provinces, and the whole Clergy in the Convocation holden at *London* in the year of our Lord God, One thousand five hundred sixty and two: and that I acknowledge all and every the Articles therein contained, being in number Nine and thirty, besides the Ratification, to be agreeable to the Word of God.

The Oath of Allegiance.

I A. B. do sincerely Promise and Swear, That I will be faithfull, and bear true Allegiance to Her Majesty Queen *Ann*.

So help me God, &c

The Oath of Supremacy.

I A. B. do Swear, That I do from my Heart Abhor, Detest, and Abjure, as Impious and Heretical, that damnable Doctrine and Position, *That Princes Excommunicated or Deprived by the Pope, or any Authority of the See of Rome, may be Deposed or Murthered by their Subjects, or any other whatsoever.*

And I do declare, That no forein Prince, Person, Prelate, State or Potentate, hath, or ought to have any Jurisdiction, Power, Superiority, Preeminence, or Authority Ecclesiastical or Spiritual within this Realm.

So help me God, &c.

The

The Oath at the Matriculation of a Scholar.

TU fidem dabis ad Observandum omnia Statuta Privilegia, & Consuetudines hujus Universitatis Oxon. Ita Deus te adjuvet, tactis Sacro-Sanctis Christi Evangeliiis.

The Oath at the Matriculation of a Privileged Person.

YOU shall Swear to Observe all Statutes, Privileges and Customes of this University: So help you God.

You shall farther swear that you will never sue in any Cause of yours before the Mayor and Bayliffs of this Town; nor answer before them as your Judge, so long as you continue to enjoy the Priviledges of this University.

P R Æ S E N T A N D I

Intra triduum antequam Præsententur legere, vel, alio legente, audire tenentur;

Art.	{ Bac. }	Sect. { 1 }	à Pag. { 22 }	ad { 28 }
	{ Inc. }	{ 2 }	{ 29 }	{ 45 }
Musie.	{ Bac. }	Sect. 3. Art.	{ 1, 2. }	{ 48 }
	{ Inc. }		{ 3, 4. }	{ 46 }
Juris	{ Bac. }	Sect. 4. Art.	{ 1, 2. }	{ 47, 48 }
Civ.	{ Inc. }		{ 3, 4. }	{ 48, 49 }
Medic.	{ Bac. }	Sect. 5. Art.	{ 1, 2. }	{ 49, 50 }
	{ Inc. }		{ 3, 4. }	{ 50, 51 }
Theol.	{ Bac. }	Sect. 6. Art.	{ 1, 2. }	{ 51, 52 }
	{ Inc. }		{ 3, 4. }	{ 53. }
Universi		Sect. 7. Pag.	54, 55.	

Addita

Addita quædam è Corpore Statutorum Universitatis.

TITULUS II.

§. 6. *De Laicis ad Privilegia Universitatis admittendis.*

STatutum est, quod quilibet Laicus de Scholasticorum familia minime existens, sed per obsequium alicujus Studiosi ad Privilegia Universitatis admittendus, curet se in matriculam Universitatis referendum; & tempore admissionis suæ idem Juramentum præstet, quod Studentes & Scholares; & insuper juret, quod nunquam aliquam Causam suam coram Maiore aut Ballivis attemptabit, nec coram eorum aliquo, tanquam suo Iudice, respondebit, quamdiu in Universitatis obsequio permanserit.

TIT. IV. SECT. II.

§. 5. *De Eligendis publicis Lectoribus.*

STatutum est, quoad hujusmodi Lectores seu Professores publicos, quos eligendi, penes Domum Convocationis vel Congregationis, aut (ex speciali ordinatione Fundatoris Lecturæ cujusvis) penes alias quasunque Personas intra Universitatem, jus ac potestas fuerit; Quod in locum Professoris seu Lectoris cujusvis quomodocunque vacantem, non subrogetur continuo, seu immediate, Successor ex eadem Domo, unde præcedens Lector seu Professor electus fuerat, si alterius

rius cuiuspiam, eidem muneri suffecturi, ex alia Domo substituendi copia detur. Nisi forte per Fundatorem Lecturæ cuiusvis specialiter cautum fuerit, vel aliàs obtinuerit consuetudo, quod post exactum certum annorum curriculum huiusmodi Lecturæ præstitutum, liceat Electoribus eundem denuo ad eandem Lecturam adsciscere; Quo in casu, eundem denuo eligere, non tamen alium quempiam ex eadem Domo subrogare licebit.

SECT. III.

§ 1. *Statuta Lecturæ Arabicæ fundata per Reverendissimum GUILIELMUM Archiepiscopum Cantuar. Cancellarium Universitatis Oxon.*

A Rabicæ Linguæ Prælector Temporibus Vacationum, numerando à primo earum die, legat semel in qualibet Septimana Die Mercurii hora nona matutina. Item tempore Quadragesimæ legat semel in qualibet Septimana, die eodem, hora vero octava matutina: Et si Dies Mercurii dies Festus sit, tum die Veneris.

2. Tempus Lecturæ Schedulis initio cuiuslibet Vacationis in variis Academiæ locis affixis, & pulsatione Campanæ significetur.

3. Per unius horæ spatium in Schola Lecturæ suæ assignata probati alicujus & antiqui Authoris Opus Interpretetur, in quo Linguæ Proprietas, & Sermonis Elegantia elucet.

6. Prælectionibus hisce interesse teneantur omnes Artium Baccalaurei quousque ad Magistrale Gradum promoti steterint in Comitibus. Item omnes Medicinæ Studiosi, donec Baccalaurei in eadem Facultate Præsentati fuerint. Sed & Aliis quibuscunque easdem audiendi potestas sit.

Rogamus

Rogamus etiam, ut Curatores per D. *Thomam Bodley* designati, quolibet tempore Examinationis Bibliothecæ Praelectorem hunc nostrum Arabicum pro tempore existentem accersant; ut Eo præsentē citius meliusque Librorum nostrorum Arabicorum & numerum & censum percipiant, selvosque custodiant.

TIT. VII. SECT. II. §. 8.

Convocationes & Congregationes celebrare liceat in Theatro, ubi res Academiæ id postula-verint; ibidemque universi ad Solennia quæque illuc confluentes, habitibus Gradui & Ordini competentibus induantur.

FINIS.

ERRATA.

Pag. 94. lin. 4. pro suscepisse lege continuo sumpsisse.
p. 96. l. 32. pro Quadriennium lege Biennium. p. 101. l. 11.
Regentibus lege Regentium. p. 108. l. 7. pro 1564. lege
1562. p. 120. l. 23. magistro lege magisterio. p. 121. l. 27.
quam illo qui jam ad. p. 140. l. 3. concedendis lege con-
dendis. p. 142. l. 25. universum. p. 143. l. 19. condem-
natas lege commendatas. Ibid. l. 23. Aliquas ex. p. 145.
l. 13. Nominatio ad Beneficia. p. 146. l. 3. quoquo. p. 186.
l. 20. inferendo.



